

BIBL. NAZ.
VITT. EMANUELE III

148

K

34

NAPOLE

148. K 34



V B E R T I
F O L I E T A E
C L A R O R V M



L I G V R V M
E L O G I A .



A D I O A N N E M A N D R E A M
A V R I A M D V C E M
C L A R I S S I M V M .



R O M A E , Apud heredes Antonii Bladii
Impressores Camerales.
M . D . L X X I I I .

V B E R T I F O L I E T A E
A V C T O R I S .

Te pietas , te relligio , te Martia virtus ,
Ciuiques. artes sydera ad alta ferunt.

Te summi Reges ornant , nomenq. verendum est
Omnibus in terris vrbs veneranda tuum.

Tu late imperium profers , te Numina , sollersque
Ingenium æternis amplificant opibus.

Tu salubri cæloq. aurisq. salubribus vtens
Fata hominum extremum protrahis in senium.

Littora perpetuo viridantia , floribus horti
Vernantes violisq. ipsa hieme in media.

Immanes moles , & tecta æquantia cælum
Desigunt oculos , qui te adeunt , hominum .

Si nihil o Patria hæc possunt incondita scripta
Nostra tuis tantis laudibus adycere .

Ast eadem studium saltem testantia nostrum
Accipe tu , pietas quæ tibi nostra dicat.



T si tu is es, cuius ingeniū, et virtus neque meum,
 neque cuiusquā omnino testimonium desideret,
 me tamen uel amor in te meus, uel ipsa ueritas
 adduxit, ut extare uellem de tuis Elogijs indicium
 meum, non tam apud te, qui te ipsum egregie nosti, quam apud
 omnes gentes, atque adeo apud ipsam posteritatē, quæ de studijs
 ingenijsq. nostris expers amoris & odij, pro cuiusque merito
 sententiam feret. Ego enim tua scripta et legeram ante multos
 annos, et ita probaram, ut ex ijs, qui tunc excellere putabantur,
 tibi neminem antefерrem. nunc, ut uer e dicam, non ut gratiæ
 causa tuis auribus largiri quidquā uelim, hæc de tuis Liguribus
 illustris, & diligens, & ornata commemoratio ita mihi placuit,
 ut qui conferri tecum hoc in genere possit, prorsus neminem esse
 iudicauerim. nam ex vniuersa Italia, aut ex multis prouincijs
 multarum virtutum exempla colligere, id quod ex veteribus
 multi, ex recentioribus nonnulli fecerunt, haud sane magni negotij
 uidetur esse; ex una uero ciuitate, et ex una satis angusta regione
 tamquam ex vberissimo fonte multos haurire, qui vitæ sanctitatis
 te, qui militari gloria, qui Reipublicæ administrandæ scientia,
 qui sollertia, & inuestigandi rerum nouarum, nouarumq. gen-
 tium studio, qui etiam litteris & eloquentia floruerint, hodieq.

A 2 floreat

florant, & admirandum quiddam est, & immortalī laude di-
gnissimum, in qua cogitatione dum versor, non tam equidem pa-
triae tuae gratulor, quod eos ciues tulerit, qui tantas res gererent,
aut qui insigni aliqua laude inter ceteros emererent, quam quod
tu incredibili quodam erga tuos amore incensus ad eorum memo-
riam ab interitu vindicandam ingenium artemq. contuleris. Vi-
uunt enim nomina consumptis corporibus excellenti scriptorum
industria, & si praecōnem virtus inuenit, elucet, eo si caret, ob-
scutatur, & extinguitur. Quocirca uel ijs ipsis, qui ornati a-
te sunt, quorum hodie nonnulli sua gloria uiui perfruuntur, uel
eorum posteris tanti debet esse munus officiumq. tuum, quanti
semper a fortibus ac sapientibus uiris aestimatae nominis aeterni-
tatem uideamus, qui eam non modo laboribus ac periculis, uerum
etiam uita ac sanguine quaerendam putarūt. Et ut aliquid de meo
sensu, cum Matthaeum Senaregani alumnū disciplinae meae prae-
stanti uirum ingenio, natum maximis rebus, dicendi scribendiq.
facultate nemini prorsus aetate nostra concedentem proprij Elo-
gij laude decorasti, & si debitum in eo uirtuti praemium persol-
uisti, me tamen pro mea in illum singulari beneuolentia qua uo-
luptate laetitiaq. affeceris, quo tibi beneficio deuinxeris, nec mi-
hi uerbis exprimere, nec tibi cogitatione consequi facillimum sit.
Ac tu quidem materiam cepisti nobilem, & praelaram. Sed
ut ea speciosior, & iucundior, & ut ita dicam, se ipsa maior
sit, eloquentiae tuae praestantia consequeris. Omitto reliqua, ne
sim nimius. nam sua quidque laude dignum est, sed in principijs
tam multis tantā uarietate, tam splendida, tam eleganter quis
non

non admiretur, aut quis uidit unquam: in ceteris enim Elogio-
rum partibus tui numquam non similis, idest gravis, & subli-
mis, & ornatus, in hac uero tantus es, ut in illis certare cum
alijs, in hac te ipsum uincere uoluisse uidearis. Maeste uin inge-
nio, atque uirtute, optime de Patria merite, cui tot ciues, tot be-
roes, tot Principes communi fatorum lege ereptos, uel temporis
iniuriam timentes restituis atque conseruas, nunc illa te suæ stu-
diosum dignitatis, publici cupidum commodi, uereque suum alum-
num agnoscit: nunc amplectitur absentem, nunc incolumen, flo-
rentem, beatum exoptat. quæ tibi merces una pietatis in illam
perpetuæ præstantissima uidetur. Vale. Romæ ex ædibus
pridie k. l. Dec. M D LXX II.

HIPPOLYTI CAPILVPII EPISCOPI
PHANENSIS.

Illustres animæ Ligurum, quas Martia uirtus
Nota mari & terra sydera ad alta tulit,
Quæque sacrum Musis potuistis scandere montem,
Et celeri immensum currere mente polum.
Vestra Ligon chartis intexuit acta Latinis,
Et uigil æternum reddidit auctor opus.
Sic docta artificis geminas manus inserit auro,
Atque illis ingens adijcit arte decus.
Quo Ciuem Patria ergo suum celebrabit honore,
Qui uetat illius splendida facta mori.

IO. FRANCISCI FERRARII.

Vrbs inuicta caput Ligurum, illustrata quæ alumnis

Tot tantisq. parens clarior usque micas.

Egregijs hominum uirtutibus inclyta debes,

His tibi non paruum nam peperere decus.

Et pace, et bello quoniam castisue, foroue

Quæ gessere, tuum nomen in astra ferunt.

Non minus at docto Folietæ excelsa teneris,

Qui Ligurum cecinit tot benefacta Ducum.

Quin magis huic uni debes obnoxia alumno,

Quam reliquis de te, qui meruere boni.

Parta tibi est etenim mortalis gloria ab illis,

Et quæ Lethæis mersa feratur aquis.

Iste sed immemori scriptis felicibus æuo

Hanc rapit, æternus, perpetuamq. facit.

ANTONII HORTENSII.

Magnanimi Heroes Ligurum, quos inclyta uirtus,
Magnus & in patriam nobilitauit amor.

En uos Vbertus scriptis intexuit aureis,
Vt uis nulla queat, nulla abolere dies.

Ergo uos illi debetis, patria uobis,
Vel potius uobis patria eique simul.

Vos patriam auxistis meritis, Vbertus & illam
Et uos aeterno consecrat eloquio.

IOANNIS VERSOSAE.

Vt uester Folieta simul victurus honores
Aeternis uestros tradidit historiis,
Heroes Ligures, uos dein uita inclyta sacris,
Vos dein fama ullis non moritura manet.

VBERTI FOLIETAE

CLARORVM LIGVRVM

ELOGIA

AD IOANNEM ANDREAM AVRIAM

DUCEM, CLARISSIMVM.



MAGNO animo, & excellenti ingenio viri Ioannes Andrea Auria, cam esse patriæ charitatē statuerunt, quæ nullis iniurijs posset exhauriri: nullisq; quamuis grauib; offensionibus egregios homines a Republica debere abduci existimarunt. Illorum ego vestigijs instans is semper fui, cuius incensa in patriā studia exilij poena, qua me ciues mei affecerunt, numquā aut extinxerit, aut labefactarit, quin contra omnes curas in eius salutem & dignitatem tuendam, augendā, ornandam, quantum pro virili parte possem, perpetuo intentas habuerim. quāquā facere non poteram, quin vicem meam interea dolere, quod me ita om-

B RIA

2
nia sefellissent, ut quam rem mihi laudi & premio per
taram fore, in eodē crimen vel grauissimum perduellio
nis constitutum esset. Verum perpetui mei in patriā
studij haud contēnendum, ni fallor, inter cetera spe-
cimen fuerint hęc, quę nunc edere decreui, Clarorū
Ligurum Elogia, ad quę scribendā illa me in primis
impulit caussa, quod ad inuidiam, quam ciuitati no-
strę nonnullorum maleuolentia & obrectatio con-
flare studet, leuandam, & extinguendam id plurimū
valere existimaui. Sunt enim, qui Genuenses homi-
nes totos mercaturę & quęstui deditos nihil magnū
aut amplum spectare, nihilq. nisi humile & submis-
sum habere cōtendant; eaq. ratione de nationis no-
strę nobilitate, quantū possunt, detrahere nitantur.
Quorum maleuolētia & inscitia cum testimonio no-
strę ætatis, quę tot claros Duces tulit, tum omnium
temporum cōtestata Genuensium virtute refellitur.
Illud enim plane constat, in nulla Italię ciuitate bel-
lica studia aut vehementius, aut diutius, quā Genuę
viguisse; nullamq. esse nationem de Italis, quę post
occasum Romanę virtutis ad naualem Genuensium
gloriam, rerumq. gestarum magnitudinem (absit
verbo inuidia) possit aspirare. Venetias clarissimum
Italię lumen semper excipio. Cui nunc vrbi, ut de im-
perio & de dignitate facile concedimus, ita in pari
cum illa bellicę virtutis & rerum gestarum gloria nos
versari, ne ipsi quidem Veneti magnopere abnuūt,
aut iniquo animo ferunt. illa tantū re inferiores su-
mus

mus, quod res Genuensium magnæ ac præclaræ lu-
 ce historiæ & egregij scriptoris ingenio carentes ob-
 scuriores sunt. Cui Ciuitatis nostræ parti claudican-
 ti ego quantum ingenio & eloquētia possem (utrāq;
 autem rem exilem & pertenuem in me esse intelligo)
 subuenire, sæpe in animo habui. verum omni opera
 occupata, totoq. animo intento in vniuersa nostro-
 rum temporum historia conscribenda, quæ res im-
 mensi operis ac laboris est, fit, vt in tot partes nostra
 distrahi non possit industria. Sed tamen non ita om-
 ni opera mea patriam desertam volui, vt quod tem-
 pus maioribus occupationibus, quamq. operæ sub-
 siciuæ partem eripere potui, eam non illi tribuerem,
 quique vniuersam illius historiam amplecti non po-
 tui, hos tamquam flosculos carptim collegi; in par-
 uoq. hoc opere Ligurum, qui vel militari gloria, vel
 ciuilibus artibus floruerunt, veluti in exigua tabella
 adumbratas imagines ante oculos hominum posui,
 quorumq. res gestas plane explicare, iustæ historiæ
 opus fuerit, eas hac elogiorum breuitate attigisse, ac
 veluti indicasse, haud leue operæ pretium putaui. Vt
 & Clarorum Virorum memoria ab hominum obli-
 uione scriptis nostris vindicaretur; nec patria nostra
 ea laude, quam illi tot ciuium suorum virtus & inge-
 nium conciliat, omnino careret: hocq. extaret sin-
 gularis nostræ pietatis in illam monumentum, cum
 eos tantum hoc honore comprehenderimus, quorū
 nomen rerum gestarum magnitudine, clarissimarūq.

victoriarum gloria, aut magno aliquo memorabili q̄.
 facinore præfulget. præter quos plus septingenti Li-
 gures cum apud annalium nostrorum, tum exterorū
 scriptorum incorrupta monumenta numerātur bel-
 li pacisq. artibus conspecti. innumeri enim fuerunt
 haud contemnendarum classium, haudq. contem-
 nendi nauium numeri Præfecti; ad hoc non pauci su-
 perioris generis ordinum Ductores, alijsq. honorifi-
 centissimis terrestris militiæ muneribus vti. vel vna
 gens tua Auria præter eos, quos suis sigillatim Elogijs
 decorauimus summi fastigij viros, plus sexaginta tu-
 lit terra mariq. insignes homines, qui consilio, virtu-
 te, audacia, rebus gestis nomen suum immortalitati
 commendarunt. Ut gens Auria ex omni temporum
 memoria Ciuitati nostræ feracissimū Ducum & Præ-
 fectorum seminarium fuerit. De togatis vero Liguri-
 bus quadringenti Episcopi & eo amplius recēsentur.
 Atque ego credo nō nullos non de ceteris modo, sed
 de ciuibz ipsis quoque nostris fore, qui Ciuitatis no-
 stræ priscorum temporū potentiam mirentur, quæq.
 de maiorum nostrorum rebus tradūtur, ea vix credi-
 bilia putent: magnopereq. ex nobis querant, qui fie-
 ri posset, vt Ciuitas tum dimidio, quam nunc est, mi-
 nor, longeq. minore ciuium & incolarū numero fre-
 quentata, eorumq. minus locupletium; ad hoc angu-
 stioribus finibus vtens, cuiq; publica uectigalia mul-
 tis partibus essent tenuiora, qui igitur fieri posset, vt
 Ciuitas, apud quam omnia, quæ ad magnas classes
 parandas

25
parandas & instruendas, paratasq. & instructas tuen-
das necessaria sint, tam exilia essent, tantas, tam vali-
das, tam crebras classes, idq. tam facile, tamq. bre-
ui tempore compararet, & ornaret. Illud enim con-
stanter traditur, in prima expeditione sacri belli, cu-
ius Dux fuit Gotofredus Bollionius, septem ingen-
tes & præualidas classes, quarum nulla numero se-
ptuaginta triremiū minor fuit, omni nautico instru-
mento, omniq. bellico apparatu instructas, ad hoc
ingenti egregiorum bellatorum copia refertas trede-
cim annorum curriculo subsidio Christianarum re-
rum in Syriam submissas. Et in vno ex bellis Pi-
sanis septem annorum spatio, quod bellum illud
duravit, sexcentas viginti sex naues longas varij ge-
neris e portu Genuensi pluribus com meatibus exiisse.
quam rem grauiissimus illorum temporum æqua-
lis & scriptor Iacobus Auria, cui negotium scribēdo-
rum annalium publice datū est, pro explorata & cō-
perta tradit, cum sibi studium fuisse dicat, numerum
navium recensendi. Iam vero quis non horreat secū
reputans mēsis spatio classem centum sexaginta par-
tim triremium, partim maioris formę longarum na-
uium, quas tunc Taridas vocabant, nunc Galeatias
appellamus, comparatam & instructam? quam duo
& quadraginta bellatorū millia omnes Ligustici no-
minis conscenderunt. quam rem Varagineus tradit
certissimus scriptor, & sanctissimus Antistes, qui rei
iuterfuit, numerumq. navium sese inijisse scribit gen-
tuli

tili tuo Vberto Auria, eo qui memorabili illa clade
 Pisanorum opes fregit, Præfecto e portu Genuensi
 contra Venetos emissam? Auget admirationem ac fi-
 dem labefactat nostrorum temporum comparatio.
 in quibus nō modo Ciuitas nostra quamuis frequē-
 tia ciuium, omniq. opum copia, ad hoc finium lati-
 tudine longe superior, sed ne opulentissima quidē
 Regna tantas classes possint armare, aut armatas diu
 tueri. Vel ipsæ Venetiæ, quæ ciuitas tot opulētas ac
 claras Italiæ vrbes imperio subiunctas habet, ad hoc
 latissime patentem Illyrici oram quamplurimasque
 insulas oppidis, vicis, populis frequentissimas, locu-
 pletissimaque vectigalia possidet, amplissimaq. ha-
 bet naualia nauigijs omniq. bellici apparatus copia
 referta, naualemq. rem præ ceteris colit, in eaq. glo-
 ria sibi primas vindicat, perraro atque omnibus ui-
 ribus connixa tantum nauium numerum vix cōfice-
 re potest. Quæ singula secum animo agitantes mul-
 tos, vt dixi video fore, qui scriptis nostris fidē abro-
 gent, idque non omnino temere, cū ea res me quo-
 que dubium sæpenumero & nutantem fecerit. Verū
 cum animum in eam cogitationem & inuestigatio-
 nem acriter intendissem, veterumque scripta dilige-
 ter considerassem, exterorumq. monumēta multis
 ex locis collecta cum nostris annalibus accurate con-
 tulissem, re diu ac multum quæsita, animoque agita-
 ta ad veritatem me peruenisse credo, eaque allaturū
 spero, quæ omnem prorsus dubitationem tollant,
 scriptis

scriptis que nostris stabilem fidem adiungant. Petimus igitur ab ijs, qui scripta hæc nostra in manus sument, ne susceptæ contrariæ opinionis, si forte menti hæsit, pertinaciter retinentes sint, candidoque animo rem mecum momentis suis ponderare ne grauentur. Principio cum tres omnino sint quærendi victus viæ, tresque rei familiaris tuendæ & augendæ rationes agricultura, opificium, mercatura, a duabus superioribus Genuenses & Ligures homines plane abstinebant. neque enim durum & asperum solum, regioque sterilis, nulliusque fere rei victui & quotidiano cultui necessariæ ferax agriculturæ magnopere locum dabat: & opificia tamquã sordidam rem & libero homine indignam aspernabantur; textrinaque & cetera sellulariorum artificia ab exteris Genuam ea de causa commigrantibus exercebantur. cuius rei etiam ætate nostra illa non leuia extant vestigia, quod textrinam facientes Tusci; rerumque ad mulicbrem ornatum & ad elegantio rem cultum pertinentium opifices Mediolanenses vocantur, nominibus videlicet nationum, quæ eiusmodi opificia a Genuensibus preta Genuæ exercebant, ad opificia ipsa translatis. Mercaturæ porro duo sunt genera, alterum, quod in re numaria, & scœnebri tractada, pecuniarijs permutationibus faciendis, vectigalibus publicis cõducendis, & exercendis uersatur. quarum rerum causa societates instituuntur, domiciliaque in exteris provincijs collocantur, a quo genere maiores nostri semper

per abhorrerunt, nullaque illis erant in alienis provincijs negotiationis mercatoriae domicilia præter perpaucam in nonnullis maritimis urbibus ad ea, quæ ad comæatus & maritima commercia expedienda pertinebant, instituta. Quo circa a ceteris omnibus exercitationibus, & quæstibus libera Genuensium opera tota in re nauali ponebatur, huicq. vni studio Genuensium ingenia erant intenta, atque huic vni operi & labori omnis illorum insudabat industria, cuius nemini omnino optimis illis temporibus expertus erat; simileque quiddam eius, quod in Romanis olim valebat, in Liguribus tum suscipi poterat, ut quemadmodum qui Romanus, idem miles esset, ita qui Ligur, idem quoque esset nauticus. Quo fiebat, ut quemadmodum nunc publicanis & opificibus urbem refertam habemus, ita tum nautarum omnia plena essent; Genuensesq. homines, qui nunc texturam, aut numulariam faciunt, omnes tum nauiculariam se dederent. Illud porro erat nauticæ huius exercitationis genus, quod homines non minus bello quam nauticæ industriæ aptos faceret. nam cum quatuor tum populi mediterranei maris potentes essent Venetus, Genuensis, Pisanus, Catalanus, ingentesque classes singuli armarent, fiebat ut æmulæ virtutis, & eiusdem professionis stimuli odia & inimicitias inter eas nationes alerent & incenderent, quæ ipsas in armis perpetuo habebant, ac non classes modo ad bellum armatas sed naues etiam priuatæ negotiationis causa domo profectas

fectas præliis sæpenumero inter se cõmittebat; ad hoc mare Pyratarum excursionibus & latrocinijs continenter infestò fiebat; vt illorum tẽporum negotia toribus altera manu clauus esset regendus, altera gladius stringendus. quibus exercitationibus homines assuefacti, quemadmodum ex bonis olim agricolis, ita ex bonis tum nautis boni milites fiebant. quæ res acriter in illam intuentibus admirationẽ illam de numero nautarum & bellatorum plane tollit, docetque liquido pro singulis nunc hominibus rei nauali ac bellicæ aptis centenos tum Genuæ & in ora Ligustica numerari potuisse. Remigium porro, quæ res difficilis in primis nunc est, præsto & ad manus affatim erat, cum infimi homines in suæ sortis ministerium Reipublicæ operam nauare non grauentur, cum præsertim neque loris aut fuste cederentur liberi videlicet homines, ac voluntariam operam Reipublicæ professi, neque ijs iniquitatibus, quibus nunc serui remo alligati, vexarentur, neque grauior aut laboriosior esset remi, quam ligonis aut pectinis tractatio, fructuosissimusque esset is quæstus præda & spolijs inter omnes pro fortunæ & ministerij portione diuidi solitis; nullumque fere aliud esset tenuiorum hominum opus, quo vitam tolerarent: Nauiũ vero numerus, quæ altera fuerat maxima admirandi causa, multo minus dubius esse potest, si quis cogitauerit, priuatam negotiationem nõ tum onerarijs & corbitis, vt nũc, sed nauibus longis omnis generis fere exerceri soli-

tam . quarum maxima pars triremes erant, aut etiam
 maioris formæ Taridæ. Eæ a priuatis hominibus pri-
 uato sumptu parabantur, quarum ingētem fuisse nu-
 merum, haud dubitādū est, quippe quæ minoris one-
 ris capaces essent, onerariaque mediocris quatuor
 aut quinque & eo amplius triremiū onus uehat. quo
 fiebat, ut minor capacitas numero suppleretur, cum-
 que Patrum & nostra quoq; memoria plus centum
 quinquaginta onerarias in Ligustica ora ipsi videri-
 mus, quis sano iudicio vtens negauerit, plus sexcētas
 longas naues, quarum haud exigua pars triremes ef-
 sent, in Ligustica ora, ut minimum fuisse & cum nullū
 esset tam exiguum oppidum ac tenue, quod non v-
 nam saltem aut alteram triremem armaret, id quod
 ex innumerabilibus annalium monumentis manife-
 ste apparet. quæ res eo etiam minus mira videri de-
 bet, quod longe minoris triremes quam onerariæ cō-
 stabant, tum cum nullus esset bombardarum vsus,
 neque seruis in remigium vteremur, quæ duæ res im-
 penso parantur pretio, illisque demptis minimi im-
 pendij sit præ oneraria & corbita triremis cōparatio
 & instructio. Neque vero ea nos moueat res, quod
 oram Ligusticam, id quod non in postremis mirum
 videbatur, non nisi minima ex parte imperio possi-
 debamus, quæ compluribus Dominis parebat. Om-
 nia enim Liguriæ oppida quæcumque Varo & Ma-
 cræ fluuijs interiectum accolunt mare, Cæsariū lege
 & decreto Ciuitati nostræ, cum instruēda & armāda
 esset

esset classis, contributa erant, graui fraude Dominis constituta fiduciario iure & dominatu excidendi, si impedimēto fuissent: & ipsi suis priuatim viribus infirmi singuli populi, atque ideo exterorū iniurijs obnoxij & expositi sese in fidem prepotentis Ciuitatis vltro tradebant, viresque cum illa libenter, nulloque adaçti imperio cōiungebant, quæ ipsos, ipsoꝝq. cōmercia tuta redderet. quā rem olim maritimas Græciæ ciuitates fecisse accepimus uiribus cum Atheniensi populo coniunctis, vt impotenti Lacedæmoniorū dominatu sese eximerent. Iam vero pecuniarum ratio, quæ perdifficilis & impedita semper fuit, vt nō parua atq; haud scio, an omnium maximam admirationem, ita perfacilem habet respōsionem. neque enim ingentes illæ classes ære publico, nisi parua ex parte, parabantur, aut alebantur, sed à priuatis hominibus tam principis vrbis, quam ceterorum oppidorum armabantur, ac Reipublicæ commodabantur. quibus ciuitatis Magistratus Præfectos & Duces Genuenses ciues præficiebat, quibusque ciuitas cū tempora Reipublicæ & vsus belli postulabāt, pro suis utebatur, omnibus certatim ac libenter vires conferentibus, cum non decus tantummodo, & officium, ac communis Patriæ charitas, sed priuatæ quoque vtilitatis ratio homines ad opcram Reipublicæ alacriter nauandam incitaret, quippe quod ex victorijs partis hostilibusque conatibus compressis tutior & minus infesta redderetur priuata nauigatio. neque tum

stipendijs merebant homines, sed gratuitam operā, quæ priuatim quoque utilis esset, Reipublicæ nauabant. quod non nouum, neque primi fecerūt maiores nostri, sed is mos uetustissimus fuit apud eos fere populos, qui impetu & non perseuerantia bella gerebant, quemadmodum omnes erant maiorū nostrorum vnius ætatis expeditiones. Quare Romani milites non prius stipendia acceperunt, quā ultimo bello Veienti, quod fuit trecentis quinquaginta circiter annis post Romam conditam, quod crescente imperio bella diutius duci necesse esset, cum prius in breuibus illis expeditionibus gratis meruissent. Vt nemi ni mirum videri debeat, illorum temporum Genuenses ciues bimestrem aut summum trimestrem operā, quæ in priuatam quoque vtilitatem tantopere redū daret, Reipublicæ gratuitam haud grauate commo dare solitos. Quæ singula si quis animo & cogitatione circumspexerit, contrariam opinionem quamuis animo penitus cōprehensam facile ac non retractanter deponet, neque nos in Patriæ laudibus plus illius amoris indulisse, quam veritati tribuisse existimabit. Longe autem omnium difficillima nostra ratio fuit; eoque iniquiore cōditione hoc opus agressi sumus, quam ceteri, qui ætate nostra simile argumētum tractarunt, quod illi omnem terrarum orbem, omniūque nationum, atque omnium professionum homines amplexi materiam amplam & copiosam habuerunt, in qua ipsorum ingeniū & industria expatiari

ipso

ipforumque eloquentia posset excurrere, cum no-
 ster contra labor angustis finibus inclusus vna ciuita-
 te, atque vna natione terminetur. ad hoc illi nō vnū
 aliquod tantummodo clarorum virorum factum il-
 lustrandum susceperunt, sed simul illorum vitam, il-
 lorumque casus breui narratione perstrixerunt; quo
 fit, vt opus tam varium, ac multiplex, totque veluti
 amœnitatibus refertum & distinctum miras habeat
 delectationes, iucundaque quadam suauitate legen-
 tium animos perfundat, cum nos, qui vitas exponē-
 das non suscepimus, neq; enim nobis illę præter pau-
 cas notæ esse potuerunt, quique in eodem sere argu-
 mento in singulis classibus versamur, quibusq; de re-
 bus tanta similitudine inter se coniunctis, vt eadē pe-
 ne esse videantur, perpetuo scribendum fuit, tantum
 abest, vt vlla varietate animos legentium tenere nos
 posse speremus, vt præclare nobiscum actū putemus,
 si satietatem vitauerimus. Petimus igitur ab ijs, qui
 scripta hæc nostra legere non grauabuntur, ne quod
 in re ipsa est incommodum, id ingenij vitio & oratio-
 nis ieiunitati tribuant. quam rem nos ab illorū æqui-
 tate facile impetraturos confidimus, si in scripta no-
 stra perpendenda animum acriter intenderint. Ne-
 mini autem quam tibi Ioannes Andrea hoc opus in-
 scribi verius fuit. neque enim vllius familiæ virtus in
 patriæ salute & dignitate tuenda & amplificanda ma-
 gis quam gentis Aurię eluxit, aut maiora sunt omniū
 temporum in patriam merita; pluraque in hoc opere

Auriæ quam ceterarum familiarum Elogia legentur. Ex ipsis porro Aurijs multis de causis te potissimum delegi, cui libellum hunc nuncuparem. nam plus priuatæ domui tuæ, quam ceteris Aurijs ciuitas nostra debet ab Andrea patre tuo magno tuo tanto, tamque immortali beneficio affecta; & tui is extitisti, qui in ipso incuntis adolescentiæ flore tot maiorum indolem præclaris cõsilijs, fortitudinis, virtutis multis locis editis facinoribus expresseris. Ut gentis Auriæ numquã senescens gloria nunc cum maxime in te uiuat, ac vi-geat: appareatque te non minora ornamenta maiorum tuorum nomini, si vita suppetet, redditurũ, quã quantum ipse ab illorum memoria acceperis splendoris. Accedunt egregia tua in me merita, susceptaque salutis & afflictæ fortunæ meæ propugnatio, ut tantã in me tuendo atque ornando voluntatis tuæ significationem sempiterna recordatione mihi colendam intelligam. Si quis autem huius nostri laboris futurus est fructus, eius gratia non tam mihi, quã viro amplissimo Hippolyto Estio Cardinali Ferrariensi debetur. Cuius, ut omittam in præsentia reliquas præstantes virtutes, atque eximias ingenij & prudentiæ laudes Italiæ & Galliæ, atque adeo toti Europæ in multis ac grauibus Reipublicæ partibus administrandis cognitæ & perspectas, Regia liberalitas cũ in omni magnificentiæ genere sese copiose ostendit, tum vero in præclaris artibus fouendis & amplectendis veluti clarissimum lumẽ in his sæculi tenebris elucet, eiusque do-

mus

mus omnium hominum egregia aliqua in re præstan-
tium, in primis vero doctrinæ & eloquentiæ gloria cō-
mendatorum receptaculum semper fuit. in quibus il-
le mea studia complexus, neque in familiarium nume-
rum receptum liberalitate sua sustentat. Ut igitur ad
incæprum redeā, is est a nobis ordo seruatus, ut prin-
cipem locum obtineāt ij, qui ob Diuinas virtutes in
Beatorum sedes recepti sunt, quique ad summum re-
rum humanarum fastigium & imperiū peruenerunt;
proximum ab ijs illi, qui bellica laude sunt insignes.
hos consequentur civilium artium, & literarum glo-
ria clari. Postremi erunt ij, qui opibus suis ad magnā
amplitudinem, & populorum dominatum perue-
nerunt.

DE IIS QUI IN DIVORVM
NUMERVM SVNT RELATI
QUIQUE AD SVMMVM
RERV FASTIGIVM
PERVENERVNT.



DIVI FELIX. SYRVS. VALENTINVS.
ROMVLVS.



Quibus felicioribus augustioribusue
initijs nostra Clarorum Ligurum Elo-
gia, quam a cælestibus & Diuinis viris
auspicari possumus? Docuerunt Felix,
Syrus, Valentinus, Romulus Genuen-
sis Urbis ciues iidemq. Pontifices in Beatorū sedes re-
cepti, Genuensium hominum virtutem nō humanis
tantū rebus fluxis & caducis, ac vitæ huius gloria bre-
ui interitura terminari, sed cælum ipsum cōscendere.
Horum virorum continentia, innocentia, pietas, rel-
igio, perpetuusque vitæ cursus ab omni vitiorū con-
tagione puræ atque integræ quā Diuino Numini sue-
rit acceptus, illud ipsum Numē multis insignibus mi-
raculis declarauit, quæ per viros sanctissimos nō vi-
uentes

P R I N C I P E S :

17

uentes modo, sed post eorum quoque obitum edidit. Siquidem eorum subito contactu complures a grauiſſimis & inſanabilibus morbis ſæpenumero liberatos conſtat.

FVLVII CARDVLI.

Ante potens opibus Genua, & victricibus armis

Implerat terras nomine & alta ſuo.

Sanctorum nunc illa parens ſecunda virorum

Implebit terras nomine, prole polum.

DIVVS DESIDERIVS.

AT Deſiderij laudes ideo a ceteris ſeparandæ fuerunt, ac ſuo ipſæ Elogio decorandæ, quod ad ſuperiorum virtutes, ac miraculorum ſplendorē, quibus nō minus ipſe quoque clarus fuit, multa eximia addita ſunt, quibus ſanctiſſimi viri gloria præfulget. In ignobili enim pago prope Genuam urbē ortus a Lingonibus Galliæ populis, quos nunc Burgūdos appellamus, tanto terrarum tractu ad Pontificatum aſcitus eſt, cum illis de paſtorē in demortui locū ſufficiendo ſolicitis Diuinum reſponſum clariſſimis verbis redditum eſſet, Deſiderium Epiſcopum lōge alia regione illis eſſe quærendum. In quem diu errabundi, atque ignari, quem Deſiderium, aut quo loco peterent, cum eodem ipſo Numine Duce tandē

D inci-

incidissent, Diuino mandato exposito, ab aratro ad Pontificatum translatus est Desiderius. cuius in cōmisso populo regēdo ita omnia Pastoralis muneris, multiplicisq. ac Diuinæ virtutis officia constituerunt, vt Lingones ad nostra vsque tempora viri Sancti memoriam omni veneratione colentes Desiderium cū Apostolorum ipsorum fere laudibus coniungere nō dubitent, neque id ea solū de causa, quod pro Christiana religione confitenda & defendenda extremū supplicium fortissime subiit, omnibus prius intolerandis patientiæ humanæ cruciatibus ab immanissimis Barbaris laceratus, sed quod ex indocto agricola, omnisq. eruditionis experte, atque in omni literarū genere ita rudi, vt ne prima quidem elemēta nosset, subito clarissimus Diuinæ legis Doctor, ac sacrorum Mysteriorum egregius interpret euaserit; doctrina videlicet purissimæ menti, id quod post ipsos Apostolos aut nulli, aut quampaucissimis accidit, Diuinitus indita.

P E T R I M A G N I.

Quis Desiderio similis? quem rure paterno

Ignotum sibi Rectorem Burgundia poscit?

Quem non peruigili studio, non arte magistra

Erudiere homines, sed cælo infusus ab alio

Spiritus omnigenas docuit Diuinitus artes.

INNOCENTIVS QVARTVS.

Proximum a viris Diuinis locum tenentij, qui ip-
 sius Diuini Numinis locum & potestate in inter
 mortales obtinuerunt. In quibus Innocentius Quar-
 tus enobili Fliscorum gente vetusto Lauanię Comi-
 tum titulo insigni multorum Romanorū Pontificū
 laudes, quorum pieras & prudentia in Republica ge-
 renda enituit, profecto superauit. Siquidem illorū
 dumtaxat viuentiū merita rebus Ecclesię profuerūt,
 Innocentij uirtus & ingenium non uiuentis modo,
 sed mortui quoque omnibus sæculorū ætatibus Pō-
 tificio solio summo vsui & decori fuit, atque erit. Et
 multorum nomen alterutrā tantū laude, hoc est, vel
 uirtutis & probitatis, vel doctrinæ fere clarum est; in
 Innocentio eximia vtraque res fuit. nam nemo illo
 acrior Pontificiæ & Sacerdotalis dignitatis ac liber-
 tatis propugnator & assertor fuit; illiusq. potentissi-
 mis oppugnatoribus cōstantius restitit. quippe qui
 priuatæ necessitudinis caussis Rempubicā præferēs
 Fridericum secundo rerum cursu elatum immodi-
 cisq. fortunæ opibus inflatū in res Ecclesiæ grassan-
 tem compescuit. quem in concilio Lugdunensi gra-
 uissimis criminibus accusatum, & compertum e pio-
 rum cœtu exterminauit; tandemq. ad erroris reco-
 gnoicendi, veniæq. efflagitandæ necessitatem adegit.
 Ingenio vero & doctrina, quæ non uiuo illo tantum
 D 2 viguit,

viguit, sed litterarum monumentis æternitati cōsecrata est, ita Pōtificias leges illustravit, vt nullius auctoritas ad hæc vsque tempora in forēsis causis sacrarumq. rerum iudicijs maioris esse ponderis existimetur. Quibus ille virtutibus & meritis id affecutus est, vt Friderico mortuo nobilissimum & opulentissimum Neapolitanum Regnum in Romanæ Ecclesiæ imperium cessurum fuerit summa Procerum voluntate. qua de causa cum Neapolim sese cōtulisset, multæq. iam vrbes atque oppida in illius ditionem & potestatem venissent, luctuoso Romanæ Ecclesiæ fato tantarum rerum inchoata & ad exitum haud dubie perducenda initia eius obitu conciderunt; tantæq. gloriæ cursus est interruptus.

P E T R I M A G N I.

*Elisce decus, patriæ Christi gregis optime vindex.
Iustitiæ legumque opifex, terrorque Tyranni.
Te Capuæ soboles, te pulchra Neapolis unum
Inuocat, agnoscitque Ducem, ni linquere terras,
Ni partum meritis properes ascendre olympum.*

H A D R I A N V S Q V I N C T V S.

Entilis decoris æmulus profecto faturus fuit Hadrianus Quinctus eadem Fliscorum familia ortus, atque Innocētij Patruī memorię non minori ornamento

namento virtute sua futurus, quā quantum ipse ab illius gloria commendaretur. Ea enim in Cardinalatu sui documenta dederat, is in grauibz & arduis negotijs tractandis, maximis legationibus obeundis extiterat, vt quem immensæ opes, atque ingentis patruī venerabile nomen cōspectum faciebat, eundem virtutis & ingenij fama longe faceret conspectiorē; magnique ac iusti Principis in illo indoles appareret; si præclara consilia explicare potuisset, ac ni fata tātā commotam expectationem in ipso Pōtificatus limine præcidissent, Hadriano intra quadragesimū diem sublato.

*Te ostendere, simul rapueruntque inuida fata,
Nec gentile sinunt Elisce referre decus.*

N I C O L A V S Q V I N C T V S.

EO magis in Nicolao Quinto præstantium virtutum & ingenij gloria suspicienda est, quod is nullo maiorum splendore commendatus, nullisque fortunæ opibus subnixus, sed suis ipse meritōrum momentis ad celsissimā illam honoris & dignitatis sedem conscendit. Ex oppido enim Sergiano eius Liguriæ regionis, quam Lunensem vocant, loco ita obscuro ortus est, vt nomen familiæ ignoraretur, nullumq. esset gentis insigne, ab oppidoq. Thomas Sergianus appellaretur: Pontifexq. factus claus Pontificias

ficias pro gentili insigni ediderit. Thomas igitur cū litterarum studijs sese dedidisset, eos in omni genere eruditionis progressus fecit, vt docēdi munus illi publice sit mandatum. in quo multa cum ingenij & doctrinæ laude aliquandiu versatus Romam ad amplioris fortunæ initia Numine ducente commigravit. In qua vrbe viri industria ab inferioribus procurationibus exorsa per omnes munerum gradus breui in notitiæ & familiaritatis iura apud Eugenium peruenit, a quo multas & graues Reipublicæ partes sibi mandatas magna cum prudentiæ, & integritatis ac doctrinæ laude sustinuit. Nam doctrinæ clarissimum, specimē in concilio Florentino eluxit in controuersijs de religionis rebus inter Latinos & Græcos. Et prudentiam ostenderunt duæ Legationes, altera in Germaniam ad Schisma tollēdum Germanosq. qui medios se se inter Eugenium & Felicem gerendo neutras partes profitebantur, ad Eugenium colendum traducēdos; altera Ferrariam ad pacem inter Principes Italos, quorum Legati in eam urbē conuenerant, componendam. Quæ vtraque legatio quāuis effectu caruerit, tamen omnia illarum mūnera Thomā cumulate impleſſe declarauit summus honor redeūti a Pōtifice habitus, qui aduenientem in sacrum Senatū legit amplissimi ordinis uellibus & insignibus illi ad portam missis, vt illis cōspectus Urbem ingrederetur. Quam rem Diuino consilio factam credo, vt vterque honos ipsius Pontificatui reseruaretur. Ad quē mox
peruenit

peruenit mortuo Eugenio succedens. In qua re duo fuerunt ad omnem posteritatis memoriam insignia; alterum incredibilis moderationis ac neutiquā vulgatae virtutis specimen, quod retractans ac diu recusans ad Pontificatum a Cardinalibus pertractus est, cum sese tantō munerī parem cōstanter negaret, Cardinalesq. sedulo mōneret, vt rebus Ecclesiæ melius consulerent; alterum quod anni curriculo ex priuata sorte ad episcopatū Bononiensem, Cardinalatus honorem, & Pontificatum Maximum peruenit, benigni Numinis fauore virtutum & meritorum gratiā prosequente. Tantam clarissimis virtutibus excitatam expectationē Pontificatus egregie sustinuit. in quo quæ plurima edidit documenta pietatis, religio- nis, continentia, māsuerudinis, iustitiæ, comitatis, in primis vero multiplicis liberalitatis in egentium inopia subleuanda, in magnificis sacrarū ædium & alijs substructiōibus, in amplissimis templorum donarijs, in litterarum studijs fouendis, in præstantium virorū ingenijs amplectēdis, ac præmijs & honoribus extol- lendis; diligentia vero, consilij, prudentia in schisma te extinguendo, intermissisque pacis consiliis repetēdis, & ad exitum perducendis, hæc singula persequi infiniti & superuacanei operis fuerit, cum omnia ex historijs, eiusq. vita cognosci possint. obiisse vir pius constanter creditus est mœrore ex Constantinopoli a Turcis capta confectus.

IOANNIS BAPTISTAE FONTEII
PRIMIONIS.

Obscuri generis cum falsa insignia Thomas
 Magnanime, ac fastus temneret arma levis,
 E cælo virtus, sic fies nobilis, inquit:
 Iam cape clavigeri stemmata sola Petri.
 Tum sacro tristes deiecit culmine mores
 Vox Quin etum ingeminans optima Nicoleon.
 Non docto ignaros potis exul gratia turpis,
 Pontificue malos insinuare probo.
 Illius ornarunt ergo inclyta tempora Regum
 Hinc pietas, illinc ars nova chalcotypa.

XYSTVS QVARTVS

ADmirales multiplicesque Xysti Quarti laudes eg-
 fuerunt, vt in illo ornando cum Diuina volun-
 tate Natura conspirasse videatur. adeo omnia bona
 in illum cumulate congesta sunt. Diuini enim numi
 nis benignitas hominem ad summū rerum fastigiū,
 extulit. neque ea res fortunæ est assignanda, quin po-
 tius ipse suo sibi ingenio & industria fortunam fecit
 se dicendus est. Quippe qui Cellis obscuro Ligusticę
 oræ Vico Ciue Saonēsi in tenui & humili sorte ortus,
 quamuis gens Roboreia nobilis ac peruetusta sit ex
 subalpinis Taurinis oriunda, vnde maiores Xysti
 Saonam commigrarunt, in eaque Vrbe Sedes ac do-
 micilium

micilium sibi constituerunt. humili igitur loco ortus
Xistus, atque in Franciscanorum disciplinam pueri-
tiae annos nondum egressus a parentibus traditus,
ac cum in aetatem venit, Franciscana instituta ex vo-
to professus, tantam animi contentionem in sapien-
tiae & sacrae doctrinae studijs adhibuit, ut breui ad al-
tissimum in illis famae & gloriae locum perueniret; ado-
lescentiamque nondum egressus docēdi publice im-
positum munus in celeberrimis Italiae Gymnasijs ea-
cum ingenij & doctrinae laude exercuit, ut fama no-
minis sui omnem Christianum orbem implevit: quod
non viui tantum enituit, sed eo quoque mortuo vi-
uit ac vigebit doctissimis scriptis aeternitati consecra-
tum. Vniuersi denique Franciscani ordinis summus
Minister creat⁹ viuendi animi impetu ad maxima quae-
que illum ducente, ac viam expediente, breui tempo-
ris curriculo a primo hoc honoris initi gradu, Cardi-
nalatus titulo medio, ad summum Pontificatū ascen-
derit. At Natura aterrimam ac prope Diuinam inge-
nij vim, eximiam animi magnitudinem, Regiam ma-
gnificentiam & liberalitatem, singularem religionē
dedit. Quarum virtutum cum in omni vita tum vero
in Pontificatu innumerabilia edita sunt documenta.
Atque ingenium quidem in doctrinae studijs, ut dixi-
mus, in primis apparuit, animi vero magnitudo ac
pietas cū in ipso statim initio tum in toto Pontificatu
conspēcta est, cū omnes curas & cogitationes in Tur-
carum impetus compescendos contulit, legatis ipsis

E scnatus

Senatus luminibus in omnes Europæ provincias circummissis ad dissidentes Regum Christianorum animos inter se conciliandos, atque in Turcam incitandos, foedereq. cum Venetis & cum Neapolitano Rege sancito compluribus expeditionibus in Turcas cum infinito sumptu factis; & cum dignitatis Pontificij solij constantissimus ac perpetuus assertor fuit, contemptusq. sui acerrimus vindex, gravissimis bellis ea de causa tam contra externos Principes, quam contra contumaces ac parum imperijs obediētes susceptis. Regia vero magnificentia cum summa religione coniuncta eluxit cum in pauperum inopia subleuanda, xenodochijs reficiendis, & amplissimis vectigalibus dotandis, litteratis hominibus amplectendis ac fortunis honestandis, amicis ditandis, beneficijs etiā in humiliore fortuna acceptis ac meritis vel tenuissimis large remunerandis illorum memoriā grato animo longe repetēdo, tum vero in immanibus sacrarum ædiū, bibliothecarum, pontium alijsq. publicis exstructionibus, quibus Urbem exornauit, ac veluti e ceno & sordibus extractam in augustam speciem redegit vijs etiam directis & stratis. Ut iure in bibliotheca vaticana hoc carmen eius imagini subscriptum sit.

Templa, domum expositis, vicos, fora, mœnia, pontem,

Virgineam Trivie quod repararis aquam,

Prisca licet nautis statuas dare commoda portus,

Et Vaticanum cingere Xyste iugum,
 Plus tamen vrbs debet. nam quæ squalore iacebat,
 Cernitur in celebri bibliotheca loco.

I N N O C E N T I V S O C T A V V S .

Innoçetium octauum e nobili gēte Cibo modera-
 tionis, clementiæ, animi ab omni contentione re-
 moti ac pacis & concordia studiosi fama ad Pontifi-
 catus Maximi honorem omnium humanorum altis-
 simum extulit. quem ille iisdem artibus exercuit, qui
 bus per omnes honorum gradus conscendens ade-
 ptus est. Duæ enim inter se contrariæ insignesq. vir-
 tutes in eodem ornando conuenerunt; summa seu-
 ritas, & ea, quam diximus, eximia clementia. nam ne-
 mo acrius maleficia puniuit, sub nulloque Pontifice
 Vrbs pacatior aut quietior fuit, minusque furtis, cædi-
 bus, maleficijs infesta; ingenio vero ita miti ac clemē-
 ti fuit, vt Ioannem Baluum Cardinalem Andegauen-
 sem ab ipso met in Senatū lectum, a quo per summā
 perfidiam oppugnatus est, quippe qui concilium cō-
 tra ipsum conflare studuerit, tantæ iniuriæ oblitus ve-
 niam petentem nihil retractans in gratiam receperit.
 Vt merito nullius Pontificis mors ex multorum sæcu-
 lorū memoria maiori luctui ac mœrori toti Aulæ om-
 nibusque pijs fuerit; cum ob incredibilem humani-
 tatem, morumque suauitatem, ac singularem innoçē-
 tiā omnibus summis, & infimis æque charus ac vene-

rabilis esset. Initia Pontificatus nonnihil inquieta & infesta habuit ad bellum Neapolitanū a Proceribus illius Regni attractus, inani spe ostensa Ditionis & dignitati s Pontificiæ amplificandæ. qua spe elusus molestum negotiū, ab ipsiusq. natura & professione alienum mox deposuit; posteaque ab omni armorū tractatione perpetuo abhorruit; totaque Pontificatus mens fuit, pacem & concordiam inter Christianos Principes conciliare. in quibus in Turcas Christiana Regna occupantes assidue incitandis, nullum umquam optini parentis, ac seduli Pastoris officium prætermisit.

POMPEII ARNOLPHINI.

Suscepta inuito posuit bella, aspera bella

Sponte sua, & pacis nobile struxit opus.

Salicet ut Christi melius defenderet agnos

Tutius & nineas pascere posset oves.

Quin etiam procul a stabulis gregesque rapaces

Arcuit, & rabidos monstra inimica lupos;

Innocuosque cibos pecori, fontesque salubres

Præbuit, Ambrosios nunc capit ipse cibos.

IULIUS SECVNDVS.

EGo vero te clarissimum Italiæ lumē Iuli Maxime, quem eadem, quæ Xystum patrum Roboreia gens tulit, quo nomine appellem, incertum habeo;

tot illud meritorum ac multiplicis virtutis tituli insigni-
gne faciunt. An Italicę libertatis acerrimum vindicę
vocem? an Pontificię dignitatis constantissimũ pro-
pugnatorem? an Sacerdotalis dignitatis perpetuum
assertorem? an Ditionis Romanę Ecclesię omnis se-
re amissę recuperatorem? an Pontificij imperij pro-
pagatorem duabus opulentissimis & nobilissimis
Cispadanę Gallię vrbibus Parma & Placentia illi ad-
iectis? Quid vero magis miremur, rerum ne gesta-
rum magnitudinem, an Diuinam & multiplicem in
illis gerendis virtutem, tot consilij, fortitudinis, auda-
cię, cõstantię, animi nullis terroribus infraçti, nullis-
que periculis vñquam deterriti editis exemplis? Nec
minor cõtinentiã animiq. ab omni sorde liberi laus,
quam Heroica hæc virtus ac rerum gestarum gloria
nomen tuum commendat, qui bonorum publicorũ
tam diligens & religiosus custos & conseruator fue-
ris, nullis vñquã largitionibus in tuos factis. Iam ve-
ro innumere cum omnis generis, tum in primis arcũ
substructiones Regio sumptu excitatę, quibus Diti-
nem Pontificiam vbique firmasti & ornasti, quã tan-
dem gloriam nomini tuo conciliant? in quibus Va-
ticanum templum a fundamentis excitatum, quod
contemplantium animos horrore perfundit, decla-
rant, te Romanam animorum magnitudinẽ, quę dua-
bus rebus, hoc est virtute bello inuicta, atque imma-
nium substructionum portentosa specie in primis cõ-
specta est, hac quoque parte tanto sæculorum inter-
uallo

uallo vnum nobis rettulisse. Beatum vero Italiam, ac beatum Pontificium solium, in quod augendū & ornādum omnes curas perpetuo intendisti, nisi nos Diuina virtute tua humanæ cōditionis necessitas nimis cito orbasset. Profecto ad summum aliquod rerū fastigium illud extulisses, quā rē te moliri, incredibilis animi tui magnitudo, ardensq. Patrię charitas haud dubium faciebat. Vno igitur nomine laudes tuas cōplectar: teque Italię ac Romanę Ecclesię parentem iure nominabo; omnisque nobis ac posteris nostris tātis a te beneficijs acceptis ætas erit in meritis ac laudibus tuis prædicandis, memoriaque tua veluti Numinis cuiusdam colenda.

P E T R I M A G N I

*Iulius haud vlli Ligurum virtute secundus,
Seu pacem, seu bella gerens, acerrimus hostis
Desidiæ, probrique vrbes ditione tuetur,
Amisissas recipit, captas instaurat, Et auget,
Inuictus, sollers, obseruantissimus aq̃ui.*

AELIVS PERTINAX.

S Acrosanctos Christi Vicarios subsequuntur ij, qui ad summum rerum humanarum fastigium, atque ad orbis terrarum imperium elati sunt. quod Aelio Pertinaci in Martis villa haud procul a vadis Sabatijs humili

humili loco orto virtus per omnes publicorum munerum ac militiæ gradus & dedit & ademit. Optimū enim Principem ac priscam disciplinā seueritate, parsimonia, continentia, iustitia longo interuallo referētem cum corrupta sæcula non ferrent, Prætoriani cōscelerata conspiratione interfecerunt, cum quinque & octoginta tantum dies in imperio fuisset. Ceterū clarissimarum virtutum memoria Diuinitate a Senatu decreta, flamineque & Aelianis sodalibus additis decorata est.

ANTONII VACCAE.

*Sancte senex, sub quo antiquis virtutibus olim
Romanam rem restitui, quæ facta iacebat,
Et collapsa malis, spes certa illuxerat orbi.
Quid prius, aut quid posterius mirarier in te
Mens valeat, tamquam solis stupefacta nitore:
An suprema loco ex humili ad fastigia uectum
Te referam? an corpus tolerans animumque laborum
Cunctarum? an parcam & sollertem ante omnia vitam?
Ut tibi avaritiæ nomen inureret id, quod
Laus propria atque bono virtus in Principe habetur.
Tu leges, tu militiam, tu munera pacis,
Ac belli, tu iustitiæ & pietatis honorem
(Quod caput est) Princeps sic & priuatus obisti,
Sanctius ut nemo quam tu, aut sollertius unquam.*

Inuidia

Invidia ingratis velut ignis alta penetrans
 Testata id scelere est, testatur gloria gratis,
 Immortale tibi servans per sæcula nomen.
 Illa necem, hæc desiderium, famamque rependit
 Aeternam, ac tantum se auget, quantum illa senescit.
 Propensi in Ligures salve decus Apennini.
 Quo se cumque addant natæ ad miracula gentis.
 Temporis exigui imperio qui plura dedisti,
 Et maiora, alij multo quam tempore multi.
 Fortuna ab tenui tibi scilicet imperitare
 Nec mala per frangi teneris bene doctus ab annis,
 Dum fortis tendis, dumque assuetudine uincis.
 Vnde tibi ex vero & dictum cognomen adhæret.
 Nempe bonæ exemplum ut patriæ moremque secutus
 Cunctorum fieres meritis composque bonorum,
 Perpetuaque ausint petere idem sorte nepotes.

CHRISTOPHORVS COLUMBVS.

Salue Ligurum ac Genuæ Patriæ sempiternum de
 Scus Christophore Columbe. Salue ex omniū gen
 tium & sæculorum memoria mortalium longe prin
 ceps (eos viros semper excipio, quos pietas ac Chri
 stiana religio caste sancteque culta in beatorum su
 stulit sedes) si te mortali nomine vocare volumus.
 nam si veterum more fabulari liberet, atque ad eorū
 instituta nos accommodare fas esset, cæleste ingeniū

& Diuina in hominum genus beneficia te ex mortaliū sorte eximere, & in Deorum sedibus locare dicemus. in quibus tibi tanto augustiorem & celsiorem locum, quam Libero, Herculi, Aesculapio, & ceteris, quos antiquitas accepta beneficia grata recordatione remunerans in cælum extulit, iure daremus, quanto immensus ac Diuinius virtutis opus fuit, nouum atque alterum orbem inuenisse, quam inuentum legibus, institutis, varijsque artibus excoluisse. Quinetiā si quis rem vere existimare velit, non vnus tantū orbis, sed duorum inuentor fuisse dicendus es. neque enim minus illi inuento a te orbi, nostrum orbem, quam nostro illum adiecisti: nec minus illius incolis nostrum, quam nobis illorum orbem aperuisti, & in lucem protulisti. Sed ijs quoque laudibus, quibus veterum Heroum nomen ac fama cælum conscendit, tantum abest, vt careas, vt illos etiam longe superes. Cum vterque orbis summa tibi beneficia sigillatim debeat; ille, quod Christiana religione humanæ salutis præside, nostrisq. moribus atque artibus in illum inductis innumeris nationibus iter ad sempiternam beatitudinem patefecisti, illasque ad hūc humani cultum traduxisti; atque vt immanem feritatem extæ humanitatē induerent, fecisti. quo beneficio nulum excogitari potest maius. at noster, quod tantorum commerciorum ac tantarum opum, quātas ne Romani quidem ipsi omnibus triumphis suis in Italiam congefserunt, nos compotes feceris, eo etiā mā

F iore

iore cum emolumento, quod opes a Romanis inue-
ntæ breui finem inuenerunt, cum orbe perdomito vi-
ctoriarum ac triumphorum materies defuit. at quæ
te auctore continenter importatur auri & argenti im-
manis vis, nullis sæculis exhaurietur. Iam vero quan-
tum Deus immortalis ingētium meritorum gratiam
cumulant ea, quæ in præclaro consilio exequendo
pertulisti? ad quæ ut mentem & cogitationem cōuer-
tamus, cuius animus non horreat immensos a te ex-
haustos labores? cæli iniurias, atrocissimas tempesta-
tes, quibus sæpe pene es obrutus? assiduas vigilas,
quibus vsum luminum sæpe amisisti? prælia cū bar-
baris & ignotis gentibus commissa? amicorum & so-
ciorum infidelitates, quibus perpetuo conflictatus
es? partim ab illis in medijs discriminibus satietate
& tædio deficientibus desertus, partim insidijs & cō-
sceleratis conspirationibus appetitus? inuidorum &
obrectatorum perpetuas calumnias, quæ te rerum
gerendarum cursu interrupto ad causam dicendam
tanto maris ac terrarum tractu in Hispaniam nonnū-
quam auocarunt? Aduersus quæ omnia inuicta stetit
virtus tua; omnesq. hominum & cæli iniurias viui-
da vi sua prostravit & perfregit. Quas res si quis ani-
mo circumspiciat, ac momentis suis ponderet, profe-
cto statuatur, tantarum rerum gestarum tantorumque
meritorum non maiorem gratiam sollertis ac Diuini
ingenij aciei, quam solidæ ac constanti virtuti a po-
steritate deberi. Ac ne quid tibi de summis laudibus
decesset,

decesset, Patriæ charitas, quam etiam extremo spiritu
 retinuisti, Diuinarum virtutum gloriam comitatur.
 quippe qui amplissimarum opum tuis laboribus par-
 tarum decumam partem Reipublicæ Genuensī legaue-
 ris, id quod Antonius Gallus egregius historiariū scri-
 ptor, qui æqualis illorum temporum fuit, quique vi-
 tam tuam conscripsit, testatur. Nullarum igitur gen-
 tium nullorumue temporum gloria tuæ æquabitur.
 quæ eo etiam est celebrior, quod ceterorum homi-
 num nomen & merita angustis Herculei freti termi-
 nis includuntur, tua fama tuaque beneficia vtrūque
 orbem complexa, nullisque coercita finibus omnes
 maris ac terrarum tractus, omniaque cæli climata ma-
 gnitudine sua complerunt.

**HIPPOLITI CAPILVPII EPISCOPI
 PHANENSIS.**

O Ligur Italiæ decus, & lux certa Columbe,
 Heu brevis extinctum te quoque testa capit.
 Te modo non potuit terras qui amplectitur omnes
 Oceanus magno continuisse sinu.
 Illius es fines ultra rate vetulus ad Indos
 Quo prius haud pennis fama tetendit iter.

F 2 DE

DE VIRIS MILITARI
VIRTUTE
ILLVSTTRIBVS.



POPVLVS GENVENSIS.



Vllum huius quoq; secundæ classis, quâ militari virtuti assignauimus, splêdidius exordium, quam a pietate & religione duci potuit. Bellica enim Genuensium virtus non modo ad gloriâ nomini conciliandam, & ad Rempubicam tutandam atq; amplificandam valuit, sed quod longe præstabilius est, in Christiana religione propaganda in primis conspecta est. Genuenses enim classe & viribus cum Pisanis coniunctis (neque enim quamuis æmulum populû debite laudis præconio fraudare candoris nostri fuerit) Genuenses igitur Pisanis adiunctis Sardiniam insulam perdomuerunt Mosaitoque Rege Mauro victo ac capto, Genuamque adducto, atque inde ad Cæsarem missò non modo tantâ insulam ditioni cû Pisanis communicatę adiecerunt, quæ res postea (vt parum fida parumque stabilis imperij societas semper tuit) præpotentes & vicinos populos diuturnis inter-

internecinisque bellis inter se commisit, verum, quæ longe præstantior meriti gratia fuit, impia Mahumetana superstitione exterminata Christianam religionem in eam insulam induxerunt. Qui Dux tantæ rei gerendæ præfuerit temporum vitio, quæ diligenti scriptore caruerunt, incompertum est. quæ res in bonum vertere celsenda est, ut tanta laus Cunctæ Ciuitatis communis potius sit, quam vni nominatim viro, aut vni familiæ assignetur. Neque nos ullo modo hanc historiam omittere debuimus. nam præterquam quod in patriam ipsam ingrati & iniuriosi plane fuisset, si qui tot Ciuium nostrorum virtutem suis sigillatim laudibus pro cuiusque merito persecuti sumus, vniuersam ipsam Ciuitatem debito præconio præterijssimus, priuatam quoque singulorum gloriam haud parum imminuisse existimaremur. quæ mirum quantum a Ciuitatis dignitate augeatur & illustretur.

FVLVII CARDVLI.

Subijcit imperio ac cælo populosque feroces

Vrbs Ligurum princeps, magnanimosque Duces.

Dicere sic non est, fuisse studijsne Gradui,

an Christi maior religione Ligur,

GVLIELMVS EMBRIACVS.

Nobilis & peruetusta Embriacorum gens fatali humanarum rerum conditione extincta quidē est, ceterum gloria viget, ac perpetuo vigebit clarorum virorum, quos permultos tulit, laboribus & rebus gestis immortalitati consecrata. quorum virtus cū multis locis enituit, tum vero in bello sacro maxime conspecta est. in quo Gulielmi nomen in primis clarum fuit. qui praeualidæ Genuensis classis Praefectus cum classe in terram subducta ipse cum omnibus tam militum quam sociorum naualium copijs, omnique bellico apparatu & machinarum genere, quibus rebus classis instructissima fuit, ad exercitum sacræ Urbem circumsidentem se contulisset, fortissimam operam Christianæ Reipublice nauauit; magnaue in illo & in adductis copijs toto oppugnationis tempore opportunitatis pars, plurimusque vsus rebus gerendis fuit. Eius enim in primis consilio, Genuensiumque opera & industria sacram urbem captam non Genuensium modo Annales, sed exteri quoque illarum rerum, illorumque temporum scriptores tradunt, turri ingentis magnitudinis mirique artificij ipso auctore & Genuensium industria fabricata, cuius cacumen cum libuisset, flecteretur, stabilisque pontis usum pugnantibus preberet. ex qua moenibus admota in Urbem transcendensum est; illaque tandē Christiani potiri sunt.

AN-

ANGELI FOSCARDI.

Discite nostra vni bella quas parturit ætas;
 Infestum Christus vincere posse genus.
 Huius nam tandem indefesso pectore & armis
 Sancta olim nobis reddita terra fuit,
 Turribus & ponte superatis oppida muris
 Sternere quem docuit religionis amor.

ANSALDVS ET HVGO EMBRIACI

Glielmi gloriâ Ansaldus & Hugo Embriaci fra-
 tres gentilis virtutis æmuli rebus a se gestis sub-
 secuti sunt. incredibilique huius gentis felicitate fa-
 ctum est, vt cum bellica virtute pietatis quoq; & relli-
 gionis commendatio coniungeretur. Hi etenim vi-
 ri classis septuaginta triremium Præfecti præter mul-
 ta alia insignia edita facinora urbem Biblium in Phœ-
 nicia ad deditionis necessitatem adactam Genuensi
 Ditioni adiecerunt. Quæ amborum & ceterorû Em-
 briacorum merita amplissimis præmijs Patria remu-
 neranda duxit, omnibus vrribus atq; oppidis, quæ in
 ora Syriæ possidebat, Embriacorum virtute in primis
 partis, nobilissimæ genti omniq. posteritati fiducia-
 rijs concessis.

FVLVII CARDVLLA

Vestra quoque Embriacæ genti; patriæque pararunt
 Ansalde atque Hugo facta perenne decus:
 Publica nos pietas sæuos armavit in hostes;
 Credidit & fidei robur, opesque suas adon mult. affus.
 Tum vires Ligurum & validas Phœnicia puppes
 Sensit, & Embriacum nomen & imperium.

ANSALE DVX ET HUGO EMBRIACI
 POPVLVS GENVENSIS.

QUæ tres res ad magnas vrbes illustrandas plurimū
 valent religio, potentia, virtus, eas omnes Ci-
 uitas nostra cum multis locis, tum vero in hoc ipso
 bello sacro, quod in manibus habemus, declarauit.
 nam & religio in nullis laboribus, nullisque discrimi-
 nibus pro Christiani nominis gloria, proque Christia-
 na re augenda recusandis cōspecta est, & eximæ po-
 tentiæ argumento fuerūt septem ingentes classes: cū
 magno bellatorum numero tredecim annorum cur-
 riculo Christianarum rerum subsidio Genua submis-
 sas. & virtutis in præliis urbiumq. expugnationibus
 clarissima ac quamplurima documenta edita sunt.
 Præter enim eas vrbes, quæ in Elogio, quod nationi
 nostræ a Balduino Rege datum hic adscribemus, no-
 minantur, Tripolim quoque, Beritum, Aconem, Bi-
 blium maiorem, Ioppam, Ascalonē a Genuensibus
 partim

partim solis, partim copijs Balduini Regis a diuñtis fuisse expugnatas constat. Diploma autē in Genuē si Tabulario adseruatum ipsi vidimus. Neq; vero cō silium nostrum reprehendendum putamus, aut fidē nobis abrogatum iri speramus, quod Elogiū ipsum paulo ieiunius, inconditoque illo & rudi eorum tēporum orationis genere conscriptū copiosius & politius sententia nihil mutata aut variata explicauerimus. Est autem huiusmodi.

Quod populus Genuēsis pro eius perpetua & cōtestate pietate ac religione, toto sacro bello præpotē tibus classibus, firmissimisq. terrestribus copijs Christianam rem iuuerit, in sacraque vrbe Hierosolyma, Antiochia, Laodicea, Dertusia expugnandis plurima opportunitatis atque operę pars in illius virtute & industria fuerit, solique Genuenses celebres vrbes Casaream, Ascalonem, Solimum, Biblium, Hierosolymitano imperio, sacroq. Christi sepulchro adiunxerint, summos labores exhausserint, maxima discrimina subierint, sanguinem profuderint, mortem fortiter optetierint, nullis impensis pepercerint, nullis difficultatibus sint debilitati, nullis iacturis infracti; sed aduersus omnia mala inuictam virtutem & patiētiā præstiterint, ut a nullo omnino Christiano populo proprior, fidelior, constantior, magis multiplex opera Christo Domino, Christianæque Reipublicæ nauata sit. Hęc tot, ac tanta merita Balduinus Rex inuictus Damberto Patriarcha laudante atque approbante,

& præclaro Elogio ad memoriæ æternitatem testâda, & amplissimis præmijs remuneranda cœsuit, tertia Ditionis & vectigalium parte vrbium Cæsareæ, Aconis, Assuris in perpetuum concessa, ad hoc singulis vicis in vrbibus Hierosolyma & Ioppa cum iurisdictione illi tributis. Datum in vrbe sacra decimo Kal. Maias anno a verbo homine facto millesimo centesimo quinto.

POPVLVS GENVENSIS.

MUltis de causis, multisque vtrinque illatis iniurijs Genuensium & Pisanorum animis inter se irritatis, cum non de prophanis modo rebus, sed de sacris quoque esset contentio, utroque populo ius inaugurandi Corlos Episcopos, ac Metropolitanam iurisdictionem suo Antistiti in sua vrbe vendicante, Romanorumque Pontificum fauore modo in hunc, modo in illum propendente, quâ rem claris populis multo sanguine stetit Calistus Pontifex tradit, cum diu compressa odia in apertas inimicitias tandem erupissent, illasque primo populatiõibus, direptionibus, rapinis, excursionibus, quibus omnia circa maria late fuerunt infesta, exercuissent, ad extremum Genuenses omnibus viribus, connixi classem nauium & beliatorum numero ac genere præualidâ compararunt. Octoginta enim triremes fuerunt, ac quatuor ingentis magnitudinis corbitæ, ad hoc amplius sexaginta minora

minora varij generis varijque nominis rostrata nauigia, duoque & viginti bellatorum millia. cumque nullam Pisanorum classem obuiam habuissent, copijs in terram expositis Pisanos intra mœnia compulsos arctissima annua obsidiōe, vt Volaterranus tradit, pressos ad pacē petendam, & ad suas condiciones de omnibus controuersis rebus adegerunt. quos etiam ad ignominiaē testimonium humilioribus ædibus vti voluerunt, superioribus cœnaculis deiectis. cuius tātæ rei gestæ laus cum nullus vnus certus Dux ab Annalibus prodatur, tota populo ipsi vniuerso ipsa quoque tribuetur.

HORTENTII TORCELLINI.

Non tulit iniuriam Ligur, ac ius quæsit armis
 Arma dabunt, inquit, quod dare iura negant.
 Improvisus adest, inimicamque obsidet urbem,
 Nec prius oppressos obsidione leuat,
 Quam litem incidit, quam culmina summa domorum
 Disturbat, quam hostis corda superba domat.
 Sic decuit Pisani animos domuisse superbos,
 Ne se humili in tecto tollere deinde queat.

ANSALDVS AVRIA. VBERTVS TVRRIVS.
 PHILIPPVS LONGVS. ANSALDVS PIZO.
 BALDVINVS. INGO.

VTres communiter gesta sunt, ita clarorum virorum laus vno communique elogio nobis cōprehendenda fuit. neque multitudine minuitur computum gloria, sed Ciuitatis nostræ mirifice augetur dignitas, quæ egregiorum virorum copia tam diues semper fuisse appareat. nam quamquam splendor in vnum collectus fulgētior est, idem partitione subobscurari & ueluti hebescere videtur, tamen ingentis apparatus rerumque gestarum magnitudo tāta est, quæ vel in multos distributa singulos memorabiles atque elogio dignos faciat. Hi fuerunt Ansaldus Auria, Vbertus Turrius, Philippus Longus, quæ gens nunc Iustiniana est, Ansaldus Pizo, Balduinus, Ingo. qui duo postremi familiæ nomine apud Annales carent, ingentis ac præpotētis classis Præfecti. tres enim & sexaginta triremes fuerunt, quibus addita sunt centum & sexaginta alia minora nauigia; Commeatuū vero ac nautici instrumenti, ad hoc machinarū & tormentorum ad expugnandas vrbes omnisque bellici apparatus tanta copia, quodque caput est, tantus delectorum bellatorum numerus, vt nullam classē validiorem aut instructiorem a Genuensibus littoribus vquam soluisse constet. Tantis conatibus digni exitus responderunt, Almeria maritima Regni Granatæ & Dertusia

Dertusia citerioris Hispaniæ opulētis vrbibus, quæ a Mauris tenebātur, post longos exhaustos labores expugnatis, cū expugnatio Dertusiæ sex menses extracta sit, multoque sanguine Genuensibus steterit, ingentique hostium multitudine cæsa. quibus vrbibus altera Castellæ Regi, altera Comiti Barchinonēsi ex pacto traditis ipsi pleni gloriæ atque iugenti onusti præda Genuam reuerſi sunt.

ANTONII FOSCARDI.

Cui pareant acies, poscit cum prælia Mauors,
 Vrbis vni confert quælibet arma Duci.
 At Ligurum vrbis Senos armat, qui tergore cæso
 Maure tuo in patriam spolia opima ferant.
 Scilicet vt doceat (tanta illi bellica virtus)
 Agmina magnanimum mittere posse Ducum.
 Felix prole virum, proles atque aurea felix,
 Quam virtus recto tramite ad astra vebit.
 Atque o bis felix, famam nam dentibus æui
 Diuino Vbertus eripit eloquio.

POPVLVS GENVENSIS.

Portentosa Guelfarum & Gibellinarum partium
 rabies animos hominum multa sæcula ita agita-
 uit, vt tota Italia omnis generis cladibus grassata cō-
 pluribus populis miserabili exitio fuerit. quippe quæ
 non

non modo eius prouinciæ vrbes acerrimis internece
nisque bellis inter se committeret, sed vnus eiusdēq.
Ciuitatis incolæ, quinetiam eiusdem cognationis, v-
niusque & eiusdem domus & familiæ homines in cō-
traria studia distraheret. quo fiebat, vt animis Ciuiū
hostili execrabilique odio inter se dissidentibus, om-
nia turbis, seditionibus, rapinis, direptionibus, cædi-
bus, domorum euersionibus, sacrarum ædium incen-
dijs miscerentur, cum vesanus furor nō modo alterā
factionem in alteram incitaret, sed omni pietatis & hu-
manitatis iure perfracto fratrum in fratres, atque ipso-
rum parentū in filios, filiorumq. in parentes dextas
armaret; pluraque inhumanæ crudelitatis facinora
eiusdem vrbis inter se ederent incolæ, nulla patrij so-
li charitate inexprabilia ardentiaque odia mitigante,
quam vlla immanis Barbaries ardore pugnæ irritata
in victos edidisset. quæ dissidia & insanientium ani-
morum certamina cum nullis non locis aut tempori-
bus exercebantur, tum vero in honorum & magistra-
tuum contentionibus in primis apparebant. qui nō
iam præsationibus, suffragationibus, allegationibus,
largitionibus, sed ferro & sanguine petebantur; resq.
sæpe a iurgijs, verborumque certaminibus ad manus
reuocabatur, omnia factionibus ad se & ad suos tra-
hentibus. Cui malo vnum illud salubre quidem, cete-
rum parum honorificum remedium inuentum est, vt
ipsi se Ciues Republicæ administratiōe atque hono-
ribus priuarent, peregrinumque Prætorem sibi asc-
serent,

fecerent, cui summam Rempublicam, summumq. in Ciuitate imperium committerent. quæ contagio cū omnes fere Italię vrbes infecisset, nemini mirum videri debet, si illa ne Ciuitas quidem nostra intacta fuerit; eidemque necessitati peregrino homini annuam Reipublicę administrationem tradendi parere coacta. Neque tamen res a populo Genuensi exteris Prætoribus res vrbanas moderantibus & regnibus gestæ, victorięque nostris hominibus, armis, classibus, opibus, consilijs, laboribus, discriminibus partæ peregrino homini ad eam tantummodo rem ascito, vt discordiarum nostrarum arbiter & disceptator esset, potius, quam ipsi Ciuitati sunt assignandæ, quamuis Genuensi homine summo Duce caruerint. quales fuerunt duę expeditiones, quas mox suis singulas elogijs prosequemur. Genuenses igitur cū amicitia tum precibus & ingētibus pollicitationibus Hærici Cæsaris inducti, qui ea de caussa Genuam se se cōtulerat, omnemque victorię fructum cum Genuensibus partiturum fidem dederat, ingētem classē armarunt, cuius nauium & bellatorum numerus ab auctoribus non traditur, sed ingentem fuisse ex rebus gestis haud dubitandum est. In expugnatione igitur vrbis Caietę, quod primum illius expeditionis opus fuit, tantā in Genuensi classe & adductis copijs momenta fuerunt, vt Caietani urbem tradētes nō in Cæsaris modo, sed in Genuensis quoque populi imperia, vicario ipso Cæsaris præsentē, remque æquo ani-

mo ferente & approbante iurarent. Et in Sicilia Catinæ urbis, quæ iam in Ditionem Henrici concesserat, obsidionem soluerunt Mauris fufis & fugatis, qui eam urbem pro Regina Tancredi Regis mortui vxore repetebant; Et nobilissimam celeberrimique nominis Urbem Siracusas expugnarunt. Quorum laborum cum fructum perceperunt, ut ingentia merita Henricus (id quod plerumque fit) fidei & promissorum oblitus ingenti memorabilique ingrati animi exemplo remuneratus sit: nihilque non modo promissorum fecerit, sed Genuenses omnibus iniquitatibus omnibusque iniurijs ultro affecerit. Quas tamen iniurias Genuenses haud multo post vlti sunt, eadem urbe per occasionem Henrico, ijsque, quibus illam Henricus fruendam dederat, adempta, & Alemanno Comiti populi Genuensis fiduciario tradita.

HORTENSII TORCELLINI.

*Elatus Theuto successu pacta negavit,
Præmiaque, immeritos expulit & Ligures.
Verum quæ potuit virtuti pacta negare,
Tollere non potuit dextra maligna decus.*

POPVLVS GENVENSIS.

NE huius quidem anni rerum gestarum gloriam vnus alicuius priuatim hominis, sed vniuersæ Ciuitatis eadem de causa esse necesse est. Fridericus
secundus

secundus Cæsar idem Romanæ Ecclesiæ & Genuensis nominis infensissimus hostis validis maritimis, ac terrestribus copijs Genuenses vrgebat; iamque maximam partem maritimæ oræ, quæ ad oriëntem spectat, occuparat. Contra quæ ingens classis triū & octoginta triremium ac tredecim Taridarum (eæ sunt naues longæ maioris formæ, quas nunc Galeatias appellamus) educta est delectis bellatoribus referta. quæ nõ modo hostem finibus Genuensibus expulit, amissaque loca recuperavit, sed hostilem classem in fugam versam, certamenque detrectantem vsque ad Stichadas insulas insecuta est. neque insequendi finẽ prius fecit, quam hostis sese in portum Saonæ, quæ vrbs toto eo bello sedes belli fuit, recepisset, ac vallis ostio portus clauso aditum Genuensibus irrûpentibus exclusisset. qui pugnæ spe deiecti in sua concesserunt. At hostis metu liberatus e portu iterum cû exiisset, circumiectaque maria excursionibus & rapinis infecta faceret extemplo altera septuaginta triremium classis e Genuensi portu prodijt; hostisque congressum vitans classem iterum intra vallum Saonenis portus subduxit.

SIGISMVNDI DONATI.

*In te dum nemo contraria tela ferebat,
Sulcabas tumidus cærulei alta maris.*

At cum vidisti Ligurum Friderice cohortes,

H Diceris

Diceris effusa terga dedisse fuga.

Siccine te indicto certamine posse putabas

Victorem hostili ponere castra solo e

Sic puto totum orbem domuisses viribus istis,

Si nullus toto miles in orbe foret.

VBERTVS AVRIA.

N Vllam sane labem Vberti Auriæ gloriæ aspergit, quod ipse vna cū Vberto Spinula collega Principatum sibi in Patria pararit. nam ea res potius quarū clarissimarum familiarum summam indicat potētiā, quam ambitionem, aut regnandi coarguit cupiditatem. Ciuitate enim in cōtraria Guelfarum & Gibellinarum partium studia scissa, quibus sæculum illud ita corruptum fuit, vt nemo omnino ab ea contagione integer aut sincerus esset, Auriam & Spinulā gentes factionum, quas tollere non poterant, capita fuisse, gloriæ potius & splendori, quā inuidiæ esse debet. Verum hæc in præsentia nobis sunt omittenda, quibus illud tantum propositum est, rerum præclare gestarum memoriam debitis Elogijs ab interitu vindicare. in quibus Vbertus altissimum locum tenet nauali prælio ad portum Pisanum cum Pisanis commisso victor. in quo vtraque præpotens classis, quæ præter cetera varij generis nauigia amplius octogentarū triremium fuit, quidquid floris, quidquid roboris, quidquid nobilitatis in vtraq; natione fuit, in armis habuit.

habuit, cum etiam aureis & purpureis vestibus, omnique splendide fortunę opulentiā rem nobilitassent; ingentesque globorum cumuli purpurea fascia velatorum in classe Pisana sint reperti, quos illa superbia & contemptu sese in portum Genuensem iaculatu- ros non minus ridiculo ac puerili consilio, quam vana se- rocia iactauerant. quod præliū diu anceps ita atrox & cruentum fuit, ut mare ab immensa effusi cruoris vi- late circa rubrum factum sit; natantiumq. passim scu- torum, galearum, telorum, cadauerum, cofractorum remorum, & omnis generis naualium armamentorū fuerit refertum. Septem hostium triremes suppressæ sunt, octo & viginti capte; tantusque captiuorū nu- merus Genuam adductus est, ut vna cū reliquis, qui varijs casibus multisque temporibus antea capti fue- rant, in custodiaque adseruabantur, ad nouem Pisa- norum millia carcere inclusi sint. Ut non minus vere quam cōtumeliose in Pisanos dictum illud apud He- truscos multis sæculis usurpatum sit, Genuam eundū, si quis Pisas cernere cupiat. In captiuis fuit Vbertus, Maurocenus Venetus, quem Pisani ob virtutis rerū- que naualium famam Prætorem sibi, classisque Præ- fectum vltimam spem tentaturi, omniaque extrema conaturi, ascuerant. Sacro igitur solemni anniuersa- rio ad ædem Xysti atque aurei Aulæ dono tantæ vi- ctoriæ memoriam perpetuo colendam esse decre- tum est.

IDEM VBERTVS AVRIA.

CUm hominis, tum rei magnitudo fecit, ut vnus Vbertus Auria inter ceteros Ligures duplici elogio a nobis ornandus uisus sit, vir re quidē gesta, clarissimaque victoria de Pisaniis parta, quā modo suis laudibus profecuti sumus, memorabilis, ceterum re non gesta (neque id quisquam miretur, priusquam quale sit cognouerit) memorabilior. de quo viro Patria ita ampla iudicia fecerit, ut illū prae ceteris elegerit, cuius spectata virtuti, rei bellicae scientiae, consilio non modo quidquid uirium, quidquid opū habuit, atque adeo totam se ipsam, omnemque Rēpublicam, sed quod longe maius, & praestābilis est, famam & existimationem suam crediderit. Nam cum Veneti clade a Spinula accepta ira & indignatione ardentes sese omnia Ligurię littora nāuib. completuros, eaque classe ostium ipsius Genuēsis portus infesuros, cuius Genuenses nō modo impetū, sed ne aspectum quidem possent ferre, contemptum superbeque iactassent; Genuenses verborum ferociam rebus retundendam censes, ex templo certo homine misso, Venetis nuntiarunt, latari se vehementer, illorum verbis sibi occasionem dari, praelio experiēdi, utra natio bello sit melior; seque laborem longioris itineris illis adempturos. Siciliam enim insulam utriusque urbi interiectam, parique fere ab utraque distantē interuallo

teruallo campum delegisse, in quo præclarâ hanc æ-
mulæ virtutis & potentiz contentionem communis
Mars decerneret Nauibusque ex omni Ligustica
ora corrogatis classem centum & sexaginta triremiũ
mensis curriculo compararunt, omnique nautico in-
strumento, atq; omni bellico apparatu instruxerũt.
in quam duo & quadraginta bellatorum millia præ-
ter remigium conscenderunt. qui omnes ligures fue-
runt, omnibus alienigenis, quos fama Genuensisque
nominis amicitia, & cupido ostentandæ virtutis Ge-
nuam attraxerat, in tam splendidum certamẽ nomi-
na certatim dantibus, repudiatis. quãrem Iacobus
Varagineus illorum temporum æqualis grauissimus
& sanctissimus Antistes, idemque certissimus scriptor
tradit, qui rei interfuit, & classem ipsam conspexit, nu-
merumque nauium se se recensuisse affirmat. Cũ qua
classe Vbertus cum insulam certamini destinatam te-
nuisset, ac circiter mensem in anchoris stetisset hostẽ
expectans, suosq. ad optatam pugnam omnibus in-
citamentis exacuens, Veneti. nusquam apparerẽt,
Genuenses Diuos hominesq. ac cælum ipsum & ma-
ria contestati, certamen ultro a se oblatum, ab hosti-
bus detrectatum, Genuam reuersi sunt tanto plenio-
res gloriæ ex hoste non conspecto, quam ex eodem
victo, quanto ingentius fortitudinis specimen fuit, ip-
sorum virtutem adeo hosti terribilem fuisse, vt is illã
prælio attingere ausus non sit, quam si congressus fu-
sus aut captus fuisset. Alterius classis septuaginta tri-
remium

remium hic ipse Vbertus Præfectus fuit. Ut appareat
rem Genuensem illis temporibus illius virtute & con-
silio in primis stetit.

POMPEII ARNOLPHINI.

Clara Iouis soboles, & uiuida Martis imago

Vberte, antiqua quem nobilitate decora

Auria gens auro insignem sceproque potentem

Regnasse, & patriæ uidit dare iura uolenti.

Vnde tuas canere incipiam Dux maxime laudes:

Iustitiam ne prius & sacra munera pacis,

Quæis olim grata ciues ditione regebas,

Commemorem, & sacra intexam tua tempora oliua:

An potius ductos Pisano ex hoste triumphos,

Quos non ulla queat sæclorum abolere uetustas

Expediam, & uiridi cingam tua tempora lauro:

Tu patriæ charus pariter, pariterque tremendus

Hostibus æ ternis illam clarisque trophæis

Ornasti, atque horum fastusque aniriosque minaces

Fregisti, & uictos ingenti clade domasti,

Testis Tyrrhenis Arnus qui illabitur undis,

Quem referunt rubro stupefactum gurgite aquarum

Frenasse irriguæ sinuosa uolumina Lymphæ

Atque iterum a tergo fontes petiisse relictos,

Gorgonis & testis, proprio quæ in littore uidit

Mucronus

*Mucrones galeasque leues, clypeosque natantes,
Armatoſque humeros, & pectora luce carentum.*

L A M B A S A V R I A .

NON minore quam Vbertus victoria, atque haud
ſcio an ideo maiore, quia de clariore hoſte par-
ta eſt, nomen ſuum illuſtrauit, ac familiaris decus cumu-
lauit paucis poſt annis, vt eorundem temporu æqua-
les fuiſſe ambo dicendi ſint, Lambas Auria in eodẽ;
in quo Vbertus imperio, eodemque titulo poſitus.
Iſ igitur octo & octoginta triremium Præfectus Ha-
driaticum ſinum ingreſſus ad urbem Curſulam cum
Venetorum claſſe numero ſuperiore (ſeptem enim
& nonaginta triremiu fuit) congreſſus longo & crue-
to prælio illos tandem vicit; tota fere claſſe capta, cū
duodecim tantum naues fuga ſe ſe exitio ſubtraxiſ-
ſent, ex qua ſeptem & ſexaginta iuſſu Lambæ cōbu-
ſtæ ſunt; reliquæ decem & octo Genuam cum captis
in prælio adductæ. fuerunt autem ſeptem millia qua-
dringenti. in quibus fuit ipſe claſſis Præfectus. quem
Annales tradunt, a rabie capite ad aſſerem illiſo igno-
minię dolorem morte finiuiſſe. Anniuerſario igitur
perpetuo ſacro ad ædem Matthæi, atque Aulæ aurei
dono tantæ victoriæ memoria decreto publico ipſa
quoque decorata eſt. Quæ hoc quoque addito car-
mine ab homine mihi amiciffimo eſt ornata.

Qualis

Qualis præcipiti corusca flamma
 Rumpit fulmineo fragore lampas,
 Lambas Auria præpotentior
 Irrupit Venetum repente classem,

Ipsæque in propriam necem coactæ
 Hostium Duce, patrias in oras
 Captiuum innumeras agens catervas
 Victtricem spolijs referit urbem.

PAGANVS AVRIA.

DVos præstâtes Duces cum iisdem ambos iustitiæ
 & continentię laudibus insignes, tū bellica glō
 ria in primis claros eadem ætas tulit Paganū Auriam
 & Simonem Vignosium. quorum singulorum egre
 gias virtutes, egregiasq. res gestas singulis elogijs per
 sequemur, initium facientes a Pagano. Cuius nomē
 non minus clarum facit excelsus animus aduersus af
 fiduum & intestinum cupiditatum bellum perpetuo
 inuictus, diuitiarumque adeo cōtēnens, vt mortuus
 de publico sit elatus, quam duabus clarissimis victo
 rijs partis bis triumphasse. Altera fuit in Helleponto
 prope urbem Constantinopolim classe Venetorum,
 Catalanorū, ac Græcorum foederatorū vnus & octo
 ginta triremium profligata & delera, octo & quadra
 ginta ex illis captis, reliquis partim suppressis, partim
 in fugam coniectis; hostiumque plus quatuor milli
 bus cæsis, cum de Genuensibus non plus septingēti
 ceciderint,

ceciderint, ac perpaucae naues sint desideratae. Victo-
riae gloriam auget, quod numero nauium inferior (se-
xaginta enim tantummodo habuit) congressus est lon-
go & atrocissimo praelio, quod ingentibus animis ac-
censum, ipsoque certamine crescens, cum veteris odij
& perpetuae emulationis acres stimuli vtriusque par-
tis animos incitarent, ne nox quidem interueniens
diremit. Post meridiano enim tempore commissum ad
insequentem primam lucem varia fortuna extractum
est, cum initia foederatis secundiora fuissent. Altera
fuit in Ionio ad Oenusas, quam insulam Sapientiae po-
steriores appellarunt haud procul Messeniaco sinu de
eisdem hostibus minore mole, minoreque discrimine
minusque ostinato praelio parata, cum pari vtrinque
quinque & triginta triremium numero concursus sit,
quamuis Foederati quinque onerariis ingentis magni-
tudinis superiores essent: tota classe hostium capta,
Nicolao Pisano Praefecto, ac quinque hostium milli-
bus Genuam captiuis adductis. Quarum victoriarum
memoriam sacro anniuersario solemniter in Aede Mat-
thaei, aureique Aulae dono a Magistratu publice de-
ferendi quotannis recolere placuit.

THOMAE CORREAE.

O quem triremes aequoris arbiter

Vidit prementem fluctibus Hadriae,

Dum vela contra vertit in te

I Dux

Dux Venetus, socyque ad arma
Acciti Hæbrei fluminis accolæ.

Aerata nec tot carbasæ sufficis

Contra mouentes bella, cum sis

Tu numero inferior quid audes?

Tunc signa Triton classica, & hostium

Vidit natare cæsa cadauera, &

Colla refluænti catenas

Injicere, & Genuam reduci.

Tunc fama verax utraque littora

Neptuni. & ora latior ultimas

Telluris impleuit trophæis,

Et varios rettulit triumphos.

At tu super hos nil titulos stupens

Gazaque, honoresque exigis cubas

Tectus sepulcro. namque egenti

Aere dato posuit Senatus

SIMON VIGNOSIUS.

PAr continentia & iustitia animique ab omni sor
de integri specimen in omni vita præbuit Simon
Vignosius (ea fuit postea gens Franca) cuius duo il
la in primis memorabilia prætereunda non sunt. alte
rum, quod cum Genuensis classis nouē & triginta tri
remium Præfectus ad Euboeā insulam in classē sex
& viginti nauium, quarum maxima pars venetæ erāt,
incidisset,

incidisset, quam Ingibertus Delfinus. Vienne duc-
bat: Delfinusque oratione primo & precibus, deinde
ingenti promisso anniuersarij vectigalis decemmilliū
aureorum numum reuocare Simonem contendis-
set ab incepto celebris nominis insulæ Chij, quam
vna cum Smyrna Asiæ vrbe Michael Palæologus Ge-
nuensi populo donarat, armis repetendæ, cuius insu-
læ commercijs tam opportunę imperio ipse quāquā
alia in speciē præferens hianti cupiditate imminabat,
Simon fœdę rei mentionē auribus aspernatus in in-
cepto perstitit, institutumque iter profecutus est. al-
terum quod cum vrbe Chio potitus ingressum in Ci-
uium prædia militibus edicto interdixisset, vnicus fi-
lius paterna indulgentia se se aduersus edicti seuerita-
tem satis munitum ratus; cuiusdamque Cuius fundū
temere ac per lasciuiam ingressus nonnullis vuę race-
mis asportatis, comprehensus, racemisq. collo ad ma-
iorem ignominia notam suspensis, palam virgis cæ-
sus tota vrbe iussu parētis circumductus est, memora-
bili rigidi atque inuicti animi exemplo, omnemq. pa-
terni amoris sensum in Ducem imperijs, militariq. di-
sciplina & obedientia sancienda superantis. Bellicæ
vero laudes Simonis cæ fuerunt, vt si rerum gestarum
magnitudo publicæ vtilitatis momentis est ponderā-
da, perpauci illius gloriæ possint equari. quippe qui
vrbem Chium post lōgam & difficilem oppugnatio-
nem captam, nobilissimamque insulam, ad hoc
vtramque Phocæam, quæ Ionię vrbes Foliæ nouę &

veteres vulgo appellantur, Genuensium imperio
adiunxerit.

BAPTISTAE GVARINI.

Argolicis clarus sfolijs Vignosius heros,
Nec minus eloquio clarus Vberte tuo,
Phocæam patriæ subiecit uictor utramque
Claraque in Aegeo est hoc Duce paria Cbios.
At non paria foret, si ferro iuncta, fuisset
Auro magnanimi dextera uicta Ducis,
Supplicio nati nec ius uiolauit amoris,
Ausus enim fuerat ius violare patris.
Dura quidem pietas, nimio quæ indulget amor,
Si magis ille pius, non pius ille foret.

PETRVS FVLGOSIVS.

Non decori modo & ornamento genti suæ & Ge
nuæ Patriæ sed magno quoque fructui & emo
lumento Petri Fulgosij dupliciter virtus fuit. quippe
qui grauissimas Ciuium suorum iniurias ultus natio
nis Genuensis incolumitatem memorabili documē
to sanxerit, & opulētæ vrbs ditione adiecta imperiū
populi Genuensis propagarit. Contentione enim in
Insula Cypro in solemni Regij diadematis accipiēdi
de superioris honoris loco inter Venetos & Genuen
ses orta cum instinctu fauentium rebus Venetis Rex
Petrus secundum Venetos decreuisset, Genuēses ac
ceptæ

ceptæ contumeliæ intolerantes cum dignitatem suâ armis, quando in iudicij æquitate parum præsidij expectari essent, vindicare decreuissent, occultis gladijs se præcingunt, vt Venetos se preferentes interficiant. Iamquam rem rescientes Veneti factum Regi aperiunt, Genuensesque in ipsius Regis caput & vitam arma sumpsisse criminantur. Facile fuit puerilem ætatem cum sua sponte infirmam & credulam, tum ab obtrectatoribus Genuensium obsessam circumuenire, Quare ingenti ira commotus Rex Genuenses Regiam ingressos cum armis tectis comprehensos non quæsito, quæ de causa se se gladijs cinxissent, sed tamquam manifesti parricidij ac maiestatis compertos crudelissimo mortis genere affecit e summa turri præcipitatos, suppositarumque hastarum erectis cuspidibus indutos: omnesque Genuenses tota insula cõquisitos necari iussit. Qua re cognita Genuenses dolore Ciuium suorum necatorum ardentes, tantæque atrocitatis injuriam haudquaquam inultam sinendum statuentes, præpotentem classem trium & quadraginta triremium ac magni nauium corbitarum numeri breui compararunt. in quam quatuordecim bellatorum millia conscenderunt. Cui omnibus rebus instructæ, omni que machinarum & bellicorum apparatus copia refertæ præfectus est Petrus Fulgosius Dominici Ducis frater. Is igitur magna celeritate tantum maris spatium emensus cum insulam tenuisset, copijs expositis Famagustam urbem Regni emporium circûfessam primo aduentu

uentu ad deditiōis necessitatē adegir, Regina Regis pueni matre urbem tradente, cum non suarū virium eam dimicationem cerneret. Qua urbe potitus Petrus morte triū ex primoribus Proceribus, quibus instigantibus Rex in Genuenses sauerat, necatorum Civium iniuriā ultus est. Totaque insula cum victore exercitu peruagatus, cum omnia loca, quaecunq; adiret, Genuensium Ditionis faceret, Regem in angulum Regni cōpulsū, & in summas angustias adductum, intelligentemque non sibi esse cum Genuensi praeputentē populo pā certamen, ad suas conditiones adduxit: Famagusta enim urbe Genuensibus cessit, vestigaleq. Regnum insuper in multos annos fecit. Petrus tanta victoria partā plenus gloriā cum Iacobo Lusiniāno vno ex Regis patruis, duobusq. parvulis natis Principis Antiocheni, qui alter erat Regis patruus, captis & obsidibus Genuam reuertitur. At Genuenses clarissimae victoriae memoriam anniuersario sacro solemni ad aedem Diui Francisci decreto cū dono aurei Aulēi consecrarunt. Iacobus tam diu Genuē in custodia est adseruatus donec Petro mortuo ipse in Regnum successit. tum a Genuensibus dimissus pacta & foedera cum illis renouauit, filiumq. Genuae natum, vt amicitiam & animorum coniunctionem nomine ipso praeferret, Ianum appellauit. Corruptus enim Genuēsis populi multorum saeculorum vsus Genuam urbem veluti a Iano conditam Ianuam appellauit. Genuensium Annalium fidem secutus a

Genuen-

Genuensibus Ciuibus munere publico mandato cōscriptorum, qui equales illorum temporum Iacobū ipsum Genuæ viderunt, sæpeque cum illo collocuti sunt, Iacobum Genuam adductum, scripsi, non autē Regem ipsum, vt Pius secundus tradit. Cum etiā pacis & amicitiae foedere cum Rege sancito nulla causa reliqua esset cur Regē captiuum tenerēt, verōq. propius sit, propinquos Regis obseruādē pacis obsides retentos. nam quæ tandem pax & amicitia cum Rege conuenire potuisset ipso non liberato ac dimisso?

RAINALDI CORSI.

Fulgosius ipse Venerem alloquitur.

*Quod tua Regna petam fax o pulcherrima, amorque
Cælicolum, atque hominum, tuus idem me trahit ardor,
Ac flamma in patriam, quæ me feliciter vrit.
Non odio certare velim, non sanguine Regis
Tingier antiqui, non claram excindere gentem,
Quamquam nos Procerum cumulata iniuria pulsat.
Virtutem Ligurum egregiam, quæ nescia prorsus
Turpe pati, aut alijs inferre, & fortia facta
Extendisse sat est. Salamin, Amatbunta, Cyberam
Et florens quidquid Cypri complectitur ora,
Præclaro Genuæ Iacobus munere bebeto.*

BLASIVS AXERETVS.

Sive hostis, cum quo dimicatum est, nobilitatem Spectes, siue virtutem & fortitudinem in memorabili re gerenda tecum reputes, siue rei gesta & victoria splendorem intuerare, quem tandem Ducē ex multorum seculorum memoria cum Blasio Axereto conferre ausus fueris. Hostis enim inclytus Alphonsus Aragonius fuit, tot Regnorum, quibus imperabat, optimis conspectus, ceterum rerum gestarum & clarissimarum virtutum gloria longe conspectior. Neque in re gerenda maius virtutis documentum edi potuit, quam præpotentem classem numero navium superiorē, ad hoc omni bellico apparatu instructissimam (quodque caput est) tantā clarorum Ducū summorumque Procerum, ac primæ nobilitatis virorum copia, tantaque acerrimorum bellatorum multitudine refertam, a priuatę tenuisque fortis Civibus pauperibusque nautis ad insulam Pontiam longo atrocissimoque prælio victam. Iam vero clarissimę victorię fulgor an non lumine suo multarum splendorem præstringere censendus sit, si quis animo & cogitationi pulcherrimā speciem subijciat, Alfonsi ipsius ac duorum Regis fratrum, quorum alter Ioannes fuit ipse quoque Rex Navarra, alter Henricus magnus Magister sancti Iacobi Regibus ipsis maiestate equandus; simulque tantę illustriū Heroum multitudinis captę. in quibus fuerunt Ioan

nes Antonius Princeps Tarētinus, Ioānes Antonius Dux Sueffanus, ac centum amplius Proceres dominatu populorum insignes. Quo loco illud genti Iustinianæ ad posteritatis memoriam perhonorificū nullo modo prætereundum fuit, quod Rex Nauarchorū condicione, qui ex omnibus ordinibus fuerunt, diligenter cognita Iacobum Iustinianum delegit, cui deditionem faceret. Ceterum Blasius naualem triumphum omnium, qui vñquam acti sint, speciosorem acturus fuit, si aut istos ea ætate fuisset, aut Patriæ afflictæ fortuna eiusmodi spectaculo locū dedisset. Par deinde tantæ partæ gloriæ per omnem vitam fuit egregia ac forti opera Philippo Mediolanensi Duci aduersus Venetos in naualibus pugnis perpetuo nauata. Quæ merita Philippus amplissimis remunrans præmijs, in quibus fuit Ditio & celebris nominis arx Serrauallensis, nomen gentis insigni titulo nobilitauit. Omnibus igitur summis studiis ac sempiterna veneratione Blasij Axereti memoriâ Genua Patria colere debet, qui Genuensium gloriæ tot victorij diu paulatimque collectæ clarissimum celsissimorum Regum captorum fastigium imposuerit.

BAPTISTAE GVARINI.

Axeretus Patriæ gremio dum sedet inermis,

Sic Martem fama est increpuisse virum.

Quid mea cura trabis ualidos inglorius annos?

K Nihil

*Nil iuuat imbelli parta quiete quies .
 Erubuit monitus , Dinino & concitus æstro
 Arma animo versat , versat & arma manu .
 His Regum domitor Tirrhenus imperat vndis ,
 Et ducit ad patrios bina trophæa lares .
 Tanta tamen virtus tenebris obscura iaceret ,
 Erueret scriptis ni Folieta suis .*

L A M B E R T V S C I B O .

Q Vis Ciuitatis nostræ priscorum temporum potē-
 tiam miretur , cum ipsorum priuatorum Ciuiū
 tantæ essent opes , quæ ad iustas classes comparandas
 & instruendas sufficerent? Id quod Lambertus Cibo
 docuit (eam gentem nobili Græcia oriundam , ac Cu-
 beam olim vocatam Genuam commigrasse fuerūt .)
 Qui Mauris piratis mare circum excursionibus & la-
 trocinijs infestū facientibus , classe valida armata Ma-
 uros profligatos & fusos , atque in insulam Caprariā ,
 quam sibi arcem delegerant , compulso expugnauit
 ac deleuit ; eamque ac circumiectas insulas sibi impe-
 rio subegit . Quam rem ab Annalibus nostris , vt mul-
 ta alia , præteritam Eleutherius Mirabellus illorum
 temporum æqualis & scriptor , atque Annales Pisani
 tradunt .

CAFFARVS. VBERTVS TVRRIVS.

Miretur quisquam illorum temporum scriptores tam supine negligentes fuisse, vt nomina familiarum in claris viris commemorandis omitterent, cū in maximis victorijs nulla omnino Ducum ipsorum mentio interdum fiat. Hoc igitur stemmate carebit, quæcumque illa est familia, quæ Caffarum vnum ex consulibus habuit (is tum erat summus Ciuitatis Magistratus,) qui vnaq; illi adiūctus socius Vbertus Turrius viginti duarum triremium & sex Golabiorū, id tum erat nauigij genus, Præfecti detrimenta accepta a Mauris Balearicis & Almeriensibus, qui eo tempore Piraticam facientes mare excursionibus & prædationibus late infestum faciebant, illis reddiderunt, minore Balearica ferro & igni late vastata, vrbeque ipsa capta & direpta; excensioneque in continentem facta cum egregiam equitum alam secum haberēt, Almeriaq. circumfessa Regem ad necessitatem se se pecunia redimendi obsidibus acceptis adegerunt: nec minus gloria conspecti quam præda onusti Genuam redierunt.

AMICVS GRILLVS.

EGregios Amici Grilli conatus, quāuis effectu caruerint meriti tñ elogij testimonio carere haud equū est. Neq; enim clari viri fortunā, quæ in manu

nostra non est, sed fidem, diligētiā, vigilantiam, audaciam, consilium, virtutem præstare debent. Quorum omnium rerum egregia documenta in Amico Grillo conspecta sunt. Bello enim Pisano tum cū maxime ardēre, quod Sardinia & Corsica ante oculos positarum insularum cupiditas per varias in speciem confictas causas excitabat, quodque sæpe pace, numquam tamen fida intermissum per leuissimas occasiones renouabatur, utroque præpotente populo insulae imperio imminente, Amicus Grillus ob spectatā virtutem in altera eiusdem anni expeditione quinque & triginta triremium Præfectus aduersus eosdem Pisanos missus, qui urbem Ingaunorum improviso adorti diripuerant & incenderant, indeque se se in provinciam contulerant, & classem in fluuium Rhodanum subduxerant, eundem amnem ingressus ad oppidū sancti Egidij penetrauit omnibus discriminibus se se obijciens. Cumque omnia summa fecisset, ut hostem ad pugnam eliceret; ad extremumque pro comperito cognouisset, oppidanos Comitemque ipsum, atque eos, qui ad mercatum conuenerant, occulta consilia cum Pisanis coniunxisse, insidias, ac ne circumueniretur veritus signauia hosti exprobrata, qui se se in apertum committere, fortunamque pugnae experiri ausus non esset, egregia audacis & experientis Ducis par ta laude in Patriam reuersus est.

SIGISMUNDI DONATI.

Est aliquid cautas inimico texere fraudes,
 Atque hostem teclis vincere posse dolis.
 Sed tamen est maius teclis cognoscere fraudes,
 Nauta velut fluctus prospicit horribiles.
 Plus ergo meruit veritum Grillus honoris,
 Cum victor Gallis cecidit Amicus agris.
 Quam qui tum frusta tentarunt arte Pelasga
 Insidias cauto composuisse Duci.
 Ergo fuit potius fraudes aperire dolosas,
 Non fuit hostiles id trepidare minas.

NICOLAUS SPINULA.

Nicolaum Spinulam si parum rerum gestarum fama, quæ vitio scriptorū illius sæculi ignotæ sunt, at maximi Principis amplissima de illo facta iudicia ab obliuione hominū vindicant. Quis enim magnū & memorabilem in primis virum, ac consilijs & factis clarum fuisse eum neget, quem Fridericus Cæsar tantis opibus, tanta potentia Imperator, idemq. rerū gestarum magnitudine ac clarissimarum virtutum gloria præfulgens ultro delegerit, alienigenamque euocarit, cui summam naualium rerum cum insigni Halmitotis titulo committeret.

AN

ANDREAE SPINVLAE.

Cum torpere graui scriptorum corda veterno

Spinulidæ virtus Nicolet aspiceret.

At, dixit, Cæsar Fridericus magnus in armis

Imperium vasti cum tibi det pelagi,

Te quoque, ne dubites, aliquis mirabitur olim,

Et verum huic dicet nominis omen erat.

ANSALDVS MARIVS.

CLari quidem nominis, magnæq. fortunæ vir, neque ambiguae famæ esse debet Ansaldus Marius. Nam ab Imperatore Cæsare Friderico secundo celsissimo ac potentissimo Principe summam maritimarum rerum obtinuisset cum eodem quo Spinula Halmiro tis titulo, ingentiumque Cæsarianarum classium Præfectum multa consilij, audacie, fortitudinis edidisset documenta cum hostilibus classibus vario euentu sæpe congressum, hæc omnia haudquaquam vulgatam laudem memorabilis viri famæ conciliant. Neque ut rerum imperiti putant, Saona belli sede delecta ex ea Genuam Patriam arcta obsidione diu pressisse, totamque Liguriæ oram assiduis incursionibus infestam fecisse, ullam labem rerum gestarum gloriæ aspergit. non enim contra Patriam venisse merito est dicendus, sed Guefos Cæsaris hostes tum Genuæ rerum potentes dimidia Ciuitatis parte expulsa, hoc est Gibellinis suis oppugnasse Gibellinarum partium acerrimus vindex & assertor :

assertor. quam sententiam nos quoque amplectētes
clarum in primis Ligurum ac memorabilem virū suo
præconio fraudasse liuidi ac maleuoli animi fuerit.

ANDREOLVS MARIVS

Patri Andreolus filius suggeritur sine vllō verborū
apparatu. quæcumq; enim de parente dicta sunt,
ea omnia in filium conueniunt. nam eodem honoris
& imperij titulo usus est. quod eadem ratione, confi
filio, virtute gessit. Vt hi viri non magis natura, quam
vitæ, ingenij, fortunæ similitudine coniuncti videan
tur. Illud vnum est in Andreolo ad memoriam insi
gne, quod Guelforum ingentem classem memorabili
multorumque scriptis celebri prælio fudit duabus &
viginti triremibus cum Pontificijs Legatis, sacrisque
Antistitibus, qui Pontificis iussu ad concilium euo
cati erant, captis.

M. ANTONII LANFRANCI.

*At non minore gloria præcelluit
Ansaldus ille rebus a maritimis
Cognomen obtinens, & eius filius
Claro parente dignus Andreolius.
Ambo secundi Friderici classium
Duces potiti maximis victorijs.
Qui forte si videantur hostes patriæ,
Lares quod olim patrios obsederint,*

*Hi neuiquam fuere, sed miserrima
Premebat urbem Ciuum discordia.*

IACOBVS MAROCELLVS.

Hic annus humanæ salutis millesimus ducentessimus quadragesimus vnus variante fortuna, secundisque & aduersis rebus luctum & gaudium Genuæ miscentibus insignis in primis fuit: tribusq; expeditionibus tria egregia edidit documenta, quanta fuerit maiorum nostrorum religio, quanta animi magnitudo, quantæ Ciuitatis nostræ facultates. Ac præ religionis quidem studio Genuensem populum omnem terrorem atque omnia discrimina leuia ducere, prima infelix expeditio docuit. nam cum nullis minis Friderici secundi, cuius opes ac potentia cunctæ Italiæ terribilis erat, deterri potuissent Genuenses, quominus Pontificis Romani monitis atque adhortationibus parerent, classem septem & viginti trirēmum armarunt, Octo postea ad famam ingentis Inueneri hostilium nauium in supplementū decretis, quæ Legatos Pontificios ac sacros Antistites ad conciliū euocatos trajcerent. Cuius Præfectus fuit Iacobus Marocellus. qui quamquam supplemento non expectato infeliciter rem gessit duabus & viginti trirēmibus amissis, Legatisque cum maiore parte Antistitum captis, tamen clades hæc a nobis nullo modo omittenda fuit, quæ & si partæ victoriæ decus hosti dedit, magnam tamen religionis & pietatis gloriam nominari

mini Genuensi conciliauit; nosque in elogijs scribendis non tam virorū, quos laudibus nostris prosequēdos ducimus, quam Patriæ ipsius gloriā spectamus: Quamquam victoriæ quoque laus Genuensis hominis est. Cæsarianæ enim classis Præfectus Andréolus Marius fuit, is, quem proximo elogio ornauiamus.

FVLVII CARDVLI.

Quæ vis, quæ Ligures in aperta pericula mittit,

Et fasces temnit Cæsaris, arma, minas?

Religionis amor, sanctæ ac reuerentia sedis

Sors ausis cursum Cæsariana negat.

Egregijs ingens debetur gloria capitis,

Et magnum in magnis est voluisse decus.

Euentus spectant mortalia lumina, mentes

Ille hominum iudex, imaque corda videt.

ANSALDVS SOLDANVS IACOBVS

ITALÆVANTVSI

AT secunda expeditio docuit, quanta fuerit maiorum nostrorum animi magnitudo, quantæ illorum temporum Ciuitatis nostræ facultates, quam sollers industria, quā formidolosa uirtus: quæ nihil clade accepta animis infractis vnus diei ac noctis spatium prælucentibus tædis classem duarum & quinquaginta triremium deduxerit; bellatoribusque refertā,

L & omni

& omninautico instrumento omnique bellico apparatu instructam e portu emiserit Ansaldo Soldano & Iacobo Leuanto Præfectis. Ad cuius primū conspectum Friderici classis repentino ac veluti Panico terrore perculsa extemplo omnibus, quæ tardare cursum poterant, in mare proiectis, turpi fuga certamini se subtraxit.

GVLIELMVS GABERNIA.

Idem decus fugatæ atque in portum Saonensem cōpulsæ classis Gulielmus Gabernia tertiæ expeditionis, quæ eundem nauium numerum habuit, Præfectus, rettulit. Vt si quis rem suis momentis pōderet, maiorem eo anno victoriæ gloriam penes Genuēses, quam penes hostem fuisse statuat. qui cum semel vicerit, bis victus dicendus sit, cum bis de virtute Genuensibus concefferit:

SIGISMVNDI DONATI

Quid te, quid Ligurum iactas Friderice phalanges,
Inuictos bello perdomuisse viros?
Scilicet intrepidam classem quod sponte lacescens
Capisti aduectos fraude doloque Patres.
Quin potius te fraude pudet vicisse doloque,
Moxque oppugnatum terga dedisse fugæ.
Non semper sacris illum, qui prosiluit ante

Carcere

*Carceribus, cursus meta cupita manet.
Nec semper sauos audax qui primus in hostem
Attollit castus, præmia læta refert.*

VBERTINVS AVRIA.

O Peræ pretium est Ciuitatis nostræ illorum tēporum animum & potentiam considerare. quæ finitimo bello Pisano maximo & internecino implicita, eoque tum cum maxime ardente, quod tanto sanguine totque cladibus vtrique Ciuitati stetit, Urbem Venetias veteris fortunę opulentia abundantē, & perpetua nauali gloria, ac rerum gestarum, imperijque late patentis viribus cūctis gentibus formidolosam hostem sibi adiungere, nouoque se bello onerare non expauerit; eodemque tempore cum duobus potentissimis populis acerrima & continenti dimicatione parique, atq; haud scio, an dicere ausim superiore Martē pluribus illatis, si Annalibus credimus, quam acceptis cladibus contenderit. in quibus Vbertini Aurigę magnę audacię viri haudquaquam obscura opera fuit; eiusque nomē inter cetera quamplurima Aurigę gentis stēmimata nullo modo omittendum. Qui quinque & triginta triremium Præfectus Ceteam oppidū in Creta insula cepit & incendit, omni circum regione lateuastata; sinumque Hadriaticum ingressus cunctaque excursionibus & prædationibus infesta faciēdo Venetos ad certamē attrahere frustra est conatus.

In signis ac maxime bellicosus hic annus fuit . tres enim expeditiones factæ sunt . Prima Præfectū habuit Conradum Auriam, quam paulo post cōmemorabimus; postremæ, quæ omnium maxima fuit septuaginta triremium, Vbertus Auria præfuit Conradi pater summus illorum temporum Dux Pisano prælio victor . media quinque & triginta triemiū Thomæ Spinulæ ducēda data est . in qua hominis virtus haud mediocriter epuit oppido Planasiæ insulæ occupato, turribusq; prostratis ac compluribus nauibus Pisanoꝝ captis, prædaque ingenti parta . Quare Genuam reuersus Thomas plus noningentos captiuos, octoque & viginti millia marcarum argenti ex præda redactarum Patriæ tradidit .

ANDREAS SPINVLA.

*Spinula Pisanae Thomas ingenti a prædæ
Pondera, captiuum rettulit & numerum,
Et classē, & pictis terrarum victa tabellis,
Omnibus ereptis hostis ut ingemeret.
Ne Ligures animas, ne fortia temnere gentis
Facta queam, cogis Spinula sola domus.*

HENRICVS MARIVS.

Egregio stemmate gētem suam Mariam perpetua
nauali gloria nobilē auxisse existimandus est Hē-
ricus

ricus Marius. qui duarum & viginti triremium Præfectus cum Pisanorum classe numero superiore congressus longo & cruento prælio egregiam victoriâ retulit, tredecim triremibus captis, reliquisque partim suppressis, partim in fugam coniectis; multisque nobilibus Pisanis captiuis Genuam adductis:

CONRADVS AVRIA.

VBerto tanto parente, quo nullus omnino Genuë suum bellica virtute, magnitudineque rerum gestarum clarior fuit, Conradus, qui ei quoque in summo imperio Genuæ successit, duabus insignibus expeditionibus sese dignū ostendit. quibus memorabilis clades superius commemorata interiecta est. prior quæ anno cladē præcessit, vnius & quinquaginta triremium fuit, in qua Pisanos ad Populoniam diu obsessos classe in pugnam directâ ad manum conferendam elicere non potuit. Quorum aliquot triremibus per varias occasiones captis, turriq. quam Veronicæ vocant, demolita Genuam reuersus est. Posterior sexto post cladem anno cum Henricus Marius, & Nicolaus Buccanigra classibus coniunctis Iliam insulâ cepissent, quadraginta triremium fuit. in qua Conradus ferrea cathena, qua Portus Pisanus munebatur, perfracta, quæ ad hæc vsq; tempora in compluribus vrbis nostrę locis ad decoris memoriam suspensa cōspicitur, portumque ingressus turres omnes deiecit;

Libur-

Liburnumque captum euerit, cum sacræ Aedi tantummodo pepercisset.

NICOLAS SPINULA.

Victoria de Venetis a Nicolao Spinula parta non tam numero nauium & copiarū multitudine, quam rei gestæ magnitudine admirabilisque virtutis edito facinore clara in primis & memorabilis est. Is enim cum legationis munere apud Cæsarem Græcum fungeretur, decem & octo triremiū, quæ Genua negotiationis & mercatorij quæstus causa profectæ Duce carebant, in vrbe Pera a classiarijs ipsis & tota Genuë si colonia ob spectatam virtutem Præfectus creatus, cum pugnam a Venetis oblatam diu detractasset, ne aduersus classem numero tanto superiorem (decem enim nauibus amplior erat) tot Ciuium suorum salutem in tantum discrimen daret, tandem Venetis nullum vrgendi finem faciētibz ad necessariam pugnam attractus classe explicata, omnique bellica ratione ad pugnam firmata congressus est. in quo prælio anticipi & atroci ita Nicolai enituit virtus, illudque Genuëses haudquaquam cōparabilis fortitudinis specimen præbuerunt, vt ira & indignatione violatarum induciarum, vltimaque necessitate animos acuate hostilis classis fusa sit, quinque & viginti triremibus, ingentique hominum numero capto, cum tres tantummodo naues euassissent. quæ victoria cum sacro & aurei
Aulæi

Aulæi anniuersario dono decreto publico maximis illis sit æquata, nobis quoque pari elogio decoranda fuit.

GANDVS MARIVS.

EA est virtutis maiestas, vt etiam a felicitatis societate deserta ipsa per se suspicienda sit; nosq. debemus ad amplissima de claris viris a Patria facta iudicia scriptorum nostrorum testimonium accommodare. Cuius igitur viri Gandi Marij spectatæ fidei, cōsilio, audaciæ, virtuti patria tantam Reipublicæ partē committendam duxerit, eum nos debitæ laudis præconio fraudare non debemus. Cum igitur Genuæ esset auditum præualidam Venetorum classē e portu exiisse, Genuenses Gandum delegerunt, quem tanto hosti opponerent, ac quinque & septuaginta trimibus præficerent. qui quamquam præclari conatus effectu caruerunt, quæ tamen partes suæ fuerunt, eas abunde impleuit, hoste multis locis perquisito, quē ad pugnam attrahere numquam potuit.

SIGISMVNDI DONATI.

*Quid modo Sparta tuum super astra Leonida tollis,
Exornaſque virum laudibus immodicis?
En paucō Marius stipatus milite fortes
Oppugnare audax non trepidat Venetos.*

Ille

Ille quidem laudem peperit sed morte perenni,

Hic laudem peperit, nec tamen interijt.

ROSCIUS AVRIA:

Multiplici gloria nomen suum Roscius Auria cōspiciendum fecit. nam militaris virtus, quæ in illo eximia fuit, quæque ad homines illustrandos vna sufficere, atque adeo primas obtinere a veteribus existimata est, exiguam partem in huius viri laudibus occupavit. præfulget enim præcelso animi, humiliaque hæc despicientis magnitudo; ad hoc pietatis & religionis coruscans fama. quippe qui partarum victoriarum, atque urbium in littore Euxino expugnatarum, Andronicique iunioris Græci Cæsaris, sub quo classium Præfectus complures annos stipēdia fecit, imperio adiectarum, nulla aut opum, aut potentia, aut oppidorum ditionis, aut humanæ gloriæ breui interitura præmia petijt; quæ ceteri mortales sequi inflammato studio solent, quæque virtuti & meritis debita a Cæsare ultro deferrebantur, sed Anastasiæ martyris corpus impetrauit. quod Constantinopoli Genuam religiose delatum, atque in Aedem Diui Matthæi illatum ad nostra vsque tempora adseruatur. Quanto igitur sublimiorem finem spectauit Roscius, tanto eius nomen altius euolauit; quantumque gentis suæ Auriæ perpetuum armorum splendorem pietatis & religionis lōge insigniore addita laude cumulauit, tantū dē in Roscij

in Roscij memoria præceteris colenda studij & venerationis gentem Auriam addere verum est.

IO. PAULI AMANII EPISCOPI
ANGLONENSIS.

Ob captas urbes, & uictos Cæsaris hostes
Euxino in ponto, fuluum non Roscius aurum,
Fluxa nec egregii quæ sunt præmia facti.
Sed pius in patriam sacra, quæ uebat, ossa, colatque
Virtutis monumenta suæ pia Numina poscit,
Certe habet insignes fama gens Auria multos,
At pietas dignum hunc cælesti reddit honore.

PETRI MAGNI.

Auria, tam claro uero cognomine digne
Auria, post uictos hostes, domptosque rebelles,
Seruatum imperium, Rex omnia detulit, at tu
Dilecta tantum Diuæ monumenta tulisti,
O & auis, & digne nepotibus Auria tantis

OPICIUS CARRETVS.

O Picium Carretum e nobili Germania oriundû,
atque ab ipsis Cæsaribus originem ducentem, ad
hoc duorum Pontificum Maximorum Innocentij
Quarti & Hadriani Quinti affinitate conspectum. Fili

M scam

scam enim Innocentij fratris filiam, Hadriani sororē in matrimonio habuit, si prudens præterijsssem, improbum sane me admisisse facinus, si imprudens, dissolutæ negligentię crimen subitum fuisse existimarem. In hoc viro non Liguriæ modo, in qua nobilem Finarij Marchionatum vetusto gentis iure obtinuit, sed toti Italiæ magnum decus & ornamentum fuit. Cui Mediolanenses in turbulentissimis ac laborantibus rebus suis, tum cum omnia ciuilibus discordijs arderent, Diuinaque & humana omnia factionum studijs miscerentur, ab spectatæ prudentię & virtutis fama vltro accersito summam bellicarum & Ciuiliū rerum madauerunt. ipseque sese tam domi quā militiæ tanto muneri & expectationi parem protinus ostendit. nam factionis audaciam compescuit, resque vrbanas in tranquillum statum redegit, ac Gregorium X. Pontificem Maximum Mediolanensibus implacabili odio infensum mitigauit, cum ille Mediolanū venisset, omnesque Mediolanenses ab ira & indignatione alte animo insidente ab aditu & conspectu suo plane exclusisset, vno admissio Opicio. quo interprete & arbitrores compositæ sunt, Mediolanensesque in Pontificis gratiam redierunt. Nec minora sunt militaria merita multis felicibus expeditionibus susceptis contra circumiectos populos rem Mediolanensem continenter vexantibus Papiensibus & Comensibus sæpe fufis ac domitis. Qui etiam, si id ad viri gloriam cumuladā quidquā pertinet, cæremonijs Diadematis ab Henrico Cæsare

Cæsare ea in vrbe sumpti præfuit.

Eadem gens Carretta omnibus ætatibus ab Opicii gloria haud deflectentes viros tulit. nam Manfredus egregiam operam in bellis contra seditiosos & rebelles atque aduersus Sabaudia & Montisferacis Principes Genuensi Reipublicæ nauauit.

Et Henricus, qui ab eximia fortitudine & ferocia ipsis summis Principibus formidolosus bellatoris nomē tulit, præter Sabaudia & Montisferacis Principes sæpe repulso, capto Vigleuano Francisci Sfortia summi ac celeberrimi illius ætatis Ducis impetus impavidus sustinuit, urbemque tutatus est.

Et Ioānis Iacobi haud obscura fuerunt bellica opera. Et Alfonso Genuensibus in Corsica recuperanda & domanda virtute & opibus suis haud paruo adiumento fuit.

Denique nulla Ligustica gens hac Carretta stematibus numerosior fuit; eiusque numquam consopita virtus illustribus moribus sæpe excitata est. nam præter eos, quos suis sigillatim elogijs decorauimus, Bonifacij, duorum Henricorum parentis & filij, Ioānis, Iacobi, Conradi, Odonini haud obscura fuerunt bellica opera. nostra quoque ætate Ioannes Finarij Marchio in expeditione Africana amplissimorum ordinū ductor fortiter dimicans magna que sui relicta expeditione occubuit.

IO. BAPTISTAE FONTEII PRIMIONIS

Qualis priscorum doctis celebrata poetis
 Læta Deum mater Cybele, materque Dearum
 Dicitur & partus & centum amplexa nepotes,
 Historijs talis nostris nostrisque tabellis
 Heroum genitrix stirps hæc Carretta potentum
 Cernitur, insignesque Viros Regesque Ducesque
 Maxima quos Italo uirtus æternet in orbe,
 Alma fonere sinu, & tali deducere curru,
 In quali biugos agitauit Dina Leones.
 At quantum Diuos inter fulgebat Apollo
 Insignisque comis, longeque sonante sagitta,
 Tantum Carrettos inter dicendus Obizus
 Complures armis post se & uirtute reliquit.

IACOBVS FLISCVS.

Quo atque amplissimo honoris titulo clarissimâ
 gentem suam Fliscam auxit Iacobus a Ludouico
 eius nominis nono Gallorum Rege celsissimo Magister
 equitum creatus, quem Marescalum appellât.
 qui honos in rebus militaribus altissimum apud Gallos
 auctoritatis & existimationis locum tenet. quippe
 in cuius moderatione & arbitrio res bellicæ Gallorû
 versentur; Omnesque prouinciarû Præsides & arcium
 Præfecti, ac militiæ Duces Marescalorû imperiis pareânt
 apud

apud Gallos quidē summus hic honoris grad⁹ tanto in pretio est, vti exteris nō nisi in multis sæculorū ætatibus vni aut summū alteri deferatur, ijsq. viris, qui ad summū fastigium summūque nomen in rebus bellicis peruenerunt, id quod Patrum & nostra ætate declarunt in Ioanne Iacobo Triuultio; & Petro Strozio vtroque summo in Italia Gallicorum exercituū Duce.

SIGISMVNDI DONATI

*Dum Elisci uirtus nondum perspecta lateret
 - In tenebris, nullo & nomine clara foret,
 Se se ostendebat dignum, qui primus ab ipso
 Rege foret, primus qui sequeretur eum.
 At simulac inſto fuit exornatus honore
 Se ostendit dignum, ut ſceptra uel ipſa gerat.*

PRINCIPALLES FLISCVS.

Iacobi etati & gloriæ succreuit Princiuales Fliscus. Ipse quoque ad summos honores a Rodulfo Cæſare clatus. Vicarius enim in Italia Imperialis fuit. Quæ porro aut qualis fuerit ea procuratio, nobis parū liquet, ampliſſimam certe fuiſſe neceſſe eſt, quæ tā ſplendido honoris titulo ſit appellata.

FRIDERICVS MARABOTTVS.

Non quidem inter eos viros, qui maximarum clauſum Præfecti magnas res geſſerunt, ingentesque victorias

viſtorias pepererunt, connumerandus eſt Fridericus Marabottus, ſed inter eos, quorum nomen egregio aliquo ſingularis fortitudinis & audacię edito facinore cum ſummi faſtigij Ciuibꝯ cōſcribendum duximus, prætereundus non fuit. qui non in poſtremis docuerit, ad ceteras bellicas laudes & imperatorias artes peracrem quoque eſſe in Genuenſibus hominibus ingenij ſollertisqꝯ animi vim ad ſubita & improuiſa belli celeritate aſtuti cōſilij expedienda. Is enim Gibellino rum claſſe numero longe ſuperiore ad ſe iter tendente procul conſpecta, quam expectare, ac cum illa cōgredi non iam hominis fuiſſet, fortunam pugnæ tentare, ac communem martem experiri audentis, ſed ſe ſe, ac ſuos, claſſemqꝯ ſibi commiſſam in certam pernitię per ſummam inſaniam præcipitantis, fuga ſaluti cōſuluit. Cumque hoſtis nullum inſequendi finem faceret, validioreqꝯ remigio vtēs propinquus factus ipſum mox aſſecuturus eſſet, ſuperuenientibus tenebris, atqꝯ ea, quæ adminiſtrabantur, turgentibus imminens periculum egregio noui ſtratagematis commento diſcuſſit. nocturni enim luminis inſigne ad curſum nauium regendum in Prætoria puppi extolli ſolitum in ſcapham cum paucis remigibus impoſuit, dato mādato, vt proximum litus peterent, ipſeque itinere alio conuerſo, ne naues ſuæ nullo lumine prælato nocturna erratiōe diſſiparentur, nomen certi portus quo curſum dirigerent, triremibus edidit. quo factum eſt, vt inſequenti luce omnes eundem portum quamquam diuerſis itineribus

neribus incolumes tenuerint, seque cum Duce cōiunxerint. At hostes lumen sequentes classe omīssa, cum ad littus peruenissent, scaphamque in terram eiectam hominibus vacuā cum lumine cōspexissent, sese astu Marabotti Ludificatos intellexerunt.

HORTENSII TORCELLINI.

*Hosti dum cedit Marabottus viribus impar,
Et classē ut seruet, classē premente fugit,
Insultantem hostem ridet, iam iamque uorantem,
Atque nouo fallit nocte fauente dolo.
Hoc summi Ducis & armisq̃ insignis & astu
Seu uirtute hostem uincere, siue dolo.*

SALAGRVS NIGRIVS.

Quod virtutis genus fuit, quod Salagrus Nigrius in præclaro facinore patrando non expresserit? nam quantæ primum constantiæ Deus immortalis, quamque inuicti animi fuit, hostilem Catalanorū classem ad insulas Balearicas deprehensam decē dies aspero fluctibus mari insecutum fuisse? quantæ porro virtutis ac fortitudinis quatuor ingentes onerarias delectorum numero refertas (mille enim & octingenti fuerunt, in hisque centum & octoginta primæ nobilitatis & equestris dignitatis viri) tum cum nullus adhuc bō bardarum vsus esset, cum decem tantummodo triremibus

nibus expugnasse aspectu præsertim coniugum ac natu-
 torum, quos Catalani secum vehabant, ardorem pu-
 gnæ accendentibus? Fortitudinis laudes cumulatcō
 filium militarisque astus, quo suorum virtutem Sala-
 grus acuendam cēsuit: qui per speciem expeditius na-
 uigandi velocitatemque onerariarū cursu trirremium
 æquandi yna cum reliquis impedimentis annonam in
 mare proijci iussit. Prælioque ultimo cōmisso. Si fer-
 rum, inquit, horrescitis focij, longe tetriore mortis ge-
 nere, hoc est, fame vobis pereundū est. annona enim
 in mare projecta nullus vobis reliquus est cibus quā
 quem ex uicta classe plena com meatuum petatis.
 Quantæ igitur dimicationis quamq. acris certaminis
 rem fuisse putemus, hinc fame Genuenses, illinc cha-
 rissimorum pignorum respectu, a quibus instans serui-
 tium & contumeliæ depellendæ erant, Catalanos in-
 citantibus, quibus duobus nulli sunt acriores stimu-
 li. Ceciderunt ex hostibus circiter octingenti; ca-
 pti sunt centum sexaginta. Nec militari gloriæ sin-
 gularis continentię laudes parum addunt splendoris,
 ut exemplum sit in omnes partes nobile. a matrona-
 rum enim corporibus violādis Salagrus graui edicto
 suos prohibuit, quas excensione in terrā facta liberas
 dimisit, pudori muliebri cōtumelijs obnoxio parcens
 vnumq. ex captiuis nobilitate insignem compertum,
 quod coniugem præstanti forma, ne in hostiū manus
 veniret, ab amoris stimulis iugularat, capite multa-
 uit. quod se non tam puniendi maleficiij causa, quam
 indigna-

indignatione commotū facere dixit, quod ille ipsius
& Genuensis populi continentiae diffidisset. Facinus
igitur tam multiplici virtute commendatum, si rem
verbis æquare volumus, non vno tantum, sed pluribus
clogiis pro dignitate decorandum esset.

IO. BAPTISTAE FONTEII PRIMIONIS.

Egerat hostiles Hispana per æquora naues
In decimum Salacer Nigrius usque diem,
Cum patri Cererem Neptuno credidit, ac si
Nostra carina graui pondere tarda foret.
Et Subito, O socij, nec equi expectabitis, inquit,
Dum parit auxilium, neue aliunde dapes.
Illa cibos vobis aufert scita classis hibera,
Aut mors fœda fame, aut illa petenda bodie est.

EIVSDEM.

Quam Diuæ Solacer castæ, quam Callidus artes
Duri Maiortis sæuo agitare mari.
Hostibus hic postquam victis & classe subacta
Fœmineum intactum iussit abire chorum.
Contugis occisori, inquit, diffise meorum
Virtutique meæ haud viuere dignus obi.

MARTINVS ZACHARIAS.

NOn tam copiarum, quam rerum gestarum magnitudine egregiorum hominū gloria metienda est: Quin etiam haud scio, an exigua manu magna facinora patrasse, maius virtutis robur maioremque animi indolem declaret. Vt nonnullorum Ciuum nostrorū nomina merito præconio prætereunda non fuerint, quos interrupta temporum serie ita elogijs continuādos duximus, vt rei gestæ similitudine, parique rei gerendæ ratione coniuncti sunt, omnes expugnatarum urbium gloria, quæ numerari haud in postremis debet, clari. Hi fuerunt Martinus Zacharias, Philippus Auria, Thomas Murchius, Raphael Adornius, Otho bonus Iustinianus, Petrus Spinula singuli singulis elogijs orandi, eadem singulis accommodata præfatione. Primus ordine, vt tempore erit Martinus Zacharias, quæ gens nobilis in primis ac præpotens fuit, nunc extincta prorsus est. Is classe Veneta & Pontificia suæ adiūcta Smirnam inferiorem, quæ a Barbaris Mahumetanæ sectæ tenebatur, cepit, ac Christianæ religioni restituit.

PHILIPPVS AVRIA.

Philippi vero Auriæ gloria duabus Urbibus expugnatis ea fuit, quam splendor maximarum illarū victoriarum a tot ipsius maioribus partarū haudquaquam

quam obscurer. Nam cum Venetorū classis quinque & triginta triremium, quatuordecim Genuenses triremes, quarum Præfectus fuit Nicolaus Magneres, quæ gens nunc Fræca est, improviso deprehensas profligasset, decem nauibus captis, Philippus Auria cū nouem triremibus a Simone Vignosio Chij Prætore missus, qui iniurias vlcisceretur, acceptaque detrimenta hosti redderet, Insulam Eubocam tenuit. quā populationibus & incendijs peruastauit; ipsamque urbē Chalcidē expugnauit, ac diripuit, pretiosisq. captæ urbis spolijs onustus Chium cum tribus & viginti patritij ordinis Ciuibus Venetis captiuis reuersus, captæ urbis clauēs ad memoriā parti decoris supra portas Chij suspendit. quæ ad nostra vsque tempora cōspiciuntur. Idem Philippus quinquennio post quindecim triremium Præfectus Genua missus claram urbem Tripolim in Libiæ ora cepit, ingensque auri pōdus ex spolijs redactum, magnamque captiuorū vim Genuam adduxit.

THOMAS MURCHIVS.

AT Thomas Murchius decem triremium Præfectus Insulam Melitam perdomuit, excēssioneq; in Siciliam facta Mazariam urbem cepit. Quæ vrbes & si a Genuensibus retentæ non sunt, memoria tamē egregiorum facinorum clariq. viri Murchij a nobis retinenda est.

RAPHAEL ADORNIUS.

Pari rei gestæ gloria superiores subsequitur Raphael Adornius . qui ad perpetuum clarissimæ gentis suæ Ciuium rerum decus bellicam quoque laudem adiunxit . Cum igitur fama esset, Regem Tuneti Ciuitatis nostræ hostem classem cōparare, qua Genuensem nationem & Ligusticam oram uexaret, Genuenses duodecim triremes repente armarūt . quibus præfectus est Raphael . qui quinque Pisanorum, & tribus Manfredi Claramontij Regni Siculi Halmirotis triremibus sibi adiunctis oram Libiæ tenuit ; Gerborūque insula expugnata & subacta, docuit, eas esse Genuensis Ciuitatis facultates, eam Genuensium hominum virtutem, quæ non ad sua tantum tuenda, neq; ad bellum tantummodo sustinendum & propulsandum, sed ad inferendum quoque valeat ; ac quæ detrimenta quasque clades verbis feroces homines temere comminentur, ad eas in illos ipsos vertendas . Quā insulam tam longe dissitam cum in tātis Ciuium discordiarum occupationibus minus commodè tueri posset, Manfredo ingenti auri pondere accepto ex propinquo commodius defendendam ac possidendam tradidit.

OTHO-

OTHOBONVS IVSTINIANVS.

OThobonus vero Iustinianus, qui primus suę gē-
tis in elogijs nostris locū obtinebit, quindecim
triremium Præfectus Urbis Albinum milium, quæ a Ge-
nuensibus defecerat, contumaciq. pertinacia in pra-
uo iucepto perseverabat, Dominici & Bartholemei
Auriarum terrestrium copiarum Ducem nō expecta-
to aduentu omnibus viribus adortus expugnauit:
Idemque oppidum & portum Telamonem egregie
defensum acerrima & cōtinenti duorum dierum op-
pugnatione tandem cepit.

PETRVS SPINULA.

Hoc quoque expugnatarum urbium decus nobi-
lissimę gentis suę stemmatibus addidit Petrus
Spinula viginti quatuor nauium Præfectus. quarum
decem longæ ac triremes fuerunt; reliquę corbitæ in-
gentis magnitudinis, Corcyra diu oppugnata, subur-
bijsque captis & incensis, ac Naxo & Andro in Ae-
geo captis, & Genuensi imperio adiunctis. quarū vr-
bium possessio etsi brevis fuit discordijs Civilibus
Genuenses ab exterarum rerū cura auocantibus, me-
ritorum tamen & rei gestę memoria debet esse diu-
turna.

HOR-

HORTENSII TORCELLINIO

Iustinianus, Murechius, Zacharias
 Adornus, Auria, Spinula insignes Duces
 Cepere bello singuli vrbes singulas,
 Ac spolia tectis intulerant patrijs.
 Nepotibus monumenta auitæ gloriæ,
 Si se nepotes præbeant dignos auis.

SIMON BYCCANIGRA

Aud facile nobilius fratrum par inueneris Simo-
 ne & Aegidio Buccanigris, quorum ille domi,
 hic militiæ clarissimus fuit. Sed Simonis amplum qui
 dem ceterū incertæ existimationis est nomen peracri
 simulque turbulento ingenio viri. Nam quatuor no-
 bilissimas familias Spinulam, Auriam, Grimaldā, Flis-
 cam inueterato dominatu deieccisse, illorumque po-
 tentiam & summam dignitatem tot opibus subnixā,
 tantisque radicibus hærentem fregisse, atque insignē
 Ducatus honorem in Patriam induxisse; popularem
 que & communem Reipublicæ formā, cuius omnes
 participes essent, instituisse; cum quatuor familiæ om-
 nia superioribus temporibus ad se attraxissent; memo-
 rabile in primis facinus fuit. Ad hæc tantam dimica-
 tionem non expauisse virum, cui exiguæ opes, nullæ
 clientelæ, nulla maiorum potentia, nullusq; magno-
 pere familiæ splendor animos faceret, sed omnia apud
 illu-

illum tenuia essent; susceptamque contentionē vsq;
ad finem vitæ sustinuisse, ac variis iactatum casibus,
& Principatu expulsū nihil aduersis rebus infracto
animo fuisse, Principatumque recuperasse, atque ini-
micis inuitis in eo extremum vitæ diem plenum glo-
riæ clausisse, hæc omnia viuidi ingenij, inuictique ani-
mi opera fuerunt; æque res Simonī non bene gestæ,
verum, quod longe præclarius est, seruata Reipubli-
cæ, ac liberatę Patrię clarissimum & haud dubium te-
stimonium darent, ni tantorum meritorum gratiam
nonnulla ambitionis occupatque Regni labes per
speciem tollendarum factionum a nobilitate inducta
ruin, ac communis libertatis asserendæ & constituen-
dę aspergeret, neque minus insequētium Ducū tem-
pora, quam superiora turbulenta fuissent. quamuis
factiones Ducibus regnantibus non tam internecino
odio exercitę sint. Ceterum ingētis facinoris memo-
riam, quæ anniuersario sacro ac dono aurei Aulę de-
creto publico ornata est, quod sacrū perpetuo & nū-
quam interrupto tenore usurpatum ad nostra vsque
tempora perductum vidimus, in nostris elogijs locū
habere, a nemine iniquo animo ferendum est.

AEGIDIVS BVCCANIGRA.

AT Aegidij fratris fama integra est, bellicæq; lau-
des nulla turpi nota deformantur. qui subsidio
Hispanię Regis laborātis cum preualida classe missus
ita Maurorum opes fregit, iisque illos affecit cladi-
bus

bus, atque eas res gessit, quarum magnitudinem Rex insigni Halmisotis titulo & peramplę Ditionis dono remunerandam duxit. Quam ditionem ad nostra usque tempora illius posteri in Hispania possident gentile Buccanigrarum nomen retinentes, interque Hispaniæ Principes numerati nobili titulo Comitatus Palmæ insignes.

IO. BAPTISTAE FONTEII PRIMIONIS

En Buccanigra fratres a stirpe profecti.

Libera quos semper patria terra colat.

Nobilium Simon qui claustra superba refregit,

Constititens populi feruidus imperium.

Et qui nauali uicis certamine Mauros

Aegidius Regnis additus Hesperijs

Vixit uterque decus Ligurum, uestrumque minores

Exemplum uili tollere pergat humo.

FRANCISCVS CATALVSIVS.

Non modo Patrię, sed exteris quoque maximis Principibus Genuensum virtutem vsui & decori fuisse Franciscus Catalusius inter ceteros clarissimū exemplum est. quippe qui propter eximiam virtutē & fortitudinem, maximum auctoritatis, & potētiae locum apud Gręcum Cæsarem obtinuerit, maritumis rebus cum summo imperio Præfectus: Cuiusq. præter ceteram Cæsari multis locis nauatam operam, cōsilio, virtute.

virtute, cura, vigilantia Cantacufeni conatus ingentibus ac periculosis iniurijs res nouatis sint comprehensi. Quod egregium promeritum amplissimo premio remunerans Cæsar Francisci memoriam ac gentis Catalusiæ nomen opulentæ ac celebris nominis insulæ Lesbi, vrbisque Mytilenes ditione nobilitauit, sorore illi in matrimonium data.

RAINALDI CORSI.

Me clara Cæsar donat Lesbos ac Mytilene,

Cæsar, qui Graio præsidet Imperio.

Quo Ligurum terra ac pelago notissima virtus

Præcipuo fiat munere nota magis.

AVRIETA AVRIA.

Non in viris modo, sed in sceminis quoque insita Auria genti bellica virtus illustri documēto eluxit. Nam cū Amurathis Turcarū Regis ingens classis insulā Lesbū veterū scriptis celebratissimā petijssset, copijsq. expositis oppidū arcta obsidiōe præmeret; refque in angustū adductæ essent, atq; oppidani diuturnā obsidiōe, crebrisq. oppugnationibus fessi, non cō meatibus modo & ceteris belli apparatib⁹, sed viribus quoq; ipsos deficientibus deditionē spectarēt, Aurietā Auria Catalusio viro insulæ & vrbis domino absente armata in publicum profiliit, hominesque hortata, ne animum desponderent, neue sese, liberos, cōiuges

O in

in teterrimam Barbarorum seruitutem proderent, se
que ipsa Principem in praeliis professa, cum acres sti-
mulos uirorum animis hac adhortatione & exemplo
audaciæ admouisset, illi ignauis deditiōis cōsilijs abie-
ctis foeminam Ducē secuti, subita eruptione facta tan-
to impetu se se in Turcas intulerūt, vt illos ipso incur-
su fuderint; ingentemque illorum ediderint cædem.
Qua clade Turcæ perculsi soluta obsidione trepida fu-
ga se se in naues receperunt, liberamque insulam re-
liquerunt.

RAINALDI CORSI.

Iniecere facies animo pietasque fidesque,

Atque amor ingenui cura pudica tori.

Quæis crinem galea exornans virgo Auræ seruas

Absenti ciues, mœnia, teque viro.

Segnius haud studio Patriæ nunc ardet Vbertus,

Qui tua ne pereat gloria, totus agit.

ANTONIVS GRIMALDVVS.

SEcundæ aduersæque res luctum quidem & gaudiū
miscere solent, at famam variare clarorum viro-
rum nequaquam debent. nihil igitur posterior infelix ex-
pedi- tio de Antonij Grimaldi laude in priore expedi-
tione parta detrahere debet, sed potius posterioris ad-
uersi euentus sensus a priore gloria obrui. Idē igitur
quod

quod non Patria modo, sed egregij ipsi conatus atq; ausus, nos quoque laudibus nostris virtutis & fortitudinis Antonio Grimaldo testimonium debemus dare. qui in prima expeditione firmissimè quinq; & quadraginta triremium classis Præfectus excensione in terram facta maiorem Balearicam & Cataloniã magnis cladibus affecit; Regibusq. Aragonio & Balearico bellum indixit. Qui vt ferociam Grimaldi retunderent, classem duarum & quadraginta triremiũ, ad hoc magni numeri longarum nauium varij generis contra illum miserunt. At Grimaldus e portu minoris Balearicæ, in quem se illum inclusuros, & obsessuros hostes sperant, impigre egressus tãto impetu illos inuasit, vt hostes audacia territi; simulque impressionem non sustinentes se se in turpem & præcipitem fugam cõiecerint. Grimaldusque eximium decus Regiarũ classium fugatarum unaque ingentem prædam in Patriã rettulit. Spectatæ Antonij virtuti vno & vigesimo post anno Patria sexaginta triremium classem commisit. qui cum Veneti & Catalani foederati classem octoginta triremium coniũxissent, non timuit fiducia virtutis & superiore felici rerum successu elatus prælium cū classe numero tanto superiore cõmittere. in quo diu sustinendo quamquam omnia, quæ imperatorij muneris fuerunt, abunde præstitit, is tamen pugne exitus fuit, vt ingenti clade accepta documento posteris fuerit, vt ingenti clade accepta documento posteris fuerit, atque hostem quamuis sæpe victum & fugatum con-

temnere debere, vt non incerta humanorum casuum, & fortunæ vicissitudinem secum reputet.

LANFRANCVS VSVSMARIVS.

IN rebus quidem gerendis magnā proculdubio partem fortunam obtinere veteres putarunt. quam nisi comitem habeat virtus perraro egregia consilia ad effectum perducantur. At in claris viris laudandis nullus esse debet fortunæ locus. Omnia enim virtus occupat. quorum igitur virtus, excelluit, eorum memoria nullo modo extingui debet, quāuis nullum illis campum dederit fortuna, in quo excurrere posset virtus. Quis igitur Lanfrancum Vsfumarium inter memorabiles Ligures immerito locatum dicat, aut quis consilium nostrum reprehendendum ducat, quod ad amplissimā de illo a Patria facta iudicia nos quoque præconij nostri testimonium accommodauerimus? quæ nisi spectatæ Lanfranci fidei, virtuti, audaciæ, consilio tantam sui partē, tantasque suas vires, quibus amissis haud facile alias esset recuperatura, nūquā cōmisisset. Atque ego funestæ rei abominandam mentionem libenter omissem, ne vulneribus Patriæ obductam cicatricem attrectādo refricarem, ni'ne in clari viri famā eiusque posteritatem iniuriosus fuisse existimarer, virtus essem. Cum igitur partium furor eo vesanię processisset, vt præpotentis Genuensis populi vires in se conuerteret mutuis secladibus ipsę cōficerent, Guelphis Genue rerum potentibus, ac dimidia ciuitatis parte vrbe

be extorre. Friderici secundi perpetui Genuensis nominis hostis Classis Gibellinorum Genuensium classe sibi adiuncta Ligustica littora incēdijs, excursionibus, rapinis continenter infesta faceret, Lanfrancus Guel forum Præfectus quamquam numero nauium par, genere tamen longe inferior, octo enim & sexaginta triremium classis Friderici fuit, cum in Genuēsi classe totidem quidem uumero, uerum minoris formæ multa essent nauigia, hostili classi obuius factus certamē nō detrectauit. quod hostis committere ausus non est. Ut non vulgatæ virtutis specimen censendum sit, imparē viribus, conditione parem discessisse.

LVCIANVS AVRIA.

LVciani Auriæ nomē eo clarius est, quo minoribus copijs ingentem ac cuius æquandam victoriam peperit. Duarum enim & viginti triremium Præfectus cum totidem Venetis quamuis bellatorū numero aucto firmatis congressus longo & cruento prælio, in quo ipse fortiter pugnans cecidit, illos vicit, quindecim nauibus ac duobus millibus & quadrigētis hominibus captis, cum circumstantes primores in eius locū alium iisdem armis & insignibus subornassent, ne pugnantes, si sensus Ducis interfecti ad illos peruenisset, cuius virtute maxime confidebant, animis caderent. Res bellicas æquarunt & ornarunt eximia humanitas & liberalitas, singularisque Ciuium suorum charitas.

quippe

quippe qui militum inopiam argēto, suppellectili atque omnibus suis vēditis sepe subleuarit, ac militi cui dam ad gēua procumbenti, seque fame deficere clāmani fibulam argenteā a cingulo præcisam, cum nihil reliquum esset, donarit. Vt Luciani mortui, qui cū anima rem quoque familiarem Reipublicę donasset, liberis de publico subueniendū fuerit. Iure igitur Geniueses partæ victoriæ, ac clari viri memoriā sacro anniuersario, atque aurei Aulę dono ad posteritatē contestatam esse voluerunt :

IO. BAPTISTAE FONTEII PRIMIONIS

Lucianus Venetum quadriremes Auria quondam

Idem æque turpem vicit auaritiam.

Nec bello ipse Ducem quam maluit esse parentem,

Se sua concedens omnia militibus.

Cedite Fratribus, Romani cedite, si quos

Sumptus in extremo funere destituit.

Nam stipe collata sobolem Respublica egentem

Luciani fouit grata memorque sui.

PETRVS AVRIA.

INsigne in vtramque partem Petrus Auria posteris documentum fuit, nemini suę gentis rerum gestarū magnitudine secundus futurus, si ad bellicam virtutē moderationis quoque, atque animi fortunæ vicissitudinum,

dinum, humanorumque casuum memoris laudem adiūxisset, ac ni gloriam bello partam superbia & arrogātia deformasset. quam turpitudinē auget Luciani gentilis sui proxima cōparatio, cui ille in imperio successit. Quid enim gloriosius fuisset, quam Clodia vi expugnata, sex hostium millibus acriter urbem defenditibus cæsis, opulentissimam urbem Venetias, rerumque gestarum atque imperij magnitudine inter ceteras Europæ clarissimam veluti faucibus oppressam ad necessitatem pacis petēdæ, legesque a victore accipiendi supplicem adegisse? ni animus secundo rerum cursu elatus, fortunæque insolentia ultra omnes officij fines prouectus eas condiciones tulisset, quas pudeat referre. Quæ conditiones legatione renuntiata adeo iram & indignationem Venetorum accenderunt, ut in rabie versi, omniq. pacis cogitatione deposita sese ad omnia vltima experienda compararint. quo factum est, ut præclaris initijs ea, quæ consecuta sunt, minime responderint, nomenque Petri, qui maximo bello fortasse confecto plenus gloriæ in Patriam redire potuerit, paulatim consenuerit, tantarumque rerum felicissima initia tractu in dies duriora, exitu irrita fuerint.

THOMAE CORREAE.

*Sapit fauente sorte qui modum tenet,
Nec fidit auris prosperis sibi imperans,
Licet secunda suppetant. Quid aureus*

Aceruus

Aceruus, & quid ampla Regna te iuuant,
 Et quid trophæa parta, nulla si ex tuo
 Honore gloria extat? Exempla inspicere
 Mutationis, umbra, imago, somnium
 Humana gens, Deæque instabilis locus.
 Sors nulla libera omnibus molestijs
 Amandus exitus tamen, nil pulchrius,
 Quam in omnibus modum tenere statibus.

GASPAR SPINULA.

Venetorū bella seges victoriarū ac gloriæ Genuen-
 sibus fuerunt, vt sæpe de illis mentio facienda nō
 bis sit. nihil enim rerum Clodianarū successu Genuē-
 ses animis infracti Gasparem Spinulam, quem nō mo-
 do nobilissimæ ac præpotētis familiæ splendor, sed spe-
 ctata etiam virtus conspectum faciebat, Adriæ succes-
 forem cum præualida triginta triremium classe mise-
 runt. qui Hadriaticum sinum ingressus Matthæo Mar-
 ruffo, qui cū parte classis præmissus egregias ipse quo-
 que res gesserat, sibi adiuncto ad intimum sinū pene-
 traui, in ipsoq. Veneti portus ostio classe explicata
 & in pugnam directa copiam pugnādi hostibus fecit,
 Venetisque certameu detrectantibus tota ditionis Ve-
 netæ ora peruagatus, copiisque sæpe in terram exposi-
 tis complures Venetorum clari nominis vrbes expu-
 gnauit ac diripuit. in quibus fuerunt Iustinopolis; &
 Pola; Tergestum quoque ad deditionis necessitatem
 adactum,

adaetum, ac Patriarchæ Aquilegiensi donatum. Gen-
nuamque reuersus ingenti parta gloria, ac præda onu-
stus nō tam rerum pretio, quam religionis veneratio-
ne conspicienda compluribus Diuorum reliquijs e ca-
ptis vrbibus aduectis. quæ in Aedes sacras adseruan-
dę distributæ sunt.

IO. HIERONYMI CATENAE.

*Afflictis studuit rebus succurrere Cas̃sar,
Deletasque acies, & merfas littore puppes
Instaurat, Venetosque ciet, segnesque fatigat.
At postquam bello non commouet, oppida cepit,
Hadriacumque sinum uexans, hostilia signa
Rettulit, et prædas, egitque ex hoste triumphum.*

MEGOLVS LERCARIVS.

Qui priuatæ sortis homines iniurias suas occultis
consilijs & coniurationibus in maximos Princi-
pes vel vlti sint, vel vlcisci infelici ausu tentarint, non-
nulli omnibus ætatibus inuenti sunt. At Megolus Ler-
carius Ciuis Genuësis nobili & peruetusto genere or-
tus nouo atque haud scio, an vnico incredibilis auda-
ciæ & fortitudinis edito facinore virtutem priuatorū
hominum ipsis etiā Regibus & summis Principibus
alia quoque de caussa verendam & formidolosam fe-
cit. quippe quos docuerit aperta quoque vi, armisq.
P vltro

vlro inferendis iniuriarum & contemptus sui interdū vindices esse. Is enim inter Aulicos Cæsaris Trapezūtij cū esset, Lusuque, vt fit, pomeridianas horas traduceret, in altercatione & iurgio ab homine, qui magnū gratiæ locum apud Cæsarem obtinebat, colapho cæsus, cum iniuria sua a Cæsare neglecta esset, omnē iracundię & generosæ indignationis impetum humilitate auctoris sprete in ipsum Cæsarem contulit: Genuā enim Patriam cum venisset, animi moestitiam squalore atq; habitu corporis præferēs, iniuria amicis & propinquis exposita, illorū opibus adiutus, duas triremes comparauit & instruxit. Cum quibus egregia florentis ætatis bellatorum omnisque naualis instrumenti & bellici apparatus copia refertis tanta maris emēsus spatia Euxinum ingressus, non populationibus modo, incendijs, vastationibus omnem Cæsarianæ ditionis oram breui infestam fecit, sed vim implacabilis animi memoriamque & iram alte insidentis iniuriæ voluentis in miseros a se captos fœdo supplicij genere expromebat. quos naribus & auribus defectis dimittebat, vt videlicet contumeliam in ore acceptam illa oris deformitate reddenda vlcisci videretur. Quibus acerbitatibus impulsus tandem Cæsar quatuor triremes in illum armauit. quās Megolus, cum aperta vi imparem se intelligeret, astu sollertique consilio elusas vicit. Simulata enim fuga cū Cæsarianæ omnibus remigij viribus connixæ fugientes insequerentur, disparique celeritate aliæ alias anteirent, Megolus respiciens cū astū sibi

sibi processisse, pugnaq. illorum segregata imbecilliores fore illos cerneret, in duas proximas conuersus reliquis longo interuallo sequētibz, easque adortus ipso impetu & incurſu oppressas cepit. quo exemplo reliquæ perterrefactæ fuga salutem expediuerunt. At Megolus triremibus suppressis vſitata deformadi oris exempla in captos edidit. quos dimittēs nuntiare Cæsari iussit, vnam illi tantummodo esse, se se ac populos suos a tantis cladibus eximendi rationem, si cum, qui ipsum iniuria affecisset, sibi in manus daret. aliter sibi de iniuria satisfieri non posse. Quod cum Cæsar malis & populorum fremitu victus fecisset, Megolus hominem ad se adductum calce prius in consensu triremis in ore percussum ad genua in humiles fletus projectum, ac mortem quidem tam audacis superbiæ & arrogantiae facinori debitam fatentem, sed tormenta & cruciatus deprecantē benigne allocutus bono animo esse iussit, cum addidisset egregiorum ac fortium virorum moris non esse, in mulieres sæuire. quod anceps dictum in muliebres hominis fletus in speciē iam factum famam gratiæ apud Cæsarem flore ætatis collectæ oblique perstringebat. Ceterū cum sibi affatim satisfactum esse diceret, vnam reliquā esse addidit erga Genuensē nomen satisfactionem, cui non minor quā ipsi facta esset iniuria, si Cæsar Trapezunte Aedes publicas negotiatoribus Genuensibus ædificasset egregij facinoris serie in parietibus pictura expressa, ad documentum sanciendum, ne quis in posterum illius na-

nationis homines iniurijs cuiusquam obnoxios duce-
ret . quas Aedes Cæsar ex pacto ædificatas homine re-
cepto Genuensium nationi domicilium assignauit .
Tantam in dolem, tamque admirabilem animi magni-
tudinem quamquam alio in genere ætate nostra Fran-
cus Lercarius rettulit . nullum est enim magnificentiae
specimen, quod Regia illius liberalitas copiose nō præ-
buerit, egentium inopia leuanda, afflicta amicorū for-
tuna sustentanda, omnium, qui in eius opē confugiūt,
angustijs subleuandis, præclaris artibus amplectendis
& fouendis, litteratis & ingeniosis viris domi alendis,
atque honorifice tractandis, Patriæ, cum tempora Rei
publicæ postulant, large subueniendo, immanibus in-
finitique sumptis cum priuatorum tum publicorum
& sacrorum ædificiorum substructionibus urbem or-
nando. quæ res gloriam quidem viri, non autem ani-
mos supra ceteros extollunt, nullosque illi spiritus fa-
ciunt . quin contra ab omni fastu ita abhorrens est, vt
cum opibus, quas amplissimas possidet, ditiones ho-
norumq. insignes titulos vltro delatos sibi posset pa-
rare, illos repudiarit. Vt cū fortunæ amplitudine sin-
gularis animi moderatio raro admodū exemplo con-
iuncta appareat.

RAINALDI CORSI.

*Sensisti Cæsar miseratum publica damna,
Non mea me, Patriæ nascor et intereo.*

ACTIOLINI LERCARII.

Iam fileat memoranda Ducum miracula fama

Quot Patriæ generisque extera quotque canit,

Fando unquam? Immanes populos, longe auia terris

Imperia vni homini Marte suo domitat

Tantum instar Ligurum, quantunque arma inclyta bellis,

Iusta ira, & virtus conscia, gentis bonos.

MATTHAEVSMARRVFFVS.

CVm egregiæ res, quas haud contemnendarū classium Præfectus Matthæus Marruffus gessit, illius nomen ab obliuione hominum vindicant, tum vero singularis iustitiæ & continentię gloria in claro viro præfulget. Nam quod ad bellicas res attinet, vt complura alia egregia facinora omittatur, quæ Annales diligenter persequuntur, duo illa memorabilia fuerunt, quod nouem & viginti triremiū Præfectus, tum cū rebus ad iniqua inclinatis Veneti Genuenses in vrbe Clodia obsidebant, in ostio portus Veneti bis classe in pugnam directā hostem ad certamen prouocauit. & rogati virtutes ita enituerūt, vt nō modo ipsum admirabile facerēt, sed in alios quoque redundarēt. quippe qui populos, quos Prætor a Genuensib⁹ missus rexit, in suos mores formaret. quare fiebat, vt vrbes illi cōmissę nō iā vrbes, sed oīs sanctitatis domicilia viderētur; hominesque

nesque ab alieno nō modo rapiendo, & furto subtrahendo manus & cupiditatem abstinere, sed pretiosæ res noctu inter pedes forte oblatae a nemine prætereuntium attingerentur; dominique luce orta dimissas res in publico inuenirent. quæ gloria rem vere existimantibus bellicis laudibus tanto clarior existimanda est, quanto rarior semper fuit:

ALPHONSI SALNESII.

Draco, Zaleucus, Solon, & Licurgus

Legis auctores sacra condidere

Iura, quæ grandes populos & urbes

Pace ligarent.

Fecit at nullus quod agit Maruffus,

Nempe dum terras Genuæ gubernat,

Victor & iustus fuit ille Iudex

Tempore in omni.

Nocte si forsitan cecidere Gazæ,

Si vel incaute cadit æs, vel aurum,

Nocte si reddit, reperit viator

Iudice tali.

Virtus est ingens, animique robur,

Lege non solum fugat ille prauos

Moribus verum studiisque Sanctis

Atque quiete.

ISNARDVS GVARCVS.

INter tot nauales victorias, totque viros maritimarum rerum fama insignes Isnardi Guarchi nomē in primis fulget. qui Genuensem virtutem terrestriū quoque rerum gloria claram fecit. quippe qui pedestres & equestres copias & genere firmissimas, neque numero contemnendas a Barnaba Vicecomite Mediolanē sium Principe Venetorum instinctu ad Genuam preme-
ndam missas atroci & cruēto prælio fuderit ac de-
lerit, maxima parte obruncata, reliquis in fugam con-
iectis, in quibus fuit Veteranorum legio stellæ cogno-
mine insignis Italiæ prægrauis ac formidolosa. nulli-
us enim Principis stipendijs addicta assiduus excursio-
nibus & populatiōibus multas eius Prouincię partes
infestas faciebat. Vt huius victorię fructus non modo
ad Genuenses, sed ad quamplurimas Italiæ Ciuitates
magna cum illarum lætitia peruenerit. quā pleræque
illarum litteris & nuncijs testificatæ sunt; gratiasq. Ge-
nuensibus egerunt, quod illorum virtute & fortitudi-
ne a tanta molestia essent liberatæ. Genuēs quidem
hanc victoriam in magnis numerant. quam anniuersario
facto in Aede Diui Georgij & Aulæ aurei do-
no, qui honos non nisi maximis victorijs haberi so-
let, immortalitati commendādā censuerunt. Ac ne
nauali quidem gloria Isnardus caret. qui vnus & tri-
ginta triremium Præfectus Zenum Venetæ classis Præ-
fectum

fectum Liguriæ oram excursionibus & populationibus infestam facientem fugauit.

RAINALDI CORSI.

Quæ sibi Sydereum cælo deducere nomen
 Ausa fuit Legio terris infesta Latinis,
 Iniurata, atrox, non Regis signa secuta,
 Non Ducis, hanc Ligurum sedes & Regna petentem
 Insidiarum agminibus coniunctam, & grandia de se
 Professam Venetis Isnardus cædit & urget,
 Obscuro tradens multis cum millibus orco.
 Vndantem excipiunt hostili sanguine ciues,
 Italia armorum plausu gratatur, ouatque
 Maiorum votis damnatur sera iuuentus.

LUCAS FLISCUS.

Ad togæ splendorem, quo nobilissima gens Flisca
 ceteras Genuenses longe anteiuit, bellicas quoque
 laudes inter ceteros addidit Lucas Fliscus. Qui
 Florentinarum copiarum Dux urbem Pisas maximis
 rebus gestis, clarissimisq. victorijs, ad hoc late propa-
 gato imperio nobilissimam diuturna obsidione pres-
 sam, ad extremamque omnium rerum inopiam addu-
 ctam ad deditiois necessitatem adegit.

SIGISMVNDI DONATI.

*Cum Pisana sibi victricia signa videret
 Inferre arx hostes, talia dicta dedit.
 Cur adeo ex te iactas Florentia, quod me
 Viceris imposito iam tumefacta iugo?
 Non tua me virtus, tua nec presentia vicit,
 Me me Dux vicit, perdomuitque tuus.
 Non tua, non igitur iam sum Florentia, magno
 Debeor at Flisco, qui meus est domitor.*

LAURENTIVS FOLIETA.

Admirabilis fortitudinis inuictiq. animi specimen
 Laurentius Folieta gentilis ac proauus meus in
 mari oceano edidit. Is enim vnus naus Præfectus cū
 in classem septem Anglicarum nauium, quam duce-
 bat Dux Veruichius Regij generis vir incidisset, in qua
 mille & ducentos bellatores fuisse constat, cum Laurē-
 tium non plus duos & septuaginta habuisse incorru-
 ptis annalium monumentis tradatur. Cumque An-
 gli Genuensem nauem circumstetissent, Folieta nihil
 tanta in se incumbēte mole animo infractus, sed suos
 cohortatus, vt aut egregia victoria, aut memorabili
 morte tetram seruitutē morte ipsa duriorem a se de-
 pellerent, atrocissimum prælium multas horas extra-
 xit. Tandem cum Genuenses lassitudine confectos

Q vulne-

vulneribusque exágues, octo ex ipsis interfectis, quin-
 quaginta vulneratis, vires magis quàm anim⁹ deficeret,
 iamque Angli ponte iniecto assensum tentarent, Folie-
 ta, qui in prelio sustinēdo omnes & boni Ducis, & stre-
 nui militis partes impleffet, tum quòq; in extrema spe
 se ipse non deferens, omniaque circumspectans vnum
 ex socijs, cuius virtus in primis conspecta fuerat, gra-
 ui vulnere in iugulo accepto pugna excessisse conspi-
 catus. Ita ne vero, inquit, macte virtute. nunc cū ma-
 xime audacia & opera tua opus est, in medio pugnae
 ardore nos ac te ipse deseris? Vulnusque hominis illo
 innuente, cum prēvi effluentis sanguinis loqui nō pos-
 set, linamentis, vtrumque potuit, clausit. Ille vero se-
 curi arrepta asserem, quo pons innitebatur, magna vi
 praegidit; ponsque corruens haud exiguum superstan-
 tium hostium numerum vna secum traxit. qui omnes
 vndis hausti sunt. Cuius spectaculi stupore Angli defi-
 xi cum animis obtorpuissent, nullum operæ pretium
 rati, homines, quorū nullo aut labore corpus fatigari,
 aut terrore animus vinci posset, ipsaque desperatione
 in rabiem versos vltius tentare, pugna dirempta Ge-
 nuensem nauem liberam reliquerunt.

IO. BAPTISTAE FONTEII PRIMIONIS.

Cocles ut Hetruscos arceret Horatius Hostes

Se se confraeto ponte dedit flumini.

Ausus in aduersas septem certare trirēmes

Exigua

*Exigua Laurens tu Folieta rate,
 Deicis inciso confertos ponte Britanos,
 Gurgite quos ingens obruit oceanus.
 Ergo illum ciues, hoc tu felicitior uno
 Historicus celebrat quem Folieta nepos.*

IOANNES FVLGOSIVS.

TRes uirtutibus simul & meritis memorabiles fra-
 tres eadem gens Fulgosia tulit. Quorū Thomas,
 qui maximus natus fuit, Principatum Patrię adeptus
 Rempublicam tanta cum prudentiæ, moderationis,
 æquitatis laude administrauit, singularemque suam in
 Patriam charitatem tot tamque egregijs documentis
 declarauit, ut eius nomen in sempiterna beneuolentia
 & ueneratione Genuensibus esse debeat. At Ioannes
 clarissimum incredibilis, atque haud scio, an ulli sæcu-
 lorum ac gentium memorię comparabilis audacię, si-
 mulq. militaris astus specimen edidit, ut facinus in om-
 nes partes nobile, nec conatu magis quam effectu ad-
 mirabile nulla umquā posteritatis obscuratura sit obli-
 uio. Nam cum Alphōsus Aragoniæ Rex Inclytus Bo-
 nifacium Corsicę urbem natura loci inexpugnabile,
 præaltę enim atque vndiq. abscessę rupi imposita ma-
 xima ex parte mari in peninsulę modū circumluitur,
 ingentibus naualibus ac terrestribus copijs circumle-
 disset; oppidanique omnia extrema perpassi ad sum-
 mamque omnium rerum inopiam adducti deditionē

paſſi eſſent, ni intra certam diem ſubſidium Genuenſium veniſſet; Alphonſusq. proinde, vt aditū portus, quę vnaerat ſubſidij introducendi via, Genuēſibus intercluderet, cathena inter utrūque cornu ducta, eaq. trabibus & funibus religata ac firmata oſtium portus centum qninquaginta paſſus circiter patens, cum portus mille paſſus introrſus ſit retractus, clauſiſſet; claſſemque præpotentem trium & viginti triremiū ac tredecim corbitarum nauium opportunis locis collocaſet, in quibus vna fuit ea magnitudine, quę terreſtris arcis inſtar eſſet; magnamque bombardarum vim in vtroque portus cornu diſpoſuiſſet, vt neminem fanū eo acceſſurum, ac munitionē in expugnabilem tentare auſurum crederet, Ioannes ne fideliffima colonia, cuius tantę eſſent rebus Genuēſibus opportunitates, in manus hoſtium veniret, animam pro Patria, cuius dignitas & ſalus ea in vrbe cōſeruanda haud in poſtremis verteretur, profundere non dubitauit; ſeptemque onerarijs nauibus omni bellico apparatu inſtructis a Thoma fratre Duce acceptis, in quas ingēs fortiffimorum bellatorum numerus conſcendit, qui ſeſe eadem deuotione Patrię obſtrinxerunt, e Genuę portu ſoluens in coſpectum hoſtium venit; nihilq. horribili ſpecie munimentorum deterritus opportunum conatibus ventum naſtus cum munitionem inuaſiſſet trabibus ac funibus, quibus cathena deligata ac firmata erat, ipſo impetu perſractis, cathenaque diſiecta prælium cum nauibus oppoſitis commiſit, anguſtijs oſtij

Genuenſes

Genuenses adiuuantibus, ne a multitudine circumueniretur. quod atrox & diuturnum fuit ab hora tertia ad vespertinam extractum, cum assiduus bombardarum ictibus Genuensis classis peteretur. aduersus quæ omnia Ioannis & Genuensium inuicta virtus stetit. Tandem cum audacia astu & consilio iuuanda esset, Andreas quidam celebris inter Genuenses nominis virator, qui quod sub vndis magnum temporis spatium illatus duraret, mergus vulgo appellabatur, Ioannis iussu ad prægradem nauem vndis occultatus adnatauit. qui cum funes, quibus anchoræ alligatæ erant, præcidisset, nausque proinde nullis adminiculis firmata pro ra conuersa in hanc & in illam partem ferretur, sæpeque in Aragonenses ipsas naues incurreret, Ioannes occasionem arripies per mediam hostium classem, partim illis stupore audaciæ defixis, partim naui iactata omnia turbante, ac ministeria nautarum & bellatorum impediende perripuit; & ad intimum sinum vrbsque crepidinem incolumis penetrauit; ac subsidium hominum, & bellicorum apparatus, omnisque generis comitum in urbem introduxit. Nec minoris virtutis minorisue consilij aut gloriæ reditus, quàm accessus fuit, nec minore astu Aragonenses sunt elusi. Qui cum bipartitam classem utrique sinus lateri prætendissent, quo Genuensium classem egressum tentantem mediam acceptam & circumfessam demergerent, Ioannes veterem nauem picis, sulphuris, bituminis, aliarumque rerum ignem facile concipientium plenam præcedere agmen iussit.

iussit. quæ classis Aragonensi cum appropinquasset,
nauæque superstantes materia incensa in scaphâ desili-
sissent, igneque subito concepto cum vehementi flan-
te vento flammæ late iactatæ ad Aragonensiu classem
peruenirent, illi appropinquantis pestis metu trepidi,
pugnæque obliti, qua cuique proximum & expedis-
tum fuit, in terrâ desilientes liberum egressum Genuæ
sibus reliquerunt.

IO. BAPTISTAE FONTEII PRIMIONIS

Inuito ueluti Romano Punicus olim

Arma Syracosio fertque refertque sinu,

Tali Ioannis fulgosi ad litora Cyri

Alphonsum virtus ludit Aragonium.

Ausa tot oppositas paucis penetrare carinas

Regis, & obstructi fauce redire sali.

Inuue, atque aliquas antiquis asserere laudes

Quas minus est ætas postera cauta sequi.

BAPTISTA FVLGOSI VS.

Baptistâ vero ut honoribus ita virtutibus eximium
fuisse putandum est. neque enim nisi spectatæ vir-
tuti alienigenæ præsertim hominis Ludouicus Anda-
gauenſis Apuliæ Rex, idemq; Prouinciæ Comes sum-
mam maritimarum rerum cum insigni Halmirotis ti-
tulo detulisset. quod summi honoris nomen in alijs
Ciuib u

Ciuiibus merito elogio profectui, in Baptista quoque suo præconio ornare debuimus.

IOANNES GRIMALDVS.

CLarorum uirorum virtus non modo publica utili-
tate est amplectenda, sed sua ipsa dignitate suspi-
cienda. nec minus apud posteros in honore esse de-
bent, qui Ciuitatibus suis decori, quam qui v sui fue-
runt. qualis fuit Ioannis Grimaldi spectata virtus. ob
cuius famam ille a Mediolanensium Duce classi Præfe-
ctus cum præualida Venetorum classe & nauium nu-
mero, & pugnantium multitudine, & omnis bellici ap-
paratus copia longe superiore in Pado fluuio ad Cre-
monam urbem cōgressus egregia victoria docuit, Du-
cis virtutem ceteris omnibus rebus preponderare; Ve-
netis ingenti prælio profligatis & fuis; octo & trigin-
ta nauibus, octoque hominum millibus captis.

Ductorum virtus quam sit præstantior omni
Vi armorum clare sæcula prisca docent.
Testis adest Marathon, Salaminaque, Termopilaque,
Quam parua tulerint magna trophæa manu.
Clarius muniti at clasfis perparua Ioannis
Grimaldi captis hostibus enituit.
Qui Insubrum paucas ducens in bella catervas.
Inde domum insignes rettulit exuuias

Testatur

Testatur magnæ turris præcelsa Cremonæ

Tinctus & effuso sanguine utrinque Padus :

RAPHAEL MONTALTVS.

NON minore gloria Raphael Monaltus insulâ atq;
 urbem Chium in primis fructuosam, cōmercijsq;
 opportunam Reipublicæ Genuensî conseruauit, quam
 Simon Vignosius acquisiuit. Atque haud scio an fa-
 ctum Montalti eo sit magis suspiciendum, quo maio-
 ris dimicationis res fuit, ac cum potētiore hoste gesta.
 Nam cum Veneti cū præualida octo & viginti nauium
 classe, quarum tredecim ingentis magnitudinis corbi-
 tæ fuerunt, reliquæ quindecim triremes maioris fere
 omnes formæ, aliam expeditionem in speciem præferē-
 tes Venetijs profecti insulâ improuiso tenuissent, haud
 dubia spe vrbis campestris non flumine, non fossa cin-
 ctæ, neque mœnibus validæ, tum autē nullo præsidio,
 ut in nulla tali suspicione firmatæ, primo aduentu, at-
 que ipso impetu potiundæ; copiisque expositis urbē
 terra marique circumsedissent. Cum Ciues rē subita
 nec opinata trepidi tanto circumfistēte terrore obtor-
 puissent, Raphael, ad quem totius coloniae consensu
 rerū summa delata est, cum dispositis opportunis lo-
 cis præsidij, ceterisque utcumque potuit in tantis rei
 & tēporis angustijs præparatis & expeditis se se ac Ci-
 uium animos ad defensionem atque ad omnia vltima
 experienda confirmasset, cōplures atque atrocissimas
 oppu-

oppugnationes mira virtute & constantia sustinuit, cum Veneti sepe cū magna cæde ac multis vulneribus repulsi essent; atque etiam ex successu crescente audacia crebris eruptionibus vltro petiti, idque eo maiore cum laude, quod non vsitato oppugnationum more moenia tentabantur, sed vrbe pluribus in locis ruina moenium, quæ bombardæ prostrauerant, patefacta, veluti æquo campo concurrebatur. Postremo cū Veneti portu vrbs potiti essent; nauibusque ab ea parte moenibus applicatis maritima quoq; oppugnatione urbem cæpissent vrgerē: malisque nauium altitudinē moenium superantibus ex corribus bellatorum referis ingentem missilium vim funderent, defensoresque locum illum relinquere coacti essent, atque hostes proinde ad moenia defensoribus nudata scalas crexissent, haud dubie in urbem trāscensuri, reliquis Ciuibus imminētis pestis specie oculis atque animis obuersante exanimatis, cuius vitandæ nulla ratio expediretur, Raphael cum se se nō deseruisset, singulari audacia, egregioque consilij atque animi aduersus omnem formidinem inuicti exemplo periculum discussit. A diuersa enim vrbs parte egressus, delectaque fortissimorum iuuenum manu, quam secum rapuit, circumducta, terga scandentium inuasit. quibus partim cæsis, partim in fugam coniectis urbem seruauit. Quare Veneti cū etiam celebris illis tēporibus nōminis Dux Scaramucia Papiensis, dum in operibus paulo incautius versatur, tragula ictus cecidisset, cōnia nequidquam ex-

R perti

perti, fracto aduersis rebus animo obsidione soluta,
irritoque incepto urbem liberam reliquerunt.

ALPHONSI SALNESII.

Qualiter puppim rapidis procellis

Flante naclerus zephyro gubernat,

Prora ne syrtes Libycas subintret

Ore uadoso.

Nonne Montaltus Rappaellus ille

Sic Obium nisis Venetis potenter

Seruat, et longa liberaret urbem

Obsidione:

Possset angustam superare vallem

Tela dum torquet Venetus, sed altum

Montem, et excelsam Rappaellis arcem

Quis superabit?

NICOLAUS FVLGOSIVS.

QVod Fulgosiorum suorum perpetuæ & conte-
statæ gloriæ debuit, abunde reddidisse existi-
mandus est Nicolaus. qui in ipso adolescentiæ flore
Patriæ classis Præfectus Renati Andegauensis auxilio
missus arcem nouam Neapolitanam, quæ ab Arago-
nijs tenebatur, præalta circum fossa ducta, crebrisq. ca-
stellis excitatis veluti circumuallatam arctissima mari
terraque obsidione atq; acerrima oppugnatione assi-
duc

due vrgendo ad deditionis tandem necessitatem ad-
git. Cumulatur artis munitissima, quæque illis tempo-
ribus inexpugnabilis habebatur, expugnata: gloria
e gregijs animi magnitudinis laudib⁹. Nicolaus enim
nihil Alphonfi tanti nominis ac potentia Regis cum
maximis copijs ad obsidionem soluendam aduentan-
tis fama deterritus, se se ad resistendum duplicato ca-
stellorum numero comparuit; in ancipitiq. discrimi-
ne positus hinc ab arce, inde ab exteriori hoste, Re-
gis conatus sæpe munimenta tentantis irritos reddidit.

HORATII BLADII.

Celsam Parthenopes Ductor Fulgosius arcem

Dum quatit: & totis viribus vrget opus:

Pugnantem rex hunc Gradius vidit ab alto:

Vidit, & ardenti est concitus inuidia.

Quis nouus hic, inquit, consurgit ad æthera Mauors:

Quis mihi bellando se putat esse parem?

Dixerat, obseſſæ cum defensoribus arcis,

Ne vinci possent, vimque, animumque dedit.

Nec satis, Alphonsum ualidas ductare cohortes

Inſit, & egregio bella mouere Duci.

At medios inter positus Fulgosius illos

Frangit, & hos celeri cõpit abire fuga.

Protinus erubuit Mauors: cælog. relicto,

Oſcula uictori iunxit amica Duci.

IOANNES IUSTINIANVS.

Quibus virtutibus, quibusq; meritis, ac rebus getis Ioannes Iustinianus ad eum gratiæ & dignitatis gradum apud Græcum Cæsarem ascenderit, ut bellicis rebus tam mari quam terra cum summo imperio atque honorificentiſſimo Halmirotis titulo sit Præfectus, nobis diu quærentibus haud satis compertum est. Egregias certe fuisse virtutes, atque eximia merita necesse est, quæ priuatæ fortis hominē apud exterū præsertim Principem ad tam altum honoris locum extulerint. Verum, ut cetera huius viri obscura sint, Constantinopolis oppugnatio clarissimum eius nomen facit, magnumque nobili Iustinianæ genti splendorem conciliat. In qua oppugnatione sustinenda cum Mahumetes Turcarum Imperator eam urbem ingentibus copijs circumſediſſet, ducenta enim armatorum milia sub signis habuisse scriptores, qui minimū tradūt, ita omnia, quæ sunt imperatorij muneris executus est Iustinianus, ut eius virtute constet, præclarissimā urbem diu fuisse defensam; nec prius expugnatam in ultimo prælio, in quo Cæsar ipse Constantinus fortissime pugnans cecidit, cum amisso imperio, ut tantæ maiestatis Principem decuit, nollet superesse, quam Iustinianus graui vulnere accepto, ex quo paulo post decessit, pugna excedere sit coactus. Cuius virtute destituti defensores cum animis cecidiſſent, Turca omnibus

bus viribus connixus augustissima vrbe, atq; omniũ ,
 quæ sub cælo sunt, pulcherrima, quæq. immaniũ sub
 structionum magnificentia Romanam magnitudinẽ
 spiret, orbisque imperij tot sæcula domicilium fuerit,
 sempiterna ac numquam delenda Christiano nomini
 dedecoris & ignominie concepta macula potius est.

ANTONII HORTENSII.

Imperij sedes o Iustimiane, decusque
 Te uiuente manet, te moriente cadit.
 Nam velut Hec̃toreis olim stetit Iliõ armis,
 Atque vnius erant pergama tuta manu,
 Bizanti columen, sic Regia Cæsaris alma
 Fortuna tecum statque caditque pari.

FVLVII CARDVLI.

Hic Constantini turmas seruabat & arces,
 Hic & Riphæis hostibus horror erat.
 At simul occubuit, Turcis victoria cessit,
 Mors Graium imperium sustulit vna Ducis.

FRANCISCVS SPINVLA.

O miseram Franciscum Spinulam, quod in hac mi
 litarium virorum classe illorum tantum memo
 riam recolere mihi propositum esset, qui aut in sum
 mo

mo imperio positi fuissent, quique res eo dignas loco
gessissent; aut qui si minus ad illud fastigium peruenis-
sent, aliquo tamen insigni edito facinore nomē suum
memorable ad posteritatem fecissent. Sed ipsa mihi
Patria manum iniecit, & consistere coegit, ac ne Fran-
ciscum merito elogio praterirem, pro iure suo mecū
egit, cum diceret se se a multis quidem ex filiis suis de-
fensam, ornatam, opibus, imperio, gloria auctā, a Frā-
cisco ab interitu seruata. Nam cum Mediolanensis
Dux eo cupiditatis prouectus esset, ut Genuam in fi-
dem receptam in seruitium adducere vellet, atque eo-
dem quo Mediolanum & ceteras Insubriæ vrbes im-
perio suo subiunctas loco habere, eaque de causa Ca-
stelletum exiguum & infirmam arcem munimēto am-
plificato firmare, ab eaque arce, quæ edito loco posi-
ta subiectæ vrbi inninet, perpetuam munitionem per
mediam urbem ad portū perducere decreuisset, mo-
roreque attoniti Ciues potius libertatem in perpetuū
complorarent, quam aduersus tanti Principis opes to-
ti Italiæ formidolosæ, qui etiam superiora vrbis loca
præsidij & numero, & genere firmissimis obtineret;
oculos attollere auderent, vnus Franciscus generoso
animi impetu incitatus caput pro Patriæ salute tanto
discrimini obijcere non dubitauit. manu enim clien-
tium & amicorum corrogata in publicum profiliēs.
Ferro inquit, Ciues & audacia tetræ seruitutis iugū,
quod vobis & liberis uestris Tyrānus parat, discutiē-
dum est. Agite quicūque Rempublicam seruata cu-
pitis,

pitis, me sequimini. Qua voce simulque auctoritate tanti viri Genuensium confopita studia excitata ad libertatem recuperandam subitis & ingētibz motibus exarserunt. Armis igitur arreptis Franciscum Ducem secuti præsidium inuadunt, longoque & cruēto prælio tandem superatum, unaque cum illo Triuultiu vrbis Præsidem obtruncant, arceq. paucis post diebus recuperata se se in libertatem asserunt. Qui etiā Franciscus bellicis laudibus omnino non caruit. in quibus illa in primis egregia est, quod Caietam flagitantibus Caietanis & in opem confugientibus cum delecta manu a Genuensibus præsidio vrbis missus obsidionem Alphonsi omnia vltima perpeßus cōstanter sustinuit, donec obsidio soluta est, Alphouso ad insulam Pontiam a valida Genuensium classe superato & capto: Quibus meritis deuincti Caietani legatis Genuā missis se se in Genuensis populi fidem tradiderunt, Prætorumque sibi Genua mitti postularunt, a quo interea regerentur, dum communis belli Mars decreuisset, vtri Regi ipsi parendum esset.

10. HIERONYMI CATHENAE.

Non Caieta minus Francisco præmia debes,
 Qui te leibifero est quondam tutatus ab hoste,
 Quam quæ Campano te litore condidit alto,
 Illa licet fuerit nutrix Aeneia, Ianus
 Hunc pater enutrit Rex seruantissimus æqui.

Hic

*Hic tibi iura dedit, leges hic sanxit honestas,
 Hic numquam Patriæ pro libertate tuenda
 Extimuit duri rescindere iussa Tyranni.*

IANVS FVLGOSIVS:

Cvmulat haud dubie claræ gentis suæ stēmata vir-
 tute & dignitate sua Ianus Fulgosius. Cui graue
 infligūm vulnus in bonū ac decus uertit. Neq; enim
 Principatu patriæ deiectus in hominum contemptu
 & in solitudine ignobili exilio consenuit, sed a Vene-
 tis illustri fauore exceptus in summo bellicarum rerū
 imperio ob consilium, fortitudinem, virtutem multis
 locis conspectam positus est. qui honos vel non nisi
 magnarum rerum gloria claris viris, vel insignis impe-
 rii titulo fulgentibus haberi solet.

PIERII AVIOLAE.

*Viuida uis animi minaci in pectore quantum
 Polleat, e claris percipe Principibus.
 Exilio, senioe, laboreue clara Camilli
 Non tabuit virtus, sed magis enituit.
 Sed sileant reliqui. Ianus Fulgosius unus
 Dux patria eiectus ui sibi struxit opem.
 Intrepidus Venetum clarissima signa reuoluens
 Innumeras laudes vique fideque tulit.*

Nec

Nec potuit Fortuna suis fallacibus unquam

Insidijs tantum frangere iniqua virum.

BRITIVS; BAPTISTA GALEATIVS

IUSTINIANI.

Q Vis Britium Iustinianum non inter memorabiles viros locandū ducat, cuius virtus ac fama ita enituerit, vt post sortem & fidē multos annos Genue patriæ nauatam operam, cuius classium summus Præfectus fuit, Villamarino celeberrimi ac formidolosi nominis eo tempore maritimo Duce superato, ab Hispaniæ Regibus celsissimis vltro accersitus honorificentissimis conditionibus multos annos sub illis stipendia fecerit; meritorumque gradibus, ac rerum gestarum commendatione id sit consecutus, vridē munus Baptistæ & Galeati filijs continuatum sit, postquam ipse in Vrbe Chio fato functus esset, auctoritate gētis sue Iustinianæ in ea insula stabilita, aduersarijsq., qui omnia ad se trahebant, eius in primis opera & cōsilio expulsi. Mandato autem muneris filios virtutem & animos æqualasse declararunt cum multa singularis consilij & audaciæ compluribus locis conspecta facinora, tum satis amplæ Castellorum ac populorum ditiones, quibus spectatam fidem & operam Iustinianorum fratrum Reges remunerati sunt, cum etiam Baptista Iulij secundi Pontificis Maximi summus naualium rerum Præfectus fuerit. Neapolitana vero clades postremo

S

accepta

accepta tantum abest, vt de Galeatij fama quidquam detrahat, vt ad extremum in gloriam verterit: quippe qui Hugonem a Mōcada in Regno Neapolitano Cæsaris Vicarium cum ingenio ferocem & in consilijs rapidum, tum aspectu tot clarorum Ducū & delectorum militum, quibus classem affatim refertam habuit, elatum a prælio cum Genuensibus cōserendo magno pere deterruit, quos rerū naualium scientia & vsu longe dixit præstare; ad hoc aspero fluctibus mari iactatione & nausea victos milites pugne inutiles futuros, quibus rebus nauales Genuensium socij numero superiores nihil læderentur. Quin etiam cum dux ex hostilibus triremibus se se a reliqua classe segregare, & altum petere visæ sunt, ceterique illas fugere lætis plausibus & clamoribus sublati effuse lætarentur, illas fugere vir scientissimus, longoque vsu doctus asseueranter negauit; sed secundi venti fauorem quærere affirmavit. quæ res lætitiā illam temere conceptā mox in luctum conuerteret. Verum prauum cōsilium magis non probare, quam Regium imperium non sequi potuit Iustinianus. qui quæ Ducis fuerunt partes in prouidendo & monendo, eas egregie præstitisse existimā-
 dus est, aduersæ pugnae cūctus alienæ inscitæ & temeritati assignandus. Vt quidē existimauit Carolus Quintus Cæsar Princeps sapientissimus. qui conspectā in ea clade Galeatij virtutem & consilium ampliore honoris titulo ornandam duxit summa Regni Neapolitani naualiū rerū Præfectura illi mandata. Vt omittā

Iusti.

Iustinianum prælio commisso, quod militaris muneris fuit, strenue ac fortiter fecisse, triremi, cum qua cōgressus est, superata ac mox deprimenda, ni duabus superuenientibus triremibus, quas speciem fugientium initio præbuisse diximus, fortuna pugnae versa esset. Paternæ & auitæ virtutis Galeatius Galeatij filius in ipso ætatis flore æmulus fuit compluribus stipendijs factis; egregiaq. opera in bello Corsico Genuæ Patriæ nauata. quæ merita illustri gratia Patria excipiens triremiū Præfecturam, quæ quatuor fuerunt, summamque maritimarum rerum illi mandauit. in quo munere obeundo ad Oranū & Pignonum ita se gessit Galeatius, vt tot maiorum indoles multis haud obscuris signis in adolescente apparuerit. quorum illud silentio haudquaquam prætereundum est, quod Francisco Mèdozæ Regio summo Præfecto cōstanter restitit, locumq. sibi assignatum vt inferiorē honoris titulo, in quo positus erat, perseueranter recusauit, tamque diu in generoso incepto perstitit, quoad Regis ipsi⁹ litteris & iussu suus illi locus proximus a Regia Prætoria est tributus. Neque vero Franciscus & Raphael Iustiniani fratres gentile decus modo rettulerunt, sed etiā cumularunt, ijs in bello Corsico editis incredibilis audaciæ ac viuidi animi, eximijque consilij facinoribus, vt nullius nomen eque ac Iustinianorum fratrum Corsis esset formidolosum, Celebris nominis ordinum Ductore, eodemque strenuo & fortissimo milite, quo auctore Corsi rebellauerant, quique toto Corsico bello ca-

put rerum fuerat, cognomento sancto Petro caeso.
 Quarum rerum fama ad exteros delata Venetos impulit, ut Raphaeli ultro euocato perampla militaria munera mandarint. quæ ita sustinuit Raphael, itaque expectationi respondit, ut Veneti meritorum gratiâ non litteris modo honorificentissimis verbis conscriptis, sed præmijs quoque testificati sint. Idem Corsicum bellum non minus Leonardi Iustiniani Dominico Patre forti & egregio viro honorificisque militiae muneribus usque orti nomen fecit insigne. Ut virtutem Terminus etiam in hoste amplexus ad Gallorum stipendia hominem ultro accersierit. Neque Gallos consilij pernituit opera Iustiniani cum multis locis, tum vero ad Portum Gratiarum forti ac fidei experta. id quod honoribus & præmijs declararunt.

FVLVII CARDVLI.

*Huic freta Neptunus, ventos dedit Aeolus, artes
 Pallas, vim Mauors, Parthenopeque rates.
 Grata Ducis meritis Regum pietasque fidesque
 Vult natos patrium classe referre decus.*

STEPHANVS ET LAURENTIVS

MVTINI.

Cum multa fortitudinis, audaciæ, consilij egregia facinora, quibus Stephanus Mutinus nobili & peruerusto

ueto Liguriæ oppido Monelia ortus nomen suum
 toto mari mediterraneo celebre, hostibusque in pri-
 mis formidolosum fecit, tum summi honores a sum-
 mis Principibus vltro delati memorabilem illum po-
 steritati faciunt. Quem Alexander VI. Pont. Max. ea
 natione ortus, quæ veteri execrabiliq̃ odio a Ligu-
 ribus dissideat, summum tamen maritimarum rerum
 Præfectum creauit. in quo munere gerendo ita Muti-
 ni fortis & fidelis opera enituit, vt Iulius secundus suc-
 cessor grauium inimiciarum inter ipsum & Alexadrũ
 tam illustribus contentionibus iactatũ immemor con-
 spectam virtutem etiam in hominibus aduersarũ par-
 tium amplexus eundem honoris titulum Laurentio
 filio continuerit. qui non minus in paternam virtu-
 tem, quam in muneris & honoris locum successor, ip-
 se quoque nomine suo clarorum Ligurum numerum
 auget.

IO. FRANCISCI LEONIS.

Amborum uirtute olim tua littora Tybris

Intacta a Mauris tuta fuere diu.

Quin Mauros Turcasque irabis per flumina uictor,

Dum præparant sortes in fera corda Duces.

Tu Mutinorum seruas nunc grata nepotes

Roma memor, decorant hi noua sæcla uiri.

BALTASSAR BIASSIA.

Celebre nobilissimi portus Lunensis & circūiectarum regionum emporium Spedia oppidum agri bonitate, commerciis maritimis, omnibusque naturę & industrię bonis circumfluens, nulla re magis gloriatur, quā alumno suo Baltassare Biassia. Cuius memoriam eadem, quę Mutinum virtutes, idemque honoris tituli immortalitati commendant. Cōplures enim annos magna cum rerum gestarum gloria sub Iulio secundo meruit ipse quoque summus naualium rerum Præfectus. quem Ioannes filius duarum triremiū dominus ita emulatus est, vt eundem honorem, quē tempora illi negarunt, virtutibus debirum omnes faterentur.

AMBROSIVS NIGRIVS.

Prefulget in primis Ambrosij Nigrij gloria, quem duplex laus & bellicarum rerum, & cōtinentiæ, iustitiæ, moderationis immortalē facit. In Corsis enim rebellantibus armis cōpescendis & perdomandis, provinciaque magno motu ad bellum confurgente pacā da omnia egregij Ducis mūnera cumulate impleuit. Vt clarum uirum Genuenses honorario anniuersarij vectigalis, statuaque publica raro in ea Ciuitate honore decorandum censuerint. Idemque, quę longe clarior est victoria, indomita & contumacia Corsorū ingenia

genia iustitia & continencia sua vicit; quodque iugū
a semet ui & armis impositum illos patiēter coegit fer
re, charitate sui effecit, vt etiam libenter ferrent, Patro
numque Ambrosium sibi asciscerent, in cuiusque prae
sidium aliquibus iniquitatibus prementibus Genuam
confugerent. id quod ex compluribus grauib; viris
pro re comperta cognoui.

THOMAE CORREAE.

Qui Genua Proceres opib;que armisque superbos

Suspicias, & varijs fixa tropaea locis;

Inter mille triumphos, & mille inter honores

Aspicias Ambrosium constituisse suos.

Non ille in cassum factis se aequauit Olympo,

Et nomen superis orbibus inseruit.

Dum uesana mouet Corsos discordia in arma

Indomitas fregit, composuitque acies.

Insignis probitate Heros, metuendus & armis,

Quois uicit rexitque artibus omne genus.

Patria non oblita decus immortale sacrauit,

Ne benefacta Ducum frandet honore suo.

IOANNES ET LEONARDVS

ROBOREII.

Ens Roboreia e Subalpinis Taurinis nobili &
Gperueto genere oriunda, cum in Liguriam cō
migrasset,

migrasset, sedemque sibi ac patriam Urbem Saoniam
 delegisset, pacis artibus ac togæ studiis in eum hono-
 ris gradum cōscendit, quo nihil in rebus humanis est
 altius. In quo positus Iulius rerum gestarum & meri-
 torū magnitudine id assecutus est, ut Sacerdotū ordo,
 Italiaq. Patria, cuius dignitatis & libertatis acerrimus
 ac perpetuus vindex fuit, nihil habeat (de hominibus
 nostræ ac patrū nostrorū ætatis loquor) ad memorię
 venerationē sanctius. Tātū genile decus æmulati sunt
 viri bello illustres Ioannes & Leonardus. quorū Ioan-
 nes urbis Præfectus, ac summos militares honores ade-
 ptus vehementi viuidoque ingenio, expedito animi
 vigore, prompta & ad pericula imperterrita audacia
 laceffendo, instando, vrgendo, omnibus locis occur-
 rendo, cum neque sibi, neq; hostibus ullam quietē da-
 ret, fama nominis sui totā Europā impleuit; effe-
 citque, ut nemo sua ætate acrior bellator haberetur.
 Leonardus vero iisdem honoribus ac militię muneri-
 bus vsus egregiam quoque laudem nomini suo pepe-
 rit, vir ingenio remissior, ceterum consilio non infe-
 rior. Quem fortunæ quoque amplitudine & Regia af-
 finitate clarum (Regis enim Neapolitani filiam in ma-
 trimonio habuit atq; vna cum illa Ducatum Soræ ac-
 cepit) clarissimus filius Franciscus Maria splendore suo
 clariorem facit.

Quod in hoc genere videretur, Iulius Robertus
 & Iulius Robertus Iulius Robertus Iulius Robertus

HIERONYMVS RIARIVS.

Non tam affinitati, quã virtutibus Hieronymi Riarij Comitris Boschi & Chariatis Xystũ Quartum nobilissimas vrbes Forum Cornelij, quæ nũc Imola appellatur, & Forũ Liuij fiduciarias dedisse declararunt summi honores a Maximis Principibus illi, habiti, per amplaque militaria munera mandata. Nam & Regni Neapolitani Comes stabuli fuit. qui militaris honoris titulus a Regibus ipsis proximus est: Et summæ rerum bellicarum a Romana Ecclesia, & a Veneto Senatu prefectus est. quod munus Gubernatorem Generalem vocant. Mediolanensis quoque equitatus Magister fuit. Quis igitur non in elogijs nostris Hieronymum præcellsum locum iure dicat tenere, quem etiam illustres affinitates Medicia, Roboreia, Sfortia gentis Catharina Ludouici Mediolanensis Ducis filia vxore ducta, conspectum faciant?

FRANCISCVS MARIA ROBOREIVS
FELTRIVS.

Quo te primum honoris titulo insignem faciam Francisce Maria Roborei Feltri? aut in quo elogiorum nostrorum ordine locem? Profecto multiplex virtus tua in tot se partes fundit, vt nullus sit in quo uis genere locus, quem illa non occuparit. Si enim re militarem spectemus, quis ad illam maioribus naturæ

T & indu-

& industriæ præsidij instructior fuit? Cuiusue maiora & expressiora ingenij; consilij, fortitudinis, constantię signa extiterunt? quis in bellis gerendis plures edidit imperatorias artes? Vt Italicæ militię iure parens habitus sis. Iam vero quis nõ horreat tantam in tuam perniciem incumbentem molem. quam tu vna virtute, constantia, audacia non solum sustinuisti, sed etiam discussisti, patria Ditione aduersus opes summis ipsis Regibus formidolosas recuperata? Quod, si ad pacis artes animum conuertamus, cuius in populis sibi commissis regendis iustitia, continentia, æquitas magis eluxit? Vt in tantis corruptissimi sæculi tenebris vnus extiteris, qui veterum illorum Principum, quos ob ingētia merita in Deorum sedes sustulit antiquitas, tanto post interuallo imaginē nobis rettuleris, Xystoque & Iulio tantis patris te dignum ostenderis. Quibus virtutibus tanta in charitate cum populis tuis fuisti, vt nemo illorum esset, quin pro tua salute & dignitate, sua & natorum anima depacisci cuperet. Merito igitur Diuini Numinis fauor in te extollendo virtutes tuas acceptas habuisse ostendit, qui tibi in nobilissimam Feltriam gentem, & in successionem Vrbinatis Ducatus ascito latissimum, in quo eximie virtutes tuæ excurrere possent, campum dedit.

ANTONII FRANCISCI RAINERII.

Mars ense, clauam Alcides, dedit, Aegida Pallas,

Et tibi cælestium tela iriſulca pater.
 Fulmina ſeu metuenda manu, ſiue excuſis ore.
 Pars ſtupet ut celeri conijcis illa manu,
 Pars ſtupet altiloquo donum immortale Mineræ,
 Utque cohortante deſluit ore ſophos.
 His tu & roboreæ perfunctus munere clauæ,
 Vnde tibi æternum ab robore nomen erit.
 Monſtra domas, acies perrumpis, concuſis vrbes,
 Et late vndanti fulmine ſternis iter.
 Cum patrias ſedes ſuſis tot millibus ante
 Inuiſto & repetis Regna ſuperta pede.

FABRITIUS CARRETVS.

Declarauit Fabritius Carrettus nullum eſſe inſignē
 honoris titulum ex ijs, ad quos ex virtute gradus
 fit, ad quem Ligurum virtus non aſcenderit. Magnus
 enim Hieroſolymitani equeſtris ordinis Magiſter fuit:
 Qui præceſſus dignitatis locus vt multis Regibus de
 opibus & de imperio concedit, ita ea re eſt ſuperior,
 quæ in omnibus humanis rebus longe principem lo-
 cum obtinet. nam ceteri Principatus vel generi tribuū-
 tur, vel felicitate ſæpe acquiruntur. quo fit, vt ignauif-
 ſimos homines, atque etiam ſcleribus opletos regnā-
 tes quandoque videamus, is locus, cum vnus ſit ad il-
 lum virtutis aſcenſus, nemoque niſi meritorum & offi-
 cij gradibus documentumq. ſui dando ad illum perue-
 niat, eos qui illius compotes fiunt, non ſolum parto

honore illustrat, sed, quod longe præclarius est, honore dignos ostendit.

IO. BAPTISTAE FONTEII PRIMIONIS.

Magnorum Othonum sanguine Regio

Cretus sacratæ militiæ pater

Ingens Carretæ stirpis heros

Fabritius Ligurumque gentis.

Non quo Magistro aut Consule militum

Soli dicatam crederet insulam

Turbare recte stirps ferocis

Dura Othomani orientis horror,

Nimis periti pertimuit Ducis

Pectus paratum in cuncta pericula,

Expertus, ut caute irruentes

Sæpe manu repulisset hostes.

Bizanti ut ergo uoce dolentium

Auditum, & aucto tot lachrymis mari

Funus Carreti, nunc eamus,

Nostra Rhodos, Solimanus inquit.

GEORGIUS ADORNIUS.

NEc prætereundus nobis fuit Georgius Adornius
 quem Hierosolymitana instituta ipsum quoque
 profectum non minus conspèta uirtus quàm clarum ge-
 nus illustrat. Cui fortuna summum Magistri imperium
 adimere

adimere quidem potuit, merita omnium consentiente iudicio tanto honori paria adimere nō potuit, cum tamen honorum expers omnino nō fuerit summus maritimarum rerum Præfectus. qui honos a magno Magistro proximus est.

OCTAVIANVS FVLGOSIVS.

Octauiani Fulgosij ingentium meritorum atq; eximiarum virtutum recordationem perpetua grati animi veneratione prosequi debes Genua Patria. Cui viro cum totius Italiæ consensus consilij, prudentiæ, fidei, constantiæ, religionis, animi magnitudinis nullis aduersis rebus infracti, uirtutum omnium clarissimū testimoniū semper dedit, tum tu illas in primis in Principatu experta es. quem ille adeptus tanta cum moderatione gessit, ut innumeris præstantis virtutis documentis assidue edendis, id quod perraro ac uix umquā auditum est, affecutus sit, ut in ardentibus Civium inter se odijs, partiumque vigentibus studijs non minus aduersæ, quam suæ factionis, cuius ipse caput erat, voluntates teneret; omnibusque æque charus esset. singula persequi non brevis elogij, sed iustæ historiæ opus fuerit. Illud tantum vnici exempli atque eximiæ in patriâ charitatis facinus silentio præterire nefas ducere, quod cum arcem munitissimam ac portui imminente de Gal lis post lentam obsidionem tandem receptam in potestate haberet, qua veluti Genuæ cōpede gentis suæ Fulgosia

gosiæ opes firmare, perpetuumque fortasse opulentis-
simæ ac præpotētis in rebus maritimis vrbis imperium
sibi posterisque suis posset stabilire, illam continuo sce-
leratorum dissuadentium oratione auribus non admis-
sa demolitus sit, cum in omnibus fere rebus Raphaelis
Ponsoni consilio vteretur. qui vir honorifico Senatus
scribæ munere relicto cum procul ab omnibus Ciui-
bus curis, vitæque huius ambitione abscessisset, totum
se Diuino cultui dicauit in sacerdotum ordinē coopra-
tus. Huius viri pietas, innocentia, religio cum singula-
ri prudentia coniunctæ ita enituerunt, vt earum fama
patriæ fines egressa in Romanorum Pontificum noti-
tiam venerit, qui multa de religionis rebus sæpe cum
illo per litteras conferre maiestate sua haud indignum
duxerunt. Octauianus quidē eas virtutes familiari vsu
cognitas ita suspexit, vt hominē apud se perpetuo ha-
beret; illiusque consilio plurimū tribueret. Patruī me-
moriæ haud parum virtute sua honorat Andreas fra-
tris filius tanta tamque multiplici eruditione conspe-
ctus, vt medicinæ scientia, qua in primis excellit, mini-
mam in illius commendatione partem obtineat: quip-
pe ad quam eximiam Philosophiæ & virium ac naturæ
herbarum intelligentiam addiderit: in Mathematicis
vero disciplinis eos habeat progressus, vt nemo illum
ætate nostra antecedit, quam paucissimi æquent. Cete-
rum Octauiani, vt ad inceptum redeam, bellicæ laudes
ciuium rerum gloriam non parum ornarunt, complu-
ribus stipendijs sub maximis Principibus factis, hono-
rificen-

rificentissimisque muneribus illi mandatis . quibus ille
se se parem semper ostendit.

THOMAE CORREAE.

*Maeste animo Fulgosi Heros , cui patria debet
Tantum uni , quantum solvere posse negat .
Si tibi , quos censet meritis decernat honores,
Gloria erit meritis quælibet ampla minor .
Libera quod perstet nullos experta Tyrannos ,
Nec domini subigat colla coacta iugo,
Quod molem capias euertasque , ut timor absit,
Otia quod firmes , laus ea tota tua est ,
Quod titulis opibusque tuis gentique tuorum
Anteferas patriam , iusque , piusque fori
Illa memor tua facta canit , quoque ænula cælo
Fit duce , fit priscis æmula temporibus .*

AVRELIVS FVLGOSIVS.

Tanto parente se se dignum ostēdit Aurelius filius ,
quo nemo nostra ætate maiore in militaribus reb⁹
intelligentia esse existimatur , per amplis muneribus a
magnis Principibus delatis vsus . in quibus gerēdis ca
multis locis sui documenta dedit , vt quod nomini ho
minumque expectationi dare , quodque tot illustrium
maiorum contestatæ laudi reddere debuit , plane præ
stituisse dicendus sit.

THO.

THOMAE CORREAE.

Quo me, quo rapis Aureli,
Virtutis patriæ pignus amabile?

Magni progenies patris?

Quo gaudet Ligurum terra potens Duce.

Te Martis decus inuocat,

O sol, o luna patris soboles boni,

Fulvis namque Leonibus

Quis nasci pauidos quis lepores uidet?

EMANUEL CABALLVS.

Q Vis Emanuelis Caballi ardorem, patriæque cha-
ritatem in incredibilis audaciæ facinore suscipi-
do non laudibus in cælum ferat? quis generosum ani-
mi impetum non admiretur? quem non exca temeri-
tate excitatum, sed a sapiente consilio profectum felix
euentus docuit. nam cum Galli arcem naturæ loci mu-
nitissimam, atq; adeo inexpugnabilem firmissimo pre-
sidio tenerent: qua in præcelso promontorio sita por-
tuique imminente Urbem Genuam maritimis cômeca-
bus clausam, Genuensiumque libertatem eo veluti cō-
pede constrictam tenerent, obsidionemq. terra ac ma-
ri in sextum decimum mensem extraxissent. tandem
extrema omnia perpassi, ad summamque omnium re-
rum inopiam ac deditiōis necessitatem adacti essent.

colloquijs

colloquijs ea de re ita institutis, ecce oneraria in remotissimis Oceani littoribus occulto comparata comeatumque ac bellicorum apparatus omnis generis referta cum in alto apparuisset, terraque appropinquans specie primo praeuisset ad classem, quae arcem obsidebat, atque ad nauim, quae erat in statione, tendentis, propinquior facta secundo vento utens cursum ad arcem flexit. quam classe elusa incredibili felicitate tenuit, promotorijque crepidini potest prolato coniuncta est. Quo spectaculo ijs, qui erant in speculis, percussis & exanimatis, cum nuntius tota urbe peruasisset, magnusque continuo luctus excitatus esset, trepidique Genuenses ac moerore ameres tota urbe discurrentes alij alios rogantes consilij inopes fatum patriae lamentarentur, desponsurique animum essent, Emanuelis Caballi Diuina virtus abiectos excitauit, ac saluti desperare vetuit. Is enim veluti mente Diuinitus tacta in medium procedens. Non muliebribus, inquit, fletibus Ciues, in quos vos turpiter abiecistis, imminens patriae interitus est prohibendus, sed audacia discutendus, nauisque a Magistratu impetrata ad circumfusam turbam, nobiliumque adolescentium globum conuersus. Maecti, inquit, virtute. qui Patriam seruata, & a perpetuo seruitutis iugo liberata cupit, nauim hanc mecum conscendat. Qua adhortatione incitati multi & primae nobilitatis & omnium ordinum iuvenes saluti ac libertati patrie animam deuouentes nauim conscenderunt. quam directa in arcem prora, plenisque

velis ad sese venientem ex superiore loco conspicati Galli, temeritatem hominum integra mēte haudquam vrentium, atque desperatione ipsa se in voluntariam & apertam mortem proijcientium iridentes bombardis nauim petere cœperunt, breui haud dubie deprimēdam. quarum ictibus veluti creberrima grandine naui sæpe multis in locis percussa, superstātiumque nonnullis exanimatis, nonnullis a resiliētibz asseribz sopitis, Emanuel nihil atroci & formidoloso spectaculo ab audaci incepto deterritus vir rerum nauticarum longo vsu peritissimus vento apte ad inceptum flante, nauim inter arcem & applicatā Gallorum nauim insinuauit, funibusq., quibus scopulo alligata erat, præcis in naue ipso impetu ab arce abstractam impigre primus insiluit, fortissimis iuuenibus consequentibus; Duceque ac superstātibus Gallis miraculo audaciæ obstupefactis, cum nonnulli, qui sese in mare proiecerunt, vndis hausti essent; nauem captiuam ab arce abduxit, in urbemque tantæ virtutis edito facinore reuersus ingentibus omnium ordinum atque ætatum plausibus exceptus, matronis etiam ad habendos honores & gratias agēdas effusis, cunctisque prosequētibz, ac seruatorem & liberatorem patrię acclamantibus domū reductus nomen suū in primis memorabile ac grata recordatione Genuensibus tanto beneficio obstrictis perpetuo colendum reliquit.

RAINALDI CORSI.

Rostra Caballe tuum merito caput aurea cingunt,
 Quem neque flamanti ueniens cum grandine turbo
 Mortuus hinc, atque hinc, nec Gallus terruit hostis,
 Nec scopulis appulsa ratis, ac nixa catbena,
 Arxue obsessa diu, atque loci munimine tuta,
 Extremo uitam quin obiectare periclo
 Pro patria optares, ac libertate ruente,
 Audaci donec fauerunt Numina uoto.
 Macte animi mentisque Heros, tu compede uinctam
 Reginam in proprium reparas decus atque nitorem,
 Demissum firmat nomen Rex summus ab alto.

ANDREAS AVRIA.

Non veterem modo gentis suæ Aurix, qua nulla
 Ligusticarum rebus bello gestis clarior umquā
 fuit, gloriā rettulisse Andreas est existimāndus, sed hoc
 vno saltem superasse, quod illorum opera patriæ Ge
 nuæ fere nauata est, Andrex virtus toti Europæ illius
 que maximis Principibus vsui & ornamento fuit.
 Classium enim Pontificij solij, Regis Francorum, ac
 Caroli Cæsaris, Philippi filij Hispaniæ & vtriusque Si
 ciliæ Regis cum summo imperio Præfectus, multis &
 præclaris virtutis, audaciæ, fortitudinis, cōsilij facino
 ribus assidue editis, summis discriminibus aditis, cō-

pluribus victorijs partis, classibus deletis, viribus expugnatis ad eum glorię, atque in rebus maritimis potentię gradum peruenit, vt nullius suę ætatis Ducis nomen clarius fuerit, remotissimisq. nationibus notius aut formidolosius. ad quod fastigium ex humili & tenui fortuna, in qua natus est, quamuis genere nobili ac claro nullis externis opibus subnixus, sed laboribus tantum suis, ac meritorum gradibus peruenit, virtute & fortuna de homine extollendo inter se certantibus. Vt omittam præmia Principatus Melphię & torquis Burgundici ordinis a Cæsare data. quę quamuis ampla & honorifica, splendore tamen clarissimi viri obruuntur. Sed nulla res Andrę nomen æque commendat, atque eximia Patrię charitas. Nam cum Galli Saonam occupatam arcem sibi in media Liguria fecissent, quā Genuam faucibus oppressam tenerēt, neque vt illam restituerent, vllis Andrę precibus fide in promissorū obtestantis possent adduci, Andreas cum hac publica, tum multis priuatīs iniurijs stipendia illis renuntiare coactus illos nō modo Genua expulit, neq; ea in primis de causā Patrię libertatis assertor dici debet, sed quod illius operibus, opera, consilio Saona e Gallorum manibus extorta sit, iugumque durissimum ceruicibus imminēs discussum. sed alterum quoque est Andrę in patriā haud leue promeritum, quod emendatum Reipublicę statum, concordiamque ciuium, sine qua libertatem ipsam breui concidere, atque omnia ruerenecessse fuisset

se fuisset, potentia & auctoritate sua firmavit & stabiliuit. Ceterum bellicæ Andream laudes nō totæ vnius sunt, sed cum militibus, nautisque, quorum opera & ministerio in egregijs facinoribus patrandis vsus est, necessario communicandæ; illius virtutis neminem habet socium, quæ summæ fortune perraro comes est, hoc est eximie animi moderationis singularisque clementiæ, quippe qui cum Genuæ omnia posset, Genuaque illius opibus in primis niteretur, neque communi, neque priuatæ cuiusquam libertati grauis fuerit, neminemque vñquam aut in re aut in sanguine læserit; tantumque ab inferendis iniurijs abfuerit, vt contra nullas iniurias umquam vltus sit, cum illarū auctores Genuæ obuersantes nutu euertere posset. Iure igitur Genuenses Andream seruatae ac liberatae patriæ statua publica testimonium dederunt, iustius parentis patriæ memoriam grato animo sempiternaque veneratione culturi.

POMPEII ARNOLPHINI.

Hic tam seruenti patriæ flagrauit amore,
 Illius ut chara pro libertate tuenda
 Horribiles Regum non formidauerit iras.
 Hic quoque cum patriæ regno sceptrisque potiri
 Posset, & aurata frontem redimire corona,
 Contempsit Regum fastus, nomenque Tyranni.

Huic

Huic maris imperium uasti, magnumque tridentem
Neptunus, pelagique leues concessit habenas.

Quin etiam insanum premeret dum classibus æquor

Haud pauci impauidi admirantes pectoris ausa,

Neptunum, aut sacro Neptuni sanguine cretum

Mortalesque Deum vultus sumpsisse putarunt.

Hoc certum est, nullas Neptunum amplectier oras,

Qua non ille simul fama penetrarit & armis.

PHILIPPVS AVRIA.

Quamuis clarorum virorum, quos plurimos Au-
rie gens tulit, Philippus temporum ordine in
postremis sit; minoribusque copiis quam veteres il-
li pugnaverit, eximia tamen virtus & fortitudo, rei q-
gestæ magnitudo in primoribus illū collocat. quip-
pe qui cum Cæsariana classe in Salernitato sinu con-
gressus sit. in quam quidquid floris ac roboris in Cæ-
sariano exercitu fuit, cōscendit, cum strenuissimus &
spectatissimus quisque miles carptim ac nominatim
delectus esset, atrocissimo prælio, incertoque Marte
diu extracto. in quo tanto irarum certamine res ge-
sta est, eaque sunt vtrinq; edita virtutis, fortitudinis,
incredibilis constantiæ exempla, ut in classe, Genuēsi
omnes fere milites ac Præfecti & nauales socij aut pu-
gnantes ceciderint, aut ex mortiferis vulneribus ac-
ceptis paulopost decesserint; in nonnullis vero Cesa-
rianæ classis triremibus septies signiferi sint mutati,
cum

cum alius alij occumbenti deinceps succederet. Philippus igitur clarissimam tandem victoriam peperit classe hostili deleta, Hugone a Mòcada clarissimi nominis Duce in Regno Neapolitano Cæsaris Vicario interfecto, Ascanio Columna, Alphonso, Daualo ac compluribus Proceribus, summeq; nobilitatis viris, quorum ingens vis veluti ad certam & exploratam victoriam classem conscenderat, captis.

IO. BAPTISTAE FONTEII PRIMIONIS.

O quem te credam Auriadis progate Philippe,

Si cui te prisco confero, quidue putem?

Nam quis se Procerum Mynijs opponeret, & quis

Perderet Alcida, aut pignora chara Deum?

Tu tamen heroas delectos Cæsaris alti,

Tu tamen Hesperiae robora militiae

Ascanium, Daualumque, Vgumque, Ducesque uigentes

Viribus, unde omnis territus orbis erat,

Ponto congressos validus capis, ut tibi nullum

Suspicer antiqui temporis esse parem.

VICECOMES CICADA.

Non suis tantum laboribus & meritis Andreas Auria patriae & Christianae Reipublicae profuit, neque praestantes illius virtutes & fuerunt, quae ipsum solum clarum facerent: Ex eius enim disciplina praetere

ter eos, quibus classis & summa rerum commissa est, suis sigillatim elogijs decoratos, complures alij cum ex vrbe Genua, tū ex omni Ligustica ora prodierūt, quorum nomen bellica virtute ac nauali gloria multisque egregijs facinoribus non in Liguria modo memorabile est, sed in exterorum quoque Principū atque in ipsius Cæsaris notitiam venit illustri fauore ac præmijs exceptum, quos singulos persequi infinitū fuerit. Duo mihi erunt eximij, vt ipsi quoque virtute eximij fuerunt Vicecomes Cicada & Christophorus Pallauicin⁹. Vicecomes igitur haudquaquā equali egregijs virtutibus fortuna vsus ad summos honores non peruenit, quibus illum dignum ostenderunt complura incredibilis audaciæ & fortitudinis facinora. in quibus illa memorabilia in primis fuerunt, cū in prima adolescentia in nauali clade a Gallis, cū quibus stipendia faciebat, ad portum Delphini in Ligustico mari accepta, ipse, vt erat lorica indutus, signū e manu signiferi arreptum in mare se se proijciēs annatans prægrauantibus armis, hostibusque ingentē telorum vim superne ingērentibus, quibus pene obrutus fuit, tot iniquitatibus superatis incolumis seruauit. Vel cum vnā tantum triremem habēs cum tribus biremibus Piraticam facientibus numero & genere bellatorum firmissimis longo & atroci certamine congressus equo Marte discessit, vel cum fracta nauī ad littus Africæ cum cohorte militum & naualium Sociorū eiectus hostilem nauem pretiosis mercibus

cibus refertam, quæ nauem eiectam ab alto conspicita ad eam spoliandam accurrerat, astu & consilio cepit. Vir igitur virtutibus & meritis, quam honoribus insignior ab hominum obliuione scriptis nostris vindicandus fuit.

CHRISTOPHORVS PALAVICINVS.

AT Christophorus Palauicinus, vt omittam multa audaciæ, fortitudinis, virtutis multis locis data documenta, cum Turcæ Coronen Peloponnesi maritimam urbem arctissima obsidione premerent, eamque terrestribus copijs ac validissima ducentarum nauium classe, quarum maxima pars longæ erant, terra marique veluti corona cinxissent, omnesque maritimi aditus firmissimis stationibus essent infessi, atque oppidani vltima perpassi despõsuri animos fuerint, deditionemque facturi, ni spe introducendi præsidij, atque aliquo interea exiguo præsidio, quo ingruentem Turcarum vim tolerarent, confirmarentur, id facinus ausus est, quod non inspectantes modo, sed audientes quoque horrore perfundat. Qui non in maximum modo discrimen, sed in certam pestem, vt ab omnibus putabatur, caput suum proijcere, animamque Cæsari & Christiano nomini, cuius dignitas in ea vrbe retinenda agebatur, deuouere non dubitauit. Trireme enim ab Auria accepta, qui cū tota classe haud procul subliterat, per mediam Turcicā clas-

sem luce ac palam omnibus remorum viribus cōnexus transiit, cum Turcæ subitæ atq; incredibilis rei miraculo oculis atque animis defixi immobiles parū perstetissent, neq; prius a stupore recipere animum possent, quā Christophorus præteruolasset. qui subsidium in urbem introduxit, oppidanosque læta & haud dubia spe subsidij ab Auria, qui cum tota classe aderat, introducendi confirmavit. Ceterum longe mirabilior rexitus fuit. in quo audacia astu militarique stratagemate adiuta est, cum in Turcarū mentis alienatione spem ponere non posset, quos superiore audacia doctos ipsius conatus obseruantes ac paratos & intentos ad ipsum excipiendum cerneret. Compluribus igitur conatibus captis, cum speciem tentantis exitum præberet, aliquantumq. spatij progressus classi Turcarum appropinquaret, ipsosq. ad se excipiendum commotos cerneret, prora conuersa sese in portum recipiebat. quam rem cum crebro faceret, Turcas in eam opinionem adduxit, vt se se ab illo ludificari crederent. quos cum idcirco studium & intentionem remisisse animaduertit, impetu capto, illis iterum elusis per mediam illorū classē euolauit, incolumisq. ad Andream reuersus est.

PETRI MAGNI.

*Irruere in medias acies, perrumpere classem
Hos Tulem, obsessis ut ferat unus opem,*

Quis

Quis semel hoc ausit ? semel at fecisse videtur.
 Pallanicino gloria parua Duci.
 Ergo indignantes iterum perrupit eosdem,
 Mille uni aratas ludibrio esse rates?
 An Decios confers (esto) quod conficit unus
 Incolumes Decij si potuerit duo.

ACTIOLINI LERCARII.

Inuia quid profunt late diffusa per arua
 Aequora ? Neptunus, Marsque quid arma mihi ?
 Cuncta tenent hostis, tela, & mala mortis imago, &
 Securus medijs itque reditque Ligur.
 Non satis baud genti ? vicinum callida Pallas
 Intulit, at fuimus palma iocusque viro.

ANTONIUS AVRIA.

EXimia in Antonio Auria non minus Ciuiliū ar
 tium scientia, quam bellicarum rerum intelligen
 tia fuit. quibus virtutibus ducibus cum in maximo-
 rum Principum notitiam venisset, ac sub illis perho-
 norificis conditionibus terra & mari militasset, ma-
 gnum gratiæ & auctoritatis locū apud Carolū Quin-
 tum Cæsarem & Philippum Regem filium omnium
 Christianorum Principum longe potentissimos & sa-
 piētissimos obtinuit, ad deliberationes de maximis
 rebus adhiberi solitus. De cuius cōsilio maxima bel-

la geri voluerunt, illo summis belli Ducibus Regij generis hominibus comite ad res consilio regendas ad dito. Equestris quoque Burgundici ordinis torque a Carolo donatus est, quo ipsius Principis dignitas communicari videtur. qui honor nostra gr̃ate rarus admodum fuit, ac nō nisi summi fastigij viris haberi a Carolo solitus. A clari viri virtute & laudibus se se haudquaquam deflexuros Scipio, Ioannes Baptista, & Cēsar filij, & Petrus Franciscus, ac Georgius fratris filij egregia documēta dederunt. Ob quā a magnis Principibus accersiti honorificentissimis militaribus muneribus functi sunt. in quibus Petrus Franciscus apud Ioannem Austrium Principem celsissimum in tanta exultatione fuit, vt. ob eximiam & perspectā militarium & naualium rerum intelligentiam in intimam familiaritatē acceptus ad priuata interiora consilia adhiberetur.

IO FRANCISCI LEONIS.

*Eloquio capimur, bello expugnantur & urbes,
Vtraque in heroe hoc maxima pars ualuit.
Magne Ligur meritis par si fortuna fuisset:
Plus ultra iuissent Cæsaris arma tui.*

CAESAR FVLGOSIVS.

HAud pœnitendus filius Iano parenti Cæsar Fulgosius fuit stipendijs primum sub Venetis conditionibus

ditionibus honorificis factis, egregiaque illis ac fortinauata opera, quem Franciscus deinde Gallorū Rex ultro accersitum ita amplexus est, vt nemo Italorum altiore existimationis & gratiæ locum apud celsissimum & præpotentem Regem obtineret; equitatuq. Italico Præfectū multis insignibus militaribus facinoribus cōspectū ingētibz præmijs & fortunis honestauit; equestri quoq; torq. donauit. qui honor nō nisi Regij generis hominibz, aut magnę amplitudinis, magnęque glorię proceribus tum haberi solitus amplissimus existimabatur, nunc multitudine compotū vulgatus, ac tenuis fortis hominibus læuissimis de causis impartitus non ita magno in pretio est.

M. ANTONIUS CARRETTVS AVRIA.

MArcus Antonius Carrettus eximijs virtutibus suis effecit, vt in generis splendore, atque in tot maiorum stemmatibus exiguum nomen esset ad ipsum commendandum. Andreas quidem Auria vir ætolicus ingenium, consilium, audaciam, industriam, rerum naualium intelligentiam ita probauit, vt Cæsarianis classibus Legatum illum præfegerit. Cuius mādati muneris M. Antonius ita omnes partes impleuit, vt Andreas merita viri, egregiamque ac pergratā nauatam operam remunerans illum in nomē & familiam cooptatū Principatu Melphię donarit; & Philippus Christianorum Regum longe maximus & potentissimus

tentissimus sapiens Andree iudiciū secutus ultro euocatum, & ab omni eiusmodi cogitatione iam diu remotum inter tot summis contentionibus perhonorificum munus ambiētes in demortui Andree locum suffecerit; classiumq. suarum ac maritimarū rerū summum Præfectū crearit. Qui si diutius in eo imperio fuisset, in omnibusque, quæ sunt eius muneris magna & præclara, prouidendis & obeundis vim ingenij & cōsilij explicare potuisset, haud dubitatur, quin expectationi in ætatis floræ excitatæ, in ætatis robore responsurus fuerit.

IOANNES AVRIA.

Quæ securis Deus immortalis Genuensi nomini tum est iniecta, quantus gloriæ cursus est interruptus, cum Ioānes Auria inuidia & insidiis inimicorum circūuentus e mortalium oculis raptus est. Quem, si vita longior cōtigisset, omnes magni iustique Ducis numeros habiturum fuisse spem haud dubiam faciebat mira indoles tot expressis egregiarum virtutū signis se se indicans. Fuit enim in eo viro expeditus generosi animi vigor, summa viuidi ingenij vis, incredibilis in periculis capeffendis audacia, proutum in illis depellendis cōsilium, indefessa in rebus agēdis diligētia & vigilantia, inuicta in laboribus patientia, ea in ijs, qui sub illo merebant regendis moderatio, vt nullus Dux milites & nauticos socios imperijs

perijs obedientiores haberet. Quæ tot ac tam præclaræ virtutes ita omnium oculos in Ioannem cōuerterāt, vt nullius nomen aut hostibus formidolosius, aut amicis maiori esset fiduciæ. Turcis quidem terribilis esse cæpit cum Drogutem post Hariadenū Aenobardum extinctū clarissimi inter illos nominis maritimum Ducem astu superatum cepit. Feruor ille adolescentiæ, ac paulo ferociores spiritus, quod vnū in illo nonnihil offendere videri poterat, profecto in bonum vertissent, tempore ætatis ardorem mitigante, quodque redundabat, amputante, ac robore animi, a quo illa manabant, omnibus, quæ incommoda erant, expurgatis, sincero remanente. Ceterum dolor amissi Ioānis mitigatur, quod vna cum illo tot ac tantæ virtutes haudquaquam extinctæ sunt, quas nūc in Ioanne Andrea filio viuere ac vigere cernimus. qui in ipso adolescentiæ flore is extitit, qui parentē & patrum magnum non nomine tantum referat, sed virtutibus reddat. Cum Pagano quæque fratri singularis audacia præcellusq. animus nihil a parentis & maiorum contestata virtute degenerans feruore adolescentiæ ætate lenito magnæ amplitudinis, & gloriæ spem certam ostendant.

RAINALDI CORSI.

O quæ te dederant, sero si fata tulissent,
Quot foret imperijs clarior ora Ligur:

Hanc

Hanc tamen inuicti solatur dextera nati,

Quem præcepta tibi gloria certa manet.

Iamque illum experti iuuenem Thrax, Partibus, Arabsque

Et Libiæ, atque Asiæ littora nota timent.

Hoc auus, hoc genitor felix, qui nomina solus

Vtraque complexus, tam bene vtrumque refert.

IO. ANDREAS AVRIA.

Quo d perraro ætate prouectis vix contigit, vt
 magnorum & iustorum Ducum nomen mere
 rentur, id in ipso ætatis flore assecutus est. Ioānes An
 dreas Auria. Vt expectationem, quam tot maiorum
 illustrium virorum gloria perpetuusque gentilis splē
 dor, in primis vero Andree patrui magni clarissimū
 nomen concitarunt, nō modo sustinere & tueri, sed
 vincere quoque videatur. Eius siquidem virtus, in
 genium, cōsiliū, audacia ita enituerant, vt ex tot tā
 multarum nationū nostræ ætatis naualibus Ducibus
 neminem illo adolescentiam nondum egresso. sapiē
 tiorē aut intelligentiorē esse ab ipsis æmulis & in
 uitis confessionem expresserit veritas. neque a Chri
 stiano tantum orbe Ioannes Andreas suspiciatur, sed
 Turcis quoque adolescentis Ducis nomen (ita enim
 illum appellant) terribile esse constet. Quarum virtu
 tum multis locis egregiū specimen apparuit. Nam
 audacia & patiētia ad Pignoni se se indicauit in asper
 rimis

rimis & difficillimis quibusque ad periculum & laborem deposcendis, & alacriter obcundis. Et ingenium ad Oranum enituit, cū eius consilij auctor fuit, quod nisi alicuius siue inficitia, siue laudis obtrectatio turbasset, hostilem classem improviso deprehēdi & dele-ri potuisse, cōstanter creditū sit. Vtraque res conspēcta est in oppugnatione Melitensi, cū sese trirenibus delectum mille ducentorū hominū subsidium classe Turcica ostiū portus infidente in urbē introducturū professus est, explicatamq. rationē rei ad effectū perducendę probauit. quod consilium exequi prohibitus est, cum se Garcias eius capiti parcere dixisset. Sed nulla res æque conspectum facit, quam naualis victoria ex omni sæculorū memoria clarissima ad Echindas insulas a Ioanne Austrio inclyto & excelso Principe parta. in qua Ioānis Andrę uirtus ita eluxit, ut eius consilio magnam atque adeo præcipuam laudis partem inter ceteros Duces, qui Austriū secuti sunt, quique ex omnibus nationibus in ea classe fuerunt, deberi ipse Philippus Rex amplissimo litterarum testimonio confirmarit. quibus obtrectationem et inuidiam retudit. quę medijs intactis superiora tāquā ignis petere solita clarissimum iuuenem carpere non dubitauit. Verum quemadmodum fumus exiguum ignem obruit, idem ab ingenti emicante flamma discutitur, ita Ioannis Andrę coruscans gloria affusas tenebras fulgore suo depellit. Cui utinam ea uitā cō-

Y tingat

tingat lōgitudō, quæ Gen uā Patriā spei ex mira indo
le magnisq. ex inijs conceptæ compotem faciat.

RAINALDI CORSI.

Inuidit claro qui liquid fortuna parenti,
Obstitit aut, vir tus ne superaret aui,
Di ubi magne nepos, curæ est quibus alma propago,
Resque Italum, adiiciunt nominis auspicio.

ANTONII HORTENSII.

Auria ut in mensum tua gloria perculit orbem,
Utque patrem & patrum nomine reque refers,
Sic quod auis, atavisque tuis longa attulit ætas,
Id pubescenti fata dedere tibi.
Naupætus testis, scopulis & Echinades altis,
Testis & inuictos Austrius ante Duces.
Res gestas nomenque tuum maria omnia honorant,
Teque Ducem egregium fama loquetur anus.

DE

DE VIRIS PACIS
ARTIBVS ET LITTERA-
RVM COMMENDATIONE
INSIGNIBVS.



Ellicæ ac nauali Genuensium gloriæ; quæ post Carthaginensium & Romanorum imperium nulla gens clarior fuit, pacis quoque artes ac res ciuiles respoderunt, neq; eos minus togatos, quàm armatos floruisse, declarant magnorum honorum præmia omnibus modis Ligurum nationis hominibus tributa. In qua re cum Cardinales proximū a summis Pontificibus locum obtineant, nonnullos fore video, qui nostram rationem miraturi sint, quod illos armatis viris subiecerimus. quos non dubito nostrum consiliū, si quale illud fuerit cognouerint, omni prorsus reprehensione liberaturos. neque enim illos eadem classe, qua Diuos & Pontifices maximos locum & auctoritatem Diuini Numinis in terris obtinentes comprehendere potuimus, ne Cardinalium dignitatē Pontificibus tanto interuallo inferiorem illis æquasse videremur. Et si suum separatim locū Cardinalibus tribuissimus: illumq. Pontificiæ classi cōtinuassemus,

hæc togatorum virorum series ieiuna plane & obscura fuisset tot clarioribus luminibus orbata. Togatam porro virtutem armorum splendori de dignitate longe concedere, omnium sæculorum, omniumque populorum consensus (de exteris Christianæ veritatis & religionis expertibus loquor,) declarat: altissimusque gloriæ & dignitatis locus, quem in humanis rebus militaris virtus semper obtinuit. Quare fit ut cum militares viri ordine antecedere debuerint, existimandum sit, nos non Cardinalibus honoris titulo superioribus belli Duces anteposuisse, sed Cardinales cum togatis viris, in quibus illos obtinere principem locum facimus, apte collocasse.

M. ANTONII BOBBÆ. CARD.

IN OMNES CARDINALES.

Vestra ubi Letbæis facta inclyta merfit in undis,

Nomina molitur perdere tempus edax.

Aeterno occurrit calamo Folieta, suosque

Præsent! Cives vindicat interitu.

GVLIEL

165

C A L A R I O
GVLIELMVS, LVCAS, IOANNES,
LYDOVICVS, GEORGIVS FLISCI
CARDINALES.

Initium igitur faciētes ab vrbe Principe Genua, cū multotū ex ipsis Cardinalibus vita, mores, res gestæ ob uetustatem, scriptorumque luce carentes non satis explorate nobis essent, orationem in illis dilatare non potuimus, neque singulos suis elogiis persequi. neque enim quibus virtutibus, quibusque artibus illos inter se distingueremus, satis explicatum habebamus, cum tamen illud dubium esse nō debeat, quin spectata virtus & prudentia magnarumque ac sacrarum rerum scientia illos tanti honoris cōpotes fecerit. Hæc igitur nostra erit ratio, vt quorū res nobis sunt obscuræ, eos aceruatum vno elogio cōprehēdamus, ac nomina tantūmodo referamus. id quod de Gētis Fliscę Cardinalibus facere cogimur. quę nobilissima gens & pacis, artibus ac laudibus vt dignitate, ita tempore quoque ceteros Genuenses lōge antecedit. Neque idcirco exigua & coarctata videri debet nobilissimæ familiæ laus tamquā vnius elogij angustijs conclusa, sed cogitatione numeri eorum, quibus ad tam altum honoris locū virtus & merita ascensum dederūt, amplificata & dilatata. Sunt qui putēt ex hac familia plures, quam quos nominauimus, Cardinales extitisse. in nostram notitiam hi tātum venerunt, Gulielmus, Lucas, Ioannes, Ludouicus, Georgius.

gius. Quod si sacros quoque Antistites omnium ordinum, qui omnibus ætatibus ex hac gente prodierunt, stilo persequi voluissimus, nullum modum reperisset oratio. innumerabiles enim fuerunt; compluresque ex iis egregijs virtutibus clari, & peramplis publicis muneribus functi. quorum neminem attingere nominatim volumus, ne nonnullos extollendo, ceterorum gloriam odiosa comparatione tacite perstringere voluisse videremur.

Dum Sol plastra uebet, rutilo dum Sydera celo

Fulgebunt, rapidi dum fluet unda maris,

Semper in excultis hominum uersabere linguis

Flisca domus, patria gloria rara tua.

Pontificum solio duplici quæ ut sole refulges,

Purpureo seno lumine clara nites.

Nec non innumero sacrorum cineta coruscas

Agmine flamineo Sydera celsa petens.

Cælum flisca domus; soles duo, lumina sexque

Hic fulgent, circum sydera mille micant.

NICOLAUS FLISCUS. CARD.

AT Nicolaus, qui patrum nostrorum ætate floruit, vir fuit summa grauitate & sanctissimis moribus, acerque iurium Ecclesiæ propugnator, nullasque pro illis

illis quamuis magnorum virorum offensiones & similitates subire vniquam veritus. Quo perpetuo vitæ tenore, meritorumque gradibus cum ad summum auctoritatis & exultationis locum conscendisset, in Pontificijs comitijs antea actæ vitæ gloriæ clarissimum fastigium imposuit. nam cum magna suffragiorum pars in illum inclinaret, multique auctores essent, ut renitentes patres largitionibus ad se se attraheret, ingentemq; pecuniæ vim ea de causa a propinquis cōfectam & paratam ostenderent, vir integer in tāta religioni suæ proximus fuit. foedæ enim rei mentionē abominatus nefaria suadētes magna vultus & vocis acerbitate & contentione a se repulit, maiorem haud dubie gloriam ex Pontificatu repudiato, quam mul-
ti ex adepto consecutus.

RAINALDI CORSI.

O felix titulis, summisq; honoribus aucta

Gens Lanani, Genuæqua decus.

Auctior hoc uno, quod ne te in tempore nilis

Deciperet species, refugis.

Vilius an quidquam, quam quod uirtute parari

Conuenit, hoc pretio expetere?

Quodque homini totum Diuino munere constat.

Mobilibus dare diuitijs?

Atqui nec munus, nec dignum est numine quidquid

Largitio assequitur capida.

PAV.

SIGISMVNDI DONATI.

Aequoream Paulus classem ducturus in altum,

Hostibus atque suis damna daturus erat.

Illi autem tutis se continere latebris

Atque sibi tacita consulere fuga,

Atque ita dum pugnam detractauere, fatentur

Victos se unius esse timore uiri.

Quid faceret Dux iste manu fera bella capeffens

Hostem si solo nomine terre facit.

FRIDERICVS FVLGOSIVS CARD.

AT Fridericus Fulgosius tanto viro Octauiano
haudquaquam pudendus frater fuit, quamquam
ingenio longe diuerso. quod in Octauiano mite &
clemens fuit, at in Friderico vehemens & impotens,
atque ideo a moderatione Octauiani sæpe recedens,
peracre tamē & præstans, in magnisq. rebus tractan-
dis perpetuo versatum. in quibus magnum vsum &
intelligentiam consecutus est. Accessit ad hominem
commendandum multiplex eruditio, sacrarumque
rerum haud mediocris cognitio. vt nobile hoc fra-
trum par illud extiterit, quo nullius nomen ab egre-
gijs nostræ ætatis grauissimisq. scriptoribus magis
celebratū sit. Illud vero solidæ, neq; fucatæ, aut adū-
bratæ virtutis rarum specimē fuit, quod humanos ca-
sus, fallacesq. hui⁹ vitæ fluxæ & caducæ spes scū re-

Z putans;

putans; mente Diuinitus monita, rationeq. vitæ cōuerſa ſaſtui & ambitioni ſeſe ſubtraxit, a ciuilibusque muneribus & contentionibus procul abſceſſit, ac Diuino cultui ſe totum dedit, negotijsque Aulicis pluri-
ma ſalute dicta ad gregem ſibi comiſſum paſcēdū Eugubium conceſſit. in quo regendo ita omnes dili-
gentiæ, continentia, pietatis, liberalitatis in egētium inopia ſubleuanda partes impleuit, itaque eius virtus & religio eluxit, vt non Italia tantum finibus conti-
neretur, ſed toto orbe peruagata ſit, aduerſarij q. ipſi noſtri hunc virū in perpaucis illis numerarent, quos ſolos Episcoporum nomine dignos ducerent. quæ laus ab inuitis præſertim & ſacerdotalis ordinis perpe-
tuis obſectatoribus & inſectatoribus expreſſa quā-
ta ſit, facile intelliget, ſi quis cogitauerit, quantum ſit Episcopis impoſitum onus, cuiusque muneris colen-
di cauſa ſit inſtitutus Episcopus. Nec minus conti-
nentia animiq. omnem ſaſtum contemnentis ſignū expreſſit in Cardinalatus honore vltro delato recu-
ſando, quē retractans ac gemens accepit Paulo Ter-
tio pro imperio, ac pro iure ſacroſanctæ poteſtatis cū illo agente, pœnasque in contumaces & dicto nō au-
dientes ſtatutas comminante. Verum cum multa Ro-
mæ offendiſſet, quæ minus illum delectarent, ipſeq. libertatē ſuā in ſententia dicēda cū officio ac pietate conuinctam nō ſatis placere intelligeret, iterum reli-
cta Aula ad priuatam eccleſiam regendā reuerſus an-
teactæ vitæ curſum digno exitu concluſit.

FVLVII CARDVLI.

Quæ te Musa libens tacitum Fulgore relinquat,
 Inferior meritis sit licet illa tuis:
 Non pia vita minus, quam te cognomen honorat,
 Nomina conueniunt moribus apta probis.
 Fulgebas quondam terris virtute opibusque,
 Et sophia, & titulis, murice clarus, auis.
 Nunc cælo fulges ipsis fulgentior astris,
 Agnoscit sydus patria læta suum.

LAURENTIVS CIBO CARD.

L Laurentium & Innocentium Cibo Cardinales cū
 propriæ virtutes, tum generis nobilitas, & claræ
 propinquitates ab obliuione hominū vindicant. Gē
 tile enim habent Pontificium decus Innocētij Octa
 ui nepotes & clarissimæ Medicinæ gētis affinitate præ
 fulgent. in qua gente maximum, atque haud scio, an
 præcipuum fuisse dicam Italiæ ornamentum. quippe
 quæ præter ceteras amplissimas laudes illam præclaris
 artibus exornarit. quas ex altissimis tenebris, quibus
 innumera sæcula obrutæ fuerant, in lucem extraxe
 rit. ceterum vtriusque suæ sunt propriæ commenda
 tiones. nam Laurētiū religionis fama in primis cla
 rus fuit, qui sacras cellas multas extruxerit, ac peram
 plis vectigalibus dotarit, naturaque ita mihi tantaque

morum comitate & suauitate fuerit, vt omnibus charus & acceptus in principibus Cardinalibus numeretur.

PANDVLPHI GHIRLANDAE.

Insignis pietate uiret Laurentius æuo

Omni. quem Patrem purpura condecorat.

Illius nomen non ulla aboleuerit ætas,

Quod sacris crescit cum ædibus innumeris.

INNOCENTIVS CIBO.

AT Innocentius magnum ingenij specimen edidit in rebus Florentiæ Alexādro interfecto ad tumultum spectantibus pacādis, caussisque magnorum motuum præcidēdis. vt appareat illum ad Rēpublicam gerēdam in primis idoneum futurum fuisse, ni otium vitæ a cōtentionibus remotę nimiū amplexus procul a Romana Aula maximam ætatis partem egisset.

PANDVLPHI GHIRLANDAE.

Cæsus Alexander cum esset, rerumque nouarum

Florentine metus, sustulit ille Cibo.

Quem facit ingenium clarum, sacra purpura, mores

A summo decore Pontificiūque genus.

ANTO-

ANTONIOTTVS ET IO. BAPTISTA
PALAVICINI CARDD.

MVtuis sese ornamentis, redundantibusque alte-
rius in alterum laudibus illustrât Antoniottus
patruus & Io. Baptista fratris filius Palavicini Cardi-
nales diuerso virtutum genere ac diuersis vitæ insti-
tutis commendati. summa enim grauitas, pruden-
tia, consilium, integritas Antoniotti ita eluxerunt, vt
vacuo folio in Pontificijs comitijs multos ex candi-
datis dignitate longe antecederet, propeq. sit factû
vt ad Apostolatus fastigium perueniret, multorû pa-
trum consensu meritis & prospectæ virtuti summum
locum illi destinante. Verum Pontificiæ ditionis par-
tim e Tyrannorum, partim ex exterorum Principû
manibus extortæ & recuperatæ gloria fatali Iulij in-
genio Diuino consilio reseruabatur. Neque tamen
Antioniotti Pontificatu præteriti opera in maximo
& grauissimo omnium negotio non Christianæ Rei-
publicæ utilis fuit. Legatus enim ad Ferdinandû His-
paniæ, & Ludouicum Galliæ Reges de pace inter il-
los componenda missus est, in celebri illo Saonæ cõ-
uentu, quo omnium fere Christianorum Procerum
concursum factus est ad tantum spectaculum oculis
perfruendum. neque enim quidquâ conspectius es-
se poterat, quam duos maximos omniumque potẽ-
tissimos Reges, qui omnia Christiani orbis consilijs
suis

fuis traherēt, totius Europę nobilitate stipatos in exiguā vrbe coniunctos eodem contubernio eademq. mensa vrentes intueri, Legatumque Pontificium sacra purpura fulgentem inter tantos Reges medium considerare. Antoniottus igitur in tantorum Regum animis tractādis & permulcēdis ita se gessit, vt haud paruum momētum in illius moderatione, lenitate, sapientia ad summorum Principum animos inter se conciliandos fuisse existimetur. At Ioannes Baptista eximia Pōtificii, & Cæsariani iuris scientia præditus per omnes forensium honorū gradus, in quibus eius doctrina, ingenium, industria multos annos elaborauit, ad amplissimum ordinem peruenit, in quo cum haud diu fuisset, humanę cōditionis necessitate sublatus est, vt eius virtus minus in Cardinalatu enituerit. Ceterum cuni magna fortuna offensionibus sit obnoxia, factum est, vt vir amplissimus obrectatorum liuorem non effugerit, aspero carmine ac virulentis quamuis non iniucundis salibus resperso ita perstrictus.

Cui ligur est genitor, genitrix cui Græcia, ponto

Qui medio est natus, vir bonus esse potest.

Ni uani Ligures, si non sit Græcia mendax,

Ponto si qua fides, vir bonus esse potest.

Quo carmine tantum abest, vt quidquam de viri clari fama detrahatur, vt illa potius augeatur. qui enim

enim vitam & mores hominis carpere nō potuit, falsa coniugia in genus & originē intorsit. Quis enim nescit Grāciam omnis sapiētiæ omnisque doctrinæ & eruditionis parentem & altricem mortaliū ingenia egregijs artibus ad humanitatē excoluisse? Neq; summus Poeta Ligures vanitatis aut animi frustra elati ipse arguit, sed maledictū a maleuolo hoste coniectum persona illius inducta refert: qui sententiam suam de Liguribus declarauit, cum illos inter nationes, quarum virtute Italia illustretur, connumerat.

Assuetumque malo Ligurem, pubemque Sabellam.

Et T. Liuius Ligures natos dicit ad militarem disciplinam inter reliquorum interualla bellorum Romanis continendam, adeo viuida gentis ingenia nullis cladibus frangi poterant, quin ad libertatem recuperandam nouis semper motibus consurgerent. ex quibus igitur rebus maleuolus Poeta inuidiam Ligurum genti studuit conflare, ex ijsdem contraria gloria ita colligi potest.

Cui Ligur est genitor, genitrix cui Græcia, ponto

Qui medio est natus, uir malus esse potest?

Nonne malo assuetus Ligur est? sapientia nonne

A & rais? nonne est? Venus orta mari?

Egregiorum hominum ferax fuit gens Palauicina, compluresque sacros Antistites tulit probitate & prudentia conspectos. in quibus Petri Francisci & Cypriani virtus enitet. quorū ille Alerie Episcopus
dum

dum in pastoris muneribus obcundis nihil sibi par-
cit, morbo ex Corsicæ noxio calo contracto deces-
sit. Hic Genuensem Ecclesiam Archiepiscopus regit,
quaque disciplina sibi commissos sacerdotes forma
re contendit, eius ipse præclarum specimē vita & mo-
ribus exprimit. Petrus Franciscus peracri & viuīdo
ingenio fuit eximius Pontificij & Cæsariani iuris in-
terpres, neque elegantis eruditionis expers, Cypria-
nus primos annos politiorib⁹ litteris & Philosophiæ
studijs dedit, mox sese ad sacram doctrinam conuer-
tit, in qua haud contemnendos habet processus.

BENDINELVS SAVLIVS CARD.

IN Auspicatus gēti Sauliæ opibus florēti sacræ pur-
puræ honor fuit, quo Bendinelus a Iulio Secundo
donatus est, neque dubitatur, quin magni nominis
Cardinalis euasurus fuerit, ni ab indignatione se se
in nefarij consilij contra Pontificem initi societatem
præcipitem dedisset. Viuido enim & præstanti inge-
nio fuit, neque politiorum litterarum rudis. quas in
alijs quoque amauit, & amplexus est. quippe qui lit-
teratos homines in familiaritatem acceptos aluerit
& fouerit. in quibus fuerunt Ioannes Maria Cata-
næus, qui in heri gratiam urbem Genuā eleganti poe-
mate descripsit & laudauit, ac Paulus Iouius, quo ne-
mo in prophanis rebus plura scripsit, aut magis no-
stram ætatem scriptis suis illustrauit felicissima rerum
copia,

copia, ingenijq. vbertate, ac stili sublimitate omnes profecto superaturus, nisi ingenio nimiū indulgens, dum scribendi impotenti auiditate veluti rapidissimo æstu effertur, in scriptis suis limandis ac poliendis supine negligens interdum fuisset, vt fluere lutulentus aliquando existimetur, quæ res magnum deilius gloria cumulum deijcit.

Inuida Virtuti mala fors cum cerneret in te

Ingenium & dotes eximias animi.

Non tulit, atque tuis successibus obstitit, ausa

Ad decus intentum continuisse gradum.

Felix, si quo cæpisti dare uela per altum

Hoc ires cursu tuque tuumque decus.

Nam uirtus cum purpureo te ornauit amictu

Promisit triplex tum diadema tibi.

At fors, quæ meritos olim subtraxit honores

Non potuit superis te prohibere choris.

Hic tu Cælestes inter sanctumque Senatum

Spernis opers, auri pondera, regna, decus

AVGVSTINVS SPINVLÆ CARD.

DVæ sunt omnino Reipublicæ gerendæ artes. quarum illa præstantissima est, quæ consilia publica regit, quæ de magnis rebus, de bello, & pace susci-

A a pienda

pienda & pouenda, ac de summa Republica delibe-
 rat, quæ leges condit, quæ iudicia exercet, quæ exer-
 citibus præest, remque militarem administrat, Secun-
 das dignitatis partes obtinet illa, quã recte *Quæsto-*
riam vocaueris. Huius munus est ærarium conserua-
 re, vectigalia publica tractare & augere, frumẽta, cõ-
 meatus, annonam, commercia prouidere, rem pecu-
 niariã expedire, necessarios apparatus, bellica instru-
 menta, stipendia exercitibus suppeditare, eiusmodi-
 que alia multa gerere & procurare. Primam illam,
 quæ altissimũ locum in humanis rebus obtinet, haud
 sane Augustinus Spinula magnopere attigit. at in se-
 cũda ita versatus est, vt in primis nostræ ætatis homi-
 num excellere existimatus sit; ex eaque sibi ad ma-
 gnos honores, postremo etiam ad sacram purpurã
 gradum fecerit, amplissimumque Romanæ *Quæstu-*
ræ magistratum, quẽ *Camerarium* vocant, obtinue-
 rit, vir frugi & in quotidiano quidẽ cultu, qui tenuis
 & ab omni luxu & splendore abhorrens fuit, parcus,
 ceterum in hominum inopia subleuãda, amicis, cliẽ-
 tibus, familiaribus opibus augendis, quæ longe cla-
 rior laus est, large munificus. Atque vtiã Andreas
 Spinula honorificentissimo Decemviri Romanæ
Quæsturæ Magistratu, quem clericũ *Cameræ* vocat,
 perfungens vt ingenio, doctrina, virtute sua se se am-
 plissimo ordine dignum ostendit, ita amicos & clien-
 tes breui votorum susceptorum damnet.

C L A R I.
ANDREAE SPINVLAE.

179

*En Augustinum quamquam Zenone carentem
Sedulitas animi viuida, et unica gens
Spinula prouexit veterum ditissima laudum,
Seu genuit claros, seu genita est Ducibus
Quo uim consilij testetur purpura Romæ
Ad cælum illustres posse vocare viros.*

HIERONYMVS GRIMALDVS CARD.

MUltis grauibusque de causis mihi tamen haud
fatis compertis Hieronymus Grimaldus e pri
uata vita euocatus a Clemente VII. in amplissimum
Cardinalium collegium cooptatus est, uir integer,
& in sententia dicenda libertatis & senatorij officij
memor: Grimaldæ igitur gentis nobilissime & præ
potentis atque opibus florentis, castellorumque &
& populorum veteri dominatu insignis, quæque in
quatuor illis numeretur, quæ turbulentis Reipubli
cæ tēporibus, tum cum omnia Gibellinarū & Guel
farum factionum studijs arderent, capita rerum Ge
nux fuerunt, Regnumque in Patria diu possederūt,
Hieronym⁹ nouo hoc honoris titulo stēmata auxit.

HIERONYMVS AVRIA CARD.

REs diu ac multum quæsitæ est; magnisque dispu
tationibus iactata, in laude ne an in vitio ponē-

A a 2 dum

dum sit illorum consilium, qui procul a Republica, ab omnibusque publicis muneribus abscedentes in priuatæ vitæ otio omnem sibi ætatem agendâ decreuerunt. Sunt enim qui id vel eorum hominum esse dicant, quorû mentes exiles & angustæ splendorem illum & dignitatem, qui est in Republica gerenda, egregiaque honoris & amplitudinis præmia, quæ vitam illam consequi solent, capere nō possunt, quique humiliter & demisse de se sentientes nihil amplum aut magnificum possunt spectare; nullamque eminentem virtutis imaginem intueri, atque idcirco sese illi oneri subtrahunt, cui propter imbecillitatem se impares intelligunt, vel eorum, quibus voluptaria vita ac mollis cordi est, quique libidibus dediti nullis se molestis negotijs velint implicari, quæ ipsos a voluptatibus omnibus sensibus hauriendis, in omni que vita persequendis interpellent. At nonnulli, ijque nō indocti longè contrariam disputandi rationē ingressi, magni & excelsi animi esse statuūt, omnia humana, omnesque honores, & omnem vitæ huius fastū subter se positum existimare; prudenterq. facere eos cōtendunt, qui vitam illam dissidiorum, simultatum, contentionum plenam, ad hoc inuidiæ, obtrectationi, calumnijs obiectam vitent, summæque sapientiæ esse affirmant, graues horribilesque casus eorum, qui vitam Aulicam amplexi sunt, ac domorum & familiarum euersiones secum reputantem, ab illis turbulentissimis molestiarum tempestatibus, quibus ea vi

ta infesta est, quibusq. multos sæpe obrutos vidimus, in tranquillum priuati otij portum confugere. mirisque proinde laudibus extollunt vetus illud Græcorum dictū *ἀνδραβίονος*. Nos rem ambiguam & cōtrouersam ex hominum, qui alterutram vitam sequuntur ingenijs existimādā ducimus. eosque, qui ijs, quas modo commemorauimus, de causis priuatæ vitæ tranquillitatē Reipublicæ gerendæ dignitati præferunt, non quidem magis laudandos, aut ijs anteponendos existimamus, qui omne consilium suum, ingenium, operam patriæ ac Reipublicæ nauandam censent, sed excusandos ac nonnumquam etiam imitandos. Qualis fuit Hieronymus Auria Cardinalis. in quo viro tantum robur animi & consilij fuit, vt illum ignauia ac desidia, aut nequitia procul a Romana Aula ætatem egisse nemo, cui vir ille notus fuerit, dicere audeat. quippe qui antequam in Andreæ Auriæ gratiam a Clemente VII. in Senatum lectus esset, multa ingenij, consilij, prudentiæ in Republica Genuensi in vario munerum genere administrāda, egregiaque documenta dederit, vt a spectata virtute dignus habitus sit, qui esset in duodecimuiris legū ferēdarum, & status rerum emendandi ac constituendi. in quo munere obeundo opinionioni hominum abunde respondit. Talem igitur virum quis non sapienti consilio ac meditata ratione Aulam, atque illas contentionum procillas putet vitasse?

TOt tamque eximia virtutes nomen tuum com-
 mendant Ioannes Baptista Cicada, vt difficilius
 sit in tuis laudibus exitum, quam principium inueni-
 re. Quid enim in te primum mirer? præstantē ne do-
 ctrinam? an ciuiliū rerum cognitionem? vt nihil
 esset in vsu Romanæ Aulæ positum, quod tuam scien-
 tiam effugeret? an acerrimam illam cælestis prope in-
 genij vim, sollertemque quandam mentis aciem ad
 omnia quamuis ardua & implicata expediēda, & ad
 exitum perducenda? quibus virtutibus id assecutus
 es, vt Regnum in rebus forensibus, dum vixisti, ob-
 tineres, nullaque magna res esset, quam non de tuo
 consilio Romani Pontifices gererent. Vt etiā ij, qui
 tibi parum æqui fuerunt, te ad magnas deliberatio-
 nes adhibere cogerentur? an fidem & constantiam
 in iustitiæ & oppressorum defensione, vt nullam vm-
 quam pro amicis & clientibus dimicationem recusā-
 ueris? quorum firmissimum præsidium & columen
 semper fuisti: nemoque in tuam opem & tutelā con-
 fugerit, quem sineres eueri, quemque non honori-
 bus & fortunis auctum reddideris. In me quidem ea
 tua sunt merita, vt Nunimis cuiusdam venerationē
 apud me obtineas. Quibus quam aliam in præsen-
 tia, quam eam, quæ facultatis nostræ est, hoc elogio
 gratiam referam? cuius ea erit clausula, sacræ purpu-
 ræ amplissimum honorem tantorum meritorum mi-
 nimi

nimi pretij instar fuisse: Vnum nobis in tanto mœro
re reliquum est solatium Carolus patris filius Ingau-
norum Episcopus minore ingenio vir . qui vt te vir-
tutibus reddit, ita honoribus quoque subsecuturus
existimatur . Cuius rei haud dubiâ spem facit, quod
iam a Gregorio Tertiodécimo sapientissimo Princi-
pe ad grauissimas Reipublicæ partes gerendas adhi-
beri cepit .

ANTONII VACCAE.

Quis tua quam fuerit uiuax & seruida Virtus

Dicat, & ingenium magne Cicada tuum ?
Impiger ethereos meat vt sol aureus orbis ,

Omnia collustrans calfaciensque simul ,
Sic tua mens uelox ima & sublimia rerum

Officij constans, propositique tenax
Lustrauit fouitque bonos super omnia amicos ,

Et tulit , vt cælum creditur altus Atlas.

Mirus in aduersis rebus mirusque secundis

Vera in te fulsit Iustitia & Pietas .

SIMON PASQUA CARD.

QVæ duæ res in vnum eundemque hominē con-
uenire perraro, ac vix vñquam solent, præstās
ingenium, & summa animi moderatio, ex ambæ in
Simone Pasqua ita enituerunt, vt de illō ornādo, cer-
tasse

tasse videantur. Nam & in Philosophiæ studijs, quibus primæ ætatis tempora in Gymnasijs publicis dedit, ita excelluit, ut in nostræ ætatis philosophorum principibus numeraretur. quam haud exiguam laudem cumulabant singularis morum facilitas, miraque naturæ comitas, ac sermonis affabilitas. quibus virtutibus cū formæ dignitate cōiunctis voluntates & studia hominum ita ad sese attrahebat, ut apud principes viros, quorum frequenti cōsuetudine vsus est, in gratia & in honore semper fuerit. Et virum tātis ingenij & industriæ præsidijs ad maxima quæque gerenda instructum priuatæ vitæ otium ambitionis studijs, & honorum cupiditati anteposuisse, proculque a publicis muneribus & ciuilibus cōtentionibus quietam & tranquillam ætatem egisse, summæ moderationis, excelsique animi, atque humana despicientis, infraque se posita putantis præclarum specimen fuit. quamquā honores & legationes ad maximos Principes publice sibi in patria interdum mandatas declinare non potuit. in quibus obeundis & magnam a Principibus, ad quos missus est, gratiā inijt, & apud ciues suos haud exiguam laudem peperit. Quibus rebus id affecutus est, ut honores, quos numquam quæsiuit, illi sint ultro delati. Neque enim Pius Quartus acer ingeniorum existimator passus est, virtutes familiari vsu perspectas debiti honoris luce carere. qui simulatque Pontificatum inijt, Simonem e patria euocatum Episcopalibus insignibus ornauit. ad quod

quod munus colendum cum sibi alia praesidia adiungenda intelligeret, Simon vir Graecarum litterarum scientissimus, omnique eleganti eruditione perpolitus sacrae doctrinae studia maiore opera repetijt; vuidique ingenij felicitate breuissimo temporis curriculo ad summos peruenit. quae res ceteris diuturni laboris, ac temporis esse solet. cuius rei periculum factum est in Concilio Tridentino, quo ab eodem Pio septuagesimum annum natus missus egregium ingenij, doctrinae, pietatis, religionis in celeberrimo Christiani orbis Theatro specimen dedit. Multiplici igitur doctrina, innocentia, prudentia, integritate commendatus Simon ab eodem Pio in Cardinalium ordinem summa cum omnium bonorum letitia cooptatus, Genti suae Pasquae, quae complures Nobiles & insignes viros patriaeque in primis viles tulit, aditum ad tantum honorem Princeps reserauit. qui in tanta dignitatis sede locatus is statim apparuit, ut omnes statuerent, amplissimo honore non tam praemium meritis debitum persolutum, quam ex illo ad sublimiora Simoni gradum factum, quam expectatione mors Romanae Aulæ acerba, suis luctuosa, bonis omnibus grauis elusit.

M. A N T O N I I B O B B A E C A R D :

Egregio Pasquam finxit Deus ore Simonem,
Eximijque animum virtutibus imbuit, ut quas

Bb

Condis

Condidit insignes præstanti in pectore dotes,
 Protinus exprimerent oculi sub fronte decori.
 Ingenuæ liquidæ seu pictæ corallia fulgent
 Crystallo, nullam rosei perpeffa nitoris
 lacturam, mittuntque suos illæsa colores.
 Illustri quantum is patria, celeberrima tantum
 Vrbs ligurum claro felix lætatur alumno,
 Consiliumque, operamque baud raro experta fidelem.
 Quem modo purpureo ornatum uenerata galero est
 Inclyta Roma sacri columnæ decusque Senatus,
 Virtutis propriæ nitentem fortibus alis,
 Dum sublime uolat, mors abstulit inuidia terris
 Ingenio pollentem acri, uiridique senecta.

HIPPOLYTI CAPILVPII.
 EPISCOPI PHANENSIS.

Felix qui potuit naturæ discere leges,
 Immensumque uagi noscere solis iter.
 Sed longe ante alios felix, qui colligit alto
 Missa polo e sacris aurea dona libris.
 Sed te Pasqua nequit dici felicior alter.
 Qui vi Diuinæ mentis utrumque facis.

BENEDICTVS LOMELINVS CARD.

IN Benedicto quoque Lomelino amplissimo elo-
 gio ornâdo nō plus me studijs, quæ illi pro egregijs
 in

in me meritis summa debeo, quam veritati tribuisse testis est Romana Aula, cui hominis virtutes per tot annos sunt spectatae. æque enim hūc virum ingenij atque voluntatis bona commendant. Nam in Pōticiij & Cæsariani iuris scientia ita excelluit, vt adolescentiam nondum egressus, quod tempus ceteris ad pediscendū datur, illius interpretādi ac docendi munus publice mandatum summa cū ingenij ac doctrinæ laude sustinuerit. nec minores sunt integritatis & innocentiae laudes. quibus accedūt mirus animi candor, naturaque simplex & aperta, nullaque malevolentia infuscata, quoque nihil ex omnibus humanis rebus præstabilius est, ad bene merendū de omnibus, quicunque in illius opem confugiunt, in primis pro pensa. comitantur incredibilis facilitas ac morū suauitas, singularisque humanitas. quæ summæ & præstantes virtutes cum relicto Gymnasio ad gerendam Rempublicam accessit, illū per omnes honorū gradus ad Cardinalatum tandem extulerunt. quem ille honorem in gentem suam Lomelinam nobilitate & opibus perpetuo florentē primus intulit, vt plus huic viro illius maiores, quam ipse illis debere videantur, maioraq. ipse illis ornamenta dignatione sua reddidisse, quam quantum ipse ab illorum splendore acceperit commendationis.

FVLVII CARDVLI.

Haëtenus & *sophiæ studijs florebat, & armis*

Lomelina opibus gens, atavisque potens.

At sacra, quæ clarum decoraret purpura nomen,

Deerat adhuc, ætas hanc quoque nostra dedit.

Dotibus en præstans animi; donisque Mineruæ,

Et magnis maior iam Benedictus auis

Auget honore domum, mitraque insignis, & ostro

Quæ superi debent, huic potiora stabunt.

IOANNIS CARGAË.

Inter opes atque arma, quibus terræque marique

Lomelina domus clara potensque nitet,

Primus Romano fulget Benedictus in ostro

Insignis sacra purpureusque toga.

Cedite opes atque arma nouus cen lucifer orbi

Aditus omne suis hic decus auget auis.

Illi magnanimis titulos heroibus æquant,

Hic ualet in terris proximus ire Deo.

VINCENTIUS IUSTINIANVS CARD.

EA dedit Vincentius Iustinianus in magnis rebus
gerendis eximæ virtutis documenta, ita se in
magnis procurationibus administrandis maioribus
dignum semper ostendit, vt Cardinalatui, qui honor
in sacerdotum Republica proximum a Pontifice Ma

ximo

ximo dignitatis locum obtinet, non minorem reddat splendorem; quā ipse ab illo illustretur. Huius enim viri tanta uis ingenij & cōsiliij fuit in Dominicano ordine, cui duodecim annos summus Magister præsuit, cum octauum & trigessimum agens annum ad eū locum peruenisset, moderando, ut ex multorum sæculorum memoria eum ordinem neque pacatiore, neque maiore in cōcordia & charitate inter se fuisse cōstet. quæ res quantæ virtutis ac prudentiæ fuerit, facile intelliget, si quis secum reputauerit, quā lōge lateq. fasus sitis ordo, quippe qui omnes Christianas prouincias amplissimis cœnobijs occuparit, quot ex nationibus, quamque ex varijs hominum ingenijs cōstet, quorū viri in illo sint genere & doctrina præstantes. quæ res animos hominum inflare & ad imperia contumaces efficere solent, quam dissidentia inter se studia in eo esse necesse sit. Quis igitur uersatile Iustiniani ingenium ad omnes hominum naturas tractandas aptum non admiretur? Illud vero longè mirabilius ac pene Diuinæ laudis specimē fuit, quod in tam contrariis inter se voluntatibus hominum regēdis & moderandis, in tantaque mole sustinenda nemini offensum gratiam omnium partium ac uoluntates tenuit, inuidiamque & obtrectionem perpetuas eminentis uirtutis & gloriæ comites Iustinianus magnitudine sua obruit. Neque vero laudibus in Dominicano ordine regendo ceteræ res gestæ nō responderūt, aut minorē in maximis & grauissimis Christianæ Ecclesiæ

clēsiæ negotijs, prudentiæ, cōsiliij, ingenij vim expressit. quippe cui⁹ in primis indicio, opera, industria, in rebusque ducendis lenitate in Tridentino Consilio, quo quidquid floris Christiana habuit Respublica, constat conuenisse, Legati Pontificij in arduis rebus expediendis vsi sunt, eoque interprete quamplurima grauias & impedita negotia trāsegerunt. vt nullius omnino maiora operæ pretia aut merita cōstet extitisse. Nec parum clarissimi viri laudes cumulat Legatio ad Philippum Regē celsissimum de maximis & arcanis rebus obita, quo munere dum fungitur, absens Cardinalis est factus.

HIPPOLYTI CAPILVPII EPISCOPI
PHANENSIS.

Vincenti egregio sic enitet aurea virtus

Ore tuo, ut puro lucida gemma uitro.

Nec fuco aut maculis respersa apparuit umquam

Ceu sol qui nitidum fert sine nube diem,

Quaque uigil fleclis Diuinæ lumina mentis,

Illa tibi semper præmia monstrat iter.

Perge viam, non fortunæ super ætheris ora s

Te rota, sed virtus te tua sola nebit.

ANTONII HORTENSII.

Quis te, magne pater taceat, quis laudibus æquet

Virtutem paribus Iustiniane tuam?

Te

Te stupuere senes iuuenem, dum legibus ornas,

Dum sancta cobibes religione pares.

Te Rex Hesperia, te concio Dia Tridenti

Eloquio sensit, consilioque parem.

Nunc o purpurei salue pars magna Senatus,

Perge decus meritis hoc decorare nouis.

FVLVII CARDVLI.

Tu quoque Vincenti clarissima fama tuorum

Multiplo magno nomine uincis auos.

Te sibi religio primis sacrauit ab annis,

Ordinis illa Ducem, legit & illa patrem,

Consilij & docti testis caduceus oris

Misit ad Hesperij sceptrum superba Tagi.

Absenti vaticanus largitur honorem

Sponte parens, Tyrius tempora cingit apex,

Curia gratatur reduci tibi, Roma precatur.

Quod superest, tribuent Numina, Vine diu.

XYSTVS, GALEOTTVS, CLEMENS

ROBOREII CARDD.

GENUſibus ciuibus absolutis, vt ad reliquæ Ligu-
 riæ Cardinales descendamus, quid clarissimæ ge-
 ni Roboreiæ abesse dicemus de maximis omnis gene-
 ris ornamentis? Si enim clarissima mortalium rerum
 spectemus duos Pontifices Maximos tulit egregijs
 ambos

ambos virtutibus conspiciendos. Iulij quidem virtus Pōtificio solio ita honorifica & vtilis fuit, vt qdquid Romana Ecclesia ditionis prophanę nunc possidet, id fere eius laboribus & constanti virtuti debeamus. Si ad militarem gloriam animum conuertamus, summum eius laudis fastigium etate nostra Frāciscus Maria Dux Vrbini tenuit. Si ceteros sacros ordines cogitatione complectamur, præter innumeros Episcopos sex habuit Cardinales, Quorum quatuor Ligures ciues Saonenſes fuerūt. omnes amplissima fortuna vſi Xystus, Galeottus, Clemens, Leonardus. Xystum & Galeottum fratres clarissimi generis splendor & amplissimus sacrę purpurę honor ab obscuritate eripit, ceterū nō sane amplam materiam scribingentibus præbent. Cuius rei in altero morbus, in altero brevis etatis cursus causa fuit. Xystus enim cum acerrimis podagrę doloribus continenter vreretur, procul ab Aula & a publicis muneribus abſcedere coactus omnem fere ruri ætatem egit. Galeottus in ipſo ætatis flore immatura morte sublatus est, vir litterarum politiorum non omnino rudis, extant nonnullæ odę populari lingua ingenij indices. insignis huius viri liberalitas ac Regia magnificentia cum erga amicos, tum in quotidiani cultus splendore in primis conspecta est. His additur ex eadem familia Clemens, cuius memoriã quibus priuatim ornamentis decoraremus, inuenire non potuimus. Tres igitur hi viri vt nomine ita elogio coniuncti erūt, quod quibus moribus quibusue rebus

rebus gestis illos inter se distingueremus, nihil sane nobis appareret.

LEONARDVS ROBOREIVS CARD.

AT in Leonardo ornâdo fortuna & natura inter se certasse videntur, si ethnicorū more loqui velimus. nam hanc fortunæ vocem a Christiana professione abhorrere non sum nescius, quæ hæc & cetera omnia Diuinę voluntati merito attribuit. adeo quid quid boni vtraque habuit, in illum cumulate congestit. nam illa clarissimi generis nobilitatem, amplissimas opes, summos honores dedit; hæc præstans ingenium, egregiamque ac Diuinam quandam animi indolem contulit. Eximia enim in hoc viro fuit Pontificij & Cæsariani iuris scientia, sanctissimi mores, perpetuusque vitæ integerrime actus cursus, duæque in illo ingentes virtutes in primis conspectæ sunt, eximium iustitiæ studium, ac singularis misericordia excellensque in egentium inopia subleuanda liberalitas. quæ virtus inter Christianas altissimum locum tenet. quarum virtutum multa in omni vita clarissima edita sunt documenta, nos vtriusque singula exempla protulisse contenti erimus. nam cū supplicibus libellis, tam ijs, qui ad forenses res, regendas, quam ijs, qui ad beneficiorum distributionem pertinent, multos annos præfuisset, in eoque munere fungendo caste integreque perpetuo esset versatus, quidamque ex cubi-

C c ularijs,

cularijs longa & intima familiaritate illi in primis acceptus illum commonefecisset, etiam atque etiā animaduerneret, quæ enim in libello oblato continebantur, ea rem fratris oblique attingere, hominem verbis male acceptum oculis & auribus aspernatus, facesse, inquit, protinus e conspectu meo scelestè, quiq; tantum nefas mente concipere ausus sis, ut plurius esse apud me ponderis fratris respectus quam iustitiæ studiū suaderes, hominemque domo exegit. Et mortuum Leonardum miserorum & egentium parètem, pauperes diu multumque luxerunt.

CAROLVS DOMINICVS CAR-
RETTVS CARD.

QUot Deus immortalis, quantæque laudes Caroli Dominici Carretti nomen verèdum faciunt. nam ad præclari & peruetusti generis nobilitatem accesserunt immensæ opes. quæ res cum per se ad homines illustrandos satis valeant, tamen tanta est in Carolo clarissimarum virtutum gloria, ut illarum splendore reliqua amplitudo pene obscuretur, fortunæq; & generis commendationes animi & ingenij bonis obruantur. Fuit enim in hoc viro præstans ingeniū, singularis prudētia, eximius rerum humanarum vsus, in primis vero summū religionis ac pietatis studiū. quas ingentes virtutes Regia in omni genere magnificentia mirifice decorabat. Neque vero indefessa vir

tus ullis aut laboribus umquam infracta est, aut negotiorum multitudini succubuit, aut tedio & satietate relanguit, sed eodem perpetuo tenore viruit ac viguit; omnisque vitæ cursus Carolo in assiduis laboribus, atque in Reipublicæ administratione acerrimaq. animi contentione continenter actus est. Prima gerendæ Reipublicæ tempora Gallis data sunt. pro quibus multis & peramplis legationibus de maximis rebus perfunctus est. in quibus obeundis ea sui documenta dedit, itaq. nominis sui fama Christianas provincias impleuit, ut Iulius Secundus quantus qualisque Pontifex exacrabilis internecini quædij, quo Galli a se distabant, oblitus aduersarum partium virum, ac pro illarum propugnatione expertæ constantiæ ad se euocatum sacra purpuræ honore collato in Senatum legit. quod sapiens Pontificis consilium ea quæ consecuta sunt, comprobarunt. In Pisano enim conciliabulo Carolus raro ac neutiquam vulgatæ virtutis exemplo amplissimorum beneficiorum ac partium immemor sese a seditiosorum consilijs & societate penitus segregauit, studijsque cum pijs viris coniunctis in Romani Pontificis causam penitus demisit. adeo virpius ceteros omnes humanos respectus præ religionis studio leues duxit. Præclaræ actioni omnis reliqua Caroli vita respondit. Cui in Lateranensi Concilio una cum nonnullis alijs negotium omnium grauissimum pacis inter Christianos Principes componendæ datum sit. Iam vero immanium sacrarum Aediu sub

structiones Regio sumptu, ac miro opere excitatâr, amplissimaque illis facta donaria quârum cumulum reliquis laudibus addunt? vt iure duo Principes Christianarum rerum capita Leo Decimus Pontifex maximus, & Maximilianus Cæsar elogijs suis amplissimis verbis conscriptis ingentium meritorum & virtutum Carolo testimonium dederint.

IO. BAPTISTAE FONTEII PRIMIONIS.

Non adeo Ideis quondam Curretes in oris
 Vel Cybelen pulsu, vel coluere Iouem.
 Carolus Hesperias quantunn Carrettus ad aras
 Et matrem, & vera pro pietate Deum.
 Q decus, o patriæ eximium, stirpisque paternæ,
 Fratribus & claris anteferende tuis.
 Nam si Fabritius Rhodios equitesque Magister,
 Et Ligurum Alphonsus littora læua regit,
 Ars tua turbatos dictis componere Reges,
 Ars tua Pontificum maxima iussa sequi.
 Hinc dedit ille Deus, quoniam tibi templa placebant,
 In summo positum templa fouere gradu.

PETRVS ET RAPHAEL RIARII CARDD.

Petrum & Raphaelem Riarios Saonenses cum Xysti Quarti affinitas, tum merita & virtutes ad amplissimum

plissimum ordinem, & ad summas opes extulerunt. quibus simulque domestici cultus splendore ceteros suæ ætatis superarunt. Petrus haud vulgari sacræ doctrinæ scientia præditus fuit: Raphael Pontificij iuris haud contemnendus cōsultus. Petrus in ipso ætatis flore extinctus est amplissimo Legatiōis Italiæ munere perhonorifice & cum laude perfunctus. At Raphaelis Regia magnificentia cum multis in rebus tū vero in immanibus substructionibus sese ostēdit. nā præter Hostiam & Portū instauratas eas Aedes Romanæ ædificauit, quæ Laurentianū templū lūxitate sua includētes magnitudine, opere, materia cetera Europæ ædificia facile exuperare existimētur. Vt Peregrini urbem adeuntes duo duorum Ligurum eiusdē vrbis Saonæ Ciuium has nimirum ædes, ac templum Vaticanum Romanam magnitudinem ispirantia horrore defixi mirentur. Hic vir quamquam vitæ vno eodēq. tenore innocenter actæ perpetuum cursum tenuit, ac mira comitate morumq. suauitate omnibus charus fuit, multa tamen ætatis tempora infesta habuit, ac varijs & atrocib⁹ fortunæ casibus exercita & iactata, nam & in prima adolescentia, cum recenter in Senatum lectus esset, in coniuratione Pætiana quæ Iulianum alterum ex Medicijs fratribus sustulit, concitati Florentini populi impetum vix effugit Laurentij alterius ex fratribus superstitis cura in primis & auctoritate e summo discrimine seruatus, & Valentino ad Sfortiam matronam & Riarios suos foro Liuij expellendos

lentos profecto sibi timens noctu clam ex vrbe profugit, ac Mediolanum concessit, & in consilijs in Leonis vitam Alphōso Petrutio auctore initis carcere inclusus est, non quidem, quod societatis parricidij insinularetur, sed quod coniurationis conscius illā Pontifici non enuntiasse argueretur. quam rem horū sæculorum Principes ad parricidij crimen ex frequentiore iurisperitorum sententia reuocare solent. Ex carcere emissus est pecunia a familiaribus collata redemptus: quæ fuit ducēta millia aureorum nummū. ut ex tam immani summa illis præsertim temporibus cum tanta auri & argenti vis ex nouis occidentalis Indię prouincijs in nostrum orbem ab Hispanis cōtinenter inuecta nōdum Regna Europæ supra modū ditasset, appareat, quod familiarium genus vir amplissimus apud se haberet, quantaq. in charitate cū illis esset. Successores habuit tres fratris filios omnes per amplis sacerdotijs ornatos Cæsarem Patriarchā Alexandrinum, Archiepiscopū Senensem, Episcopū Malacitanū, Octauianū Episcopū Viterbiensem, Sfortiam Episcopū Lucensem.

HIERONYMVS BASSVS CARD.

EGregium virum fuisse Hieronymum Bassum eiusdem vrbis ciuem necesse est. quem Iulius secundus tantus Princeps affinitē habere gloriari solitus sit; eique magnificētissimū sepulchrum extruxerit. huius

perpe tuus

perpetuus vitæ cursus constantissime actæ morumque
candor & integritas, singulareque religionis studiū
vna omnium uoce laudantur.

ANTONIUS FERRERIUS CARD.

Ilustre ac perutile documentum mortalibus duarum
rum haud leuium rerum in Antonij Ferrerij Saonē
sis grauib. casibus positum est, & hominum cupiditatem
inani splendore deceptā in eas res ardentibus
votis plerumque ferri, quæ nulli non modo utilitati,
sed etiā damno & dedecori futuræ sint. Siquidem Antonio
sacrae purpuræ honor prauo illius usu in exitiū,
tandem vertit. Is enim ab eodem Iulio secundo, a quo
fuerat in Senatum lectus Bononiensi Legatione,
imperrata diplomata ipse facultatum concessarū cōposuit.
in quæ multa grauia & ab usu & æquitatē abhorrentia
concessit, tempusque obseruauit, quo Pontificem post
cœnam in hilaritatem effusum minus animaduersurū,
quæ faceret, haud temere putauit; diplomataque
obtulit, quibus subscriberet, nihil in illis inusitatum
esse affirmans. fidem dictis habuit Pontifex Princeps
ceteroqui cautus & prudens, cū omnia prius
putaret fore, quā ut ab homine amicissimo, tantisque
sibi beneficijs obstricto circumueniretur. Quibus
facultatibus cū immodice abuteretur Antonius,
res multorum querelis in Pontificis notitiam peruenit.
Enimuero Pontifex natura seuerus, contēptusque

sui

fui acerrimus vindex ira & indignatione exarsit, hominem quem ipse ex humili sorte ad eum locum extulisset, quo nihil sit in sacris honoribus altius, simplicitatem suam perfido astu captasse, maiestatique illulisse. Quare Romam euocatū ex carcere causam dicere coegit, isque exitus iudicij fuit, vt falsi damnatus Antonius ingēni auri pondere se redemerit. carcereque dimissus morbo ex ighominia dolore cōtracto bimestri spatio consumptus sit. quem Iulius a memoria iniuriæ alte animo insidenti nulla funeris pompa efferri, nulloque exequiarū honore decorari voluit, ac ne sepulchrū quidem vllō inscriptionis monumēto insigne fieri permisit, vt ingrati hominis, a quo ipse parum sincera fide cultus esset, memoria prorsus extingueretur.

MARCVS VIGERIVS CARD.

GENS Roboreia in summo sacrarū rerum fastigio posita, pœna & præmijs Rempublicam contineri probe intelligēs, vt in nōnullos seueritatis suæ aculeos malefactis hominum excitatos contorquere coacta est, id quod de Antonio Ferrerio modo diximus, ita innumerabilium merita & virtutē amplexa, illos fortunis, opibus, honoribus amplificauit. qualis fuit Marcus Vigerius ipse quoque Saonensis ciuis. cuius mirificam sacrarum rerum doctrinam, qua in primis suæ ætatis hominum excelluit, probitatem, prudē
tiam

tiam tanto fauore prosecuta est, vt in nemine extol-
lendo clarius aut maius grati beneficique animi spe-
cimen expresserit. Xystus enim Pontifex beneficiorū
a Marco Vigerio seniore acceptorum memor, a quo
cum in coenobio ab omni ope desertus summa ino-
pia summisq. omnium rerum angustijs premeretur,
alendus & tuendus susceptus fuerat, cum ipse tandem
ad primos, & ad summam dignitatē in Franciscanis
peruenisset, Emanuelem ad se vocatum, ac Francisca-
na vota ipsum quoque professum prioreque nomine
ex Monachorum institutō in illud, quod benemerit-
um patrum referret, commutato, apud se habuit,
ac quibuscunque rebus potuit, augendum & ornan-
dum suscepit. Demum Pōtifex Maximus creatus ex
coenobij vmbra in lucem Aulicam educum sacerdo-
tij ac peramplis fortunis honestauit, arcique Hadria-
ni præfecit, At Iulius inchoatum opus absoluit, Mar-
cumque experta fidelitate, doctrina, meritis commē-
datum in amplissimum collegium cooptauit, armisq.
Alphonso Duci Ferrariensi illatis exercitus legatum
creauit. in quo munere fungendo cum egregia illius
opera fuisset, tum vero longe magis eluxit in cōcilio
Lateranensi, in quo multo maxima grauiorum nego-
tiorū pars in eius procuratione & consilio versata est,
cum etiam apologeticam disputationem doctam &
peracutam contra Pisanū coetum edidisset. quæ vna
cum aliis egregijs & approbatis extat scriptis. Quib⁹
meritis ita delectatus est Iulius, vt ad cetera amoris

Dd vincula

vincula noua quoque affinitatis necessitudine Vig-
 rium sibi coniungere non indignatus sit, Nicoleta
 Roboreia fratris filia Marci fratri in matrimonium
 data.

BARPTOLEMAEVS CVCVRNVS
 CARD.

BArptolemæum Cucurnū ex oppido Clauaro ne-
 bili & peruetusto genere ortum libenter præterijf-
 sem, ne infelici exitu, quo vitæ cursum terminauit, fu-
 nestum hoc opus nostrum facerē. Ceterum viro, cu-
 ius memoriam sacra purpura illustrem faciat, omisso
 Liguria Patria numero clarorum virorum fraudan-
 da visa non est.

PHILIPPVS CALANDRINVS.

Philippum Calandrinum Sergianensem præterquā
 quod Nicolaus V. Vterinus frater conspiciendum
 facit, suæ quoque laudes haud parum commendant.
 ingenio enim mansueto, ac comi, moribusq. suauis-
 simis fuit. A Nicolaoq. Episcopus Bononiensis, Cardi-
 nalis, ac maximus ut vocāt, Pœnitentiarius Piceniq.
 Legatus creatus amplissima mādata munera summa
 cum integritatis, æquitatis, iustitiæ, humanitatis lau-
 de administravit.

CLEMENS DOLERA CARD.

HVmani ingenij imbecillitate, naturęq. dona sua inter mortales partientis decreto fieri videmus, vt idem quamuis excellenti ingenio præditus vir, & ad res gerendas natus non omni negotiorum generi aptus sit, neque satis feliciter se se varijs hominum ingenijs & studijs accommodet. Quam rem Clementi Doleræ ex oppido Monelia vsuuenisse cõstat. Is vir cum Franciscanum ordinem, cui multos annos summus Minister præfuit, & ad quod fastigium ab inferioribus muncibus ad superiora sibi deinceps gradum faciens cum summa omnium approbatione conscendit. Is igitur vir cum eum ordinem summa cū prudentiā, ingenij, probitatis laude rexisset, Cardinalis creatus famam tot meritorum & officiorū momentis diu collectam nihil sane auxit, vt sacræ purpuræ insignis titulus plus honori & amplitudini adiecisset, quā priori gloriæ & exultationi addidisse videatur.

VBERTVS SPINULA CARD.

MAgnum apud annales nostros est Vberti Spinulæ nomen, cuius togati virtus plus patriæ profuit, quam multorum armatorum labores. eius enim eximia prudentia in multis Reipublicę partibus administrandis & cõstituendis explicata fecit, vt huius viri

Dd 2 consilio

consilio & auctoritate rem Genuensem ea tempestate in primis stetisse, haud immerito existimatum sit. Singula persequi longum fuerit, elogijq. modum excesserit. vnum illud singularis animi magnitudinis facinus nulla posteritas silere umquam debet, quod in controuersis cum Pisanis de Sardiniae rebus utroque populo eam insulam suam vendicante, Caesari in causam Pisano- rum propedenti, Genuensibusq. pro imperio mandatum, ut libera possessione Sardiniae Pisanis cederent, Legatus Genuensium constantissime restitit, iniustumque imperium appellare non dubitauit, Genuensesq. prius vita discessuros, quam ea parte Insulae, quae iuris ipsorum sit, excessuros affirmauit. Non igitur se aut Genuenses iniusta imperata facturos, aut illa villo modo accipere, sed causam per iudicium cognosci oportere, cuius aequitati se se Genuenses sint submissuri. aliter armatos iurium & dignitatis suae vindices non aduersus Pisanos modo, quos contemnant, sed aduersus quemcunque honestam mortem fortiter appetituros. Quae orationis libertas commotum Caesarem & in viri admirationem versum flexit, qui ab imperio destitit, causamq. cognoscendam ad Iudices reiecit. Summum igitur hoc beneficium rerum in Sardinia retentarum Vberto Spinulae Genuenses debent. qui imperterriti animi robore tantos imminentes motus discussit, tantasq. bellorum causas praecidit. Cum non dubium sit, quin eius Insulae retentio, si res ad arma deducta fuisset, Caesare praesertim hoste adiuncto multarum cladum, multique sanguinis

sanguinis mercede Genuensibus statuta fuerit. Com-
plures omnibus ætatebus ex clara hac gēte egregij vi-
ri existerunt, in quibus quod duos Nicolaos nostro-
rum temporum æquales, alterum Luca, alterum Ste-
phano ortū nostratū laudum testimonio ipsos quo-
que ornandos duxerimus, ut ipsi eximijs virtutibus
clarum genus suum ac patriā ornauerunt, nemo id nos
amicitiæ & gratiæ potius tribuisse, quā illorū virtutib⁹
& meritis dedisse existimabit, cui ij viri noti sunt. Sin-
gularis enim ei⁹, cui Lucas pater fuit, humanitas, mo-
rū facilitas, animi moderatio omnibus admirationi
est. quæ neq; nataliū splendor, neq; amplissimæ opes,
quæ res animos hominum inflare solent, vñquam ex-
tulerint; quique nihil vñquam in quotidiana cōsue-
tudine graue, aut asperum, aut contumeliosum, aut
elatum in quemquam fecerit, dixeritue, sed comem-
se se, ac facilem omnibus summis, infimis, mediocri-
bus præbuerit. illud autem est neutiquā vulgatæ mo-
derationis specimen, quod cum opum amplitudine
ipse quoque, ut multi, per amplas ditiones sibi posset
comparare, vir ab omni fastu abhorrens priuatæ vitæ
æquabilitatē vna cum suis ciuib⁹ colendæ omnibus
honorum titulis sibi magis cordi fuisse declarauit. At
Stephani filium præstans & versatile ingenium nō ma-
gis in rebus ciuilibus tractandis & in Republica gerē-
da cōspectum facit, aliquot iam legationibus, alijsq;
publicis muneribus functum, quam in doctrinæ stu-
dijs admirabilem. quippe qui ad eximiam iuris scien-
tiam

tiam, quam in primis proficitur, Philosophiæ quoque & Theologiæ haud mediocrem cognitionē adiunxerit cum mira eloquentia egregiaque dicendi & scribendi tam soluta oratione quā carminibus facultate coniunctam.

IO. HIERONYMI CATHENAE.

*Quod Ligures Sardoæ tenent uberrima Regna,
Est Vberte tuum, iussum dum Cæsaris audes
Exuere, & liber sermoni obsistis iniquo.
Nec tanti ualere Hetrusca potentia Pisæ
Ut Ligur imperio uelit audiuisse superbo.
Gens Pisana potest risum ridere, cadentes
Quem Sardi ridere solent hoc fulmine linguæ.*

ALBERTVS CLAVARVS.

VEterum illorum patrū, quos inter homines ad huc degētes, necdum huius corporis carcere solutos celestium vitam imitatos laudibus in cælū extulit antiquitas, quippe qui ut se se ab omni vitiorum contagione puros atque integros seruarent, procul ab hominum cœtu in uastas solitudines, locaque deserta concedentes omni mēte in assidua Diuinarum rerum meditatione defixa totam ætatem egerūt, Horum igitur sanctissimorum virorum continentia, morum

rum castitatem, humanarum rerum cōtemptū, animi demissionem tercētum circiter ab hinc annis rettulit Albertus Clauarus Genuēsis cuius Dominicanorum institutorum professor. cuius vt omittam perpetuum vitę tenorem in ieiunijs, cum a carniū vsu perpetuo, abstinerit, vigilijs, precationibus actę, quibus rebus carnis luxuriantem contumaciam mentisque legi reluctantem perdomandam didicerat, cū Diuinarū virtutum ac meritorū commendatione ad summū Magistri vniuersi ordinis locū elatus esset, nihil de pristina vitę ratione immutauit tenuissimo cultu contentus; tantaque fuit in homine animi ab omni fastu & superbia abhorrentis demissio, vt in tota Europa ob eunda ad cōnobia sibi subiuncta lustranda, resq; ordinis de more inspiciēdas & constituendas, nūquam equo vsus tam imensa itinerum spatia vir prouecta iam ætate pedes conficere solitus fuerit. Eadē gens Clauara etate nostra Marcum tulit auunculum meū Franciscana instituta professum earundem virtutū æmulum, quamquam acriore ingenio virum. quem genibus flexis in preces effusum, mente a sensibus abducta, & in Diuinarum rerum cogitationē elata, sublimen a se conspectum complures graues viri assēueranter affirmarunt. itaque huius viri sanctitatis opinio in mentibus hominum penitus insedit, vt ad mortui corpus concursus facti sint, partem uestis vno quoque sibi petente, vt sancti viri reliquias apud se haberet. Vt mihi gloriari libeat, me maternum genitum

nus a gente Clauara ducere, ex qua tam clari Christi
discipuli extiterint.

POMPEII ARNOLPHINI.

Clauare, quem cultuque pio, studiisue Mineruæ

Ornatum Ligures Numinis instar habent.

Tu quondam in terris inter contagia mille

Exemplar niuæ simplicitatis eras.

Te non diuitiæ, nec bonorum dira cupido,

Non auri infecit perniciosus amor,

Non humeri fumantis equi, non esseda lassum

Portarum, rapidis esseda ducta rotis.

Ast indefessis perlustrans oppida plantis

Diceris immensam consuluisse viam.

Ipsa sitim explebant tibi dulcia flumina passim,

Ipsa ministrabat terra benigna dapes.

Felix qui humanæ potuisti commoda uitæ

Spernere, & intacta scandere mente polum.

PILEVS MARINVS.

VNici profecto exempli virum ex multorum sæ-
culorum memoria fuisse Pileū Marinū, omnes
ad quos fama peruenerit, fatebuntur. qui Archiepis-
copus Genuensium creatus præter diligentem & se-
dulam operam assiduosque exhaustos labores in sa-
cerdotum moribus emendandis lapsaque Ecclesiæ di-
sciplina

disciplina restituenda illud edidit celsissimi animi, supraque humanum captum inferiora. hæc sordida & humilia despicientis specimen, quod omnis ætas & cunctæque nationes in uno Pileo mirentur. amplissima enim Genuensis Ecclesiæ uectigalia non in priuatum cultum domesticumque splendorem, aut in suos opibus amplificandos uertenda, sed ad egentium inopiâ subleuandam a pijs hominibus relicta intelligens, ultro auctor fuit collegatum sibi publice asciscendorum, quem Magistratum a re. Misericordiæ appellauit. qui munus hoc bonorum Ecclesiæ quorannis distribuendorû ipsi obirent; tantâ summa ex illis Archiepiscopo relicta, quanta ad cultum modice tuendum sufficeret. Qua sanctissima lege Romani quoq; Pontificis auctoritate & decreto comprobata atque sanctâ facultatem bonis Ecclesiæ abutendi illaque per luxuriam & fastum profundendi sibi ipse vir in primis memorabilis & colendæ memoriæ, ac successoribus Genuensibus Antistitibus præcidit.

IO. FRANCISCI FERRARI.

*Quæ maior pietas unquam est audita Mariner
Est lapis auri index, indicat aurum hominem.*

RAPHAEL ADORNIUS.

Copia bonorum omnis generis exemplorum diues fuit Genuensis Ciuitas. in quibus memorabi

E c le fa-

Is facinus Raphaelis Adornij in primis enitet, cuius viri quis silentio prætereat, atque adeo quis nõ æterna laude in cælum ferat admirabilem animi magnitudinem, singularemque patriæ charitatem? qua inductus ea se re sponte & a nemine coactus ipse priuauit, quam homines omni dimicatione petere solent, ac pro qua assequenda viri ceteroqui egregij ius violare turpe fere non ducant, hoc est Regno. qua labe ne ipse quidem Iulius Cæsar caruit, is vir, qui rerû gestarum magnitudine omnium gentium, omniumq; sæculorum longe Princeps fuit. Raphael igitur spe a ciuibus facta, si ipse se se Ducatu abdicare in auimum induceret, fore, vt sublatis partium studijs concordia inter ciues conueniret, pacatusque ac tranquillus Ciuitatis status constitueretur, nulla mora interposita nihilque retractans Principatu, quem non inuaserat, sed liberis suffragijs delatum acceperat, ex templo se se abdicauit, atque in priuatas Aedes concessit. Neq; imminuitur egregij in Patriâ promeriti gratia, quod sanctum consilium effectu caruerit, animis ciuiû alio tendentibus, sed augetur laus, quod in deprauatis ce-
terorum studijs ipse in diligenda patria vnici exēpli ea ætate fuerit.

IO. FRANCISCI FERRARII.

Osactum egregie, ter magno, atque ore sonandum:

Quam bene conueniunt nomina resque simul.

Ecce

Ecce magistratus Raphael se et abdicat ultro

Languenti ut Patrie sit medicina suae

LVCHINVS VIVALDVS.

Cum memorabili Adornij animi magnitudine ap-
te coniungitur Luchini Viualdi non minoris vir-
tutis, minorisue glorię facinus, quāquam generis di-
uersi. neque enim minus acres minusue impotentes
sunt in iuuenili praesertim pectore amoris stimuli, quā
regnandi cupido. Ut hi duo Ciues nobile par conti-
nentia in ciuitate nostra fuerint. Atque haud scio an
Luchinus melius inter viros bellica virtute & insigni-
bus victorijs claros, quā in hac togatorum classe lo-
catus fuisset, atrociorē & periculosiorē praelio victor.
Grauius enim bellum multis de causis sapientes sem-
per existimarunt, quod cum cupiditatibus nostris, atq;
adeo nobiscum ipsi, quam cum externo hoste geri-
mus; maioreq; multis partibus virtute maioreq; glo-
ria quam exterior, interior hostis vincitur. qui eo a-
crior est, quo propior, quoq; illius petitiones ad in-
teriora semper penetrant, cum ad externos ictus va-
rijs rationibus recti esse possimus; ad hoc non semper
externus hostis vtiliter vincitur, quin etiam damno-
sa saepe est victoria, quae meliori & sapientiori nos pare-
re vetat, at interiori hosti, qui tyrannus omnium est te-
rribimus, parere sine perniciē & exitio nostro non pos-
sumus. Et in externo hoste vincendo ius saepe viola-

mus, cum ille caussa & iustitia superior est, at in interiore hoste perdomando tantum abest, ut iniusti vniquam simus, ut hoc ipsum vincere, reluctantemque rationis imperio obedientem reddere, opus iustitiæ vel maximum sit. In hominibus igitur hac victoria, quæ rara admodum semper fuit, claris Luchinus Viualdus altissimum gloriæ locum obtinere est existimandus. qui cum Genue matronam forma præstantem, ac genere nobilem, ceterum castitate inuicta que pudicitia nobiliorem deperiret, neque animum aduersus omnes oppugnationes pudore munitum ullis aut precibus, & blandimentis flectere, aut donis corrumpere potuisset, factum est, ut mulieris vir vna cum naui omnibusque mercibus a piratis captus & in seruitutem sit abductus. quare mulier ad egestatem, extremamque omnium rerum inopiam redacta cum vnde paruulos liberos aleret, nihil haberet, necessitatibus victa ad Luchini oculto ad se accersiti genua prouoluta, in flebilesque effusa questus. Quandoquidē inquit, mentem tantummodo posthac pudicam gestura, ut vtraque parte mei casta perpetuo manerem, fortunæ iniquitas prohibet, animumque illum aduersus omnia inuictum fames charissimorumque pignorum aliter periturorum amor & misericordia expugnauit, dona illa Luchine, quæ a te sponte acceptura numquam fui, nunc accipere, hocque corpore in ea, quæ libido tua feret, morē tibi gerere parata sum. Consopitam atque a libidine constrictam generosi animi virtutem misericordia excita-
uit,

uit, & indomitę cupiditatis æstum tum cum maxime
ardentem subito exiunxit, quare ad meliorem mentē
conuersus Luchinus lachrymas ipse quoque non te-
nens. Ne istuc, inquit, Deus optimus Maximus, vir-
goque Regina sinant permittantque, vt tam pudicū
corpus violare audeam, mentemq. tam castam, & a
flagitio tantopere abhorrentem fortunę iniurijs vi-
ctam ad detestabilem rem descendere patiar. quę do-
na prostratę pudicitię habitura a me fueras, ea-
dem atque etiā cumulatiora seruatę hera habe-
bis. domumque reuersus, vt omnem prorsus su-
spicionem tolleret, coniuge participē consilij fa-
cta, eademque ministra & internuntia tantum mulie-
ri subinde suppeditauit, quantum in illius & natorum
alimenta abunde sufficeret. Quod Luchini factum.
quęque singularis animi magnitudo Africani con-
nentię tantis laudibus tamque magnifica oratione a
scriptoribus in cælum sublata, si quis rem suis momē-
tis ponderet, infinito interuallo est antefrenda: nā
neque Scipio puellam numquam ante cōspectā ama-
bat, vt nullis veteris atque animo insidentis amoris
facibus illius libido accenderetur, facileque fuerit a
re non expetita oculos & cupiditatem abstinere. ad
hoc Scipionis peccatum occultum esse non poterat,
vt neque inuidiam apud suos, atque inimicorū, qui
nimio plures erant, obrectatorumque vituperatio-
nem subterfugere, neque grauem offensionem apud
Hispanos populos flagitiū admittendo posset vitare.
qua

qua re nihil splendidis susceptis cōsilijs magis aduersabatur : Vt subita libido, quæque nondum alte radices egerat, non tam a virtute & continentia perdomita, quam ab alia longe maiore inueterataque gloriæ cupiditate consopita videri possit. quod totum contra in Luchino fuit, animo veteri flâma æstuante, occultoque peccato nulli inuidiæ aut fraudi obnoxio, nihilque priuatæ vitæ susceptas rationes ledente.

IO. FRANCISCI FERRARI.

Quis laudes Viualde tuas satis exprimat ? aut quis

Hæc tua miretur fortia facta satis

Omnia uincit amor, hominesque, feraeque triumpho

Frustra repugnantes imperiosus agit.

Tu tamen illius stimulos auertis, honestum

Optato anteferens, uimque tibi ipse facis.

In Luchine tuæ seruasti ciuis honorem,

Te tuus hinc merito ciuis ad astra uocat.

FRANCISCVS MARCHESIVS.

Bellicis artibus ac naualibus studijs Ciuitas nostra perpetuo intenta, quibus nomen suum toto mari mediterraneo celebre Rēgibus & Ciuitatibus accolis verendum in primis, atque adeo formidolosum fecit, eos tantum Ciues suo splendore illustrat, qui militare rem amplexi sunt. At quibus pacis, & rogæ artes,

artes colere magis cordi fuit, ijs vel a doctrinæ studijs, vel ab exterarum rerum tractatione commendatio petenda est. Nonnullorum tamen ingenium ita excelluit, vt illorum virtus etiam Ciuitatem nostram non egressa eximios illos faciat. In quibus auorū nostrorum memoria insignis fuit, Frācisus Marchesius, Ioannis haud obscuri nominis iurisconsulti filius nobili & peruetusto genere ortus, cuius nomen multorum scriptis celebre duplex laus cōmendat & doctrinæ & Reipublicæ gerendę scientiæ. Cui Alexander Imolensis quāti qualisq. nominis Iurisconsultus egregium iuris scientię testimonium dedit. in Republica vero gerenda is fuit, vt nullius magis consilio & virtute ea tempestate ciuitas nostra nixa sit. quippe cuius prudentia & ingenium cum in omni gerendę Reipublicæ genere se explicuit, tum vero in Legatiōibus in primis enituit, quibus cōpluribus magna semper cum gloria ad magnos Principes de grauibus negotijs functus est. in quibus illa prætereunda non est ab Annalibus, & a Baptista Fulgoso celebri laude commemorata, qua seruitutē a patria depulisse, ac magnorum tumultuum causas præcidisse existimatus est, cū idem complures legationes eadem de re missę frustra tentassent. Galeatium enim Mediolanensem Ducem ad non concessa tendentem, atque idem quod ceteris Ditionis suæ vrbibus iugum spretis foederibus Genuæ imponere molientem a prauo cōsilio reuocauit egregio commēto ozimi ad illum missi. cuius herbæ
cum

cum natura ea sit, vt leniter attrectata suauis odore, nimis pressa, graui & retro attrectatium manus perfundat, Genuensis populi ingenium sapientibus ambagibus declarauit, haud omnino absimili verum tanto feliciore commento, quam quod traditur de ficu Ca-toniana, quanto prastabilius est vrbes seruare, quam euertere. Egregij viri, cuius posteritas quamplurimas nobiles familias affinitatibus complexa est, nulla viri lis extat stirps, quæ Marchesium nomen Genuæ perrenne faciat, non tamen successione omnino carere dicendus est. quæ ex materno genere in Octauiano Pasqua Iurisconsulto viget; qui in Romana Aula in utroque supplicum libellorum munere ea ingenij, industria, doctrinæ dedit documēta, vt appareat illum neque Simoni Cardinali patruo neque tanto abauo fratreque Leonardo Ingaunorum Episcopo viro sancto indignum successorem fore. vt omittam comitatem, morumque & naturæ suauitatem, quæ illum in consuetudine omnibus charum & iucundū faciunt.

TRIPHONIS BENTII.

Sanctarum in studijs legum Marchesie quantus

Extiteris culto pectore, & ingenio,

Quodque tibi comites fuerint probitasque fidesque

Illustres certe non siluere viri.

Quantus at in patria sis libertate tuenda

Alia memor patria est testis. & Ausonia.

Arte noua Insubridum dum prudentissime Regem

Illius custos quo uelit esse, mones.

Quod si magnanimo fides allata Catone

Claræ urbi exitium mox tulit, & Libiæ,

Tu tenuis mittens herbæ munuscula, charos

Indigno ciues eximis inde iugo.

Ergo nulla tuos ætas reticebit honores,

Et pius & felix, optime semper eris.

ARANVS CIBO.

EA fuit Arani Cibo virtus eaque res gestæ, vt non multum sit illi ad nominis commédationem domesticæ nobilitate petendum. quam is nō modo vt fere ceteri, ex maiorū splendore ducit, quos in Græcia, vnde gens Cibo oriūda est, claros, multisq. honorum & rerum gestarum titulis insignes fuisse, grauissimis auctoribus testibus constat, verum multo magis ex posterorum gloria trahit. Cuius Ioannes Baptista filius Pontifex Maximus fuerit Innocentius Octauus nominatus. ceterum eximie & præstantes Innocentij virtutes, quæ illum ad summum & altissimū rerum humanarum gradum extulerunt, suo sunt a nobis Elogio decoratæ. Arani vero prudētia, consiliū, fides, constantia quam enituerint, res ab illo gestæ, ac summus gratiæ & auctoritatis locus, quem ille apud maximos Reges obtinuit, declarant, egregia ac multiplica opera Genuæ Patrię in magnis ac dubijs rebus

F f nauata,

nauata, eius classis aduersus Alphonsum Aragoniū
 pro Renato Andeganēsi decreta Præfectus, vrbisq.
 Romæ Senator a Calisto creatus. qui honos illis tem-
 poribus non nisi magnis Proceribus haberi solebat,
 in primis uero vrbis & Regni Neapolitani procura-
 tione cum summa omniū rerum potestate bis illi cō-
 missa, semel ab Andegauensi, qui Arani spectatā fidē
 in tanto munere mandando se se ceteris Proceribus
 prætulisse egregio verborum testimonio declarauit,
 cum dixit, fidem cuncta antecedere. quod præclarū
 elogiū populari Gallico sermone, vt fuit a Rege pro-
 nuntiatum, nouo pauonis insigni galeæ in locū co-
 ni superposito ab Arano inscriptum Innocētius ipse
 Pontifex ac posteri deinceps ad memoriā gentilis de-
 coris seruandam retinuerunt. iterum ab Aragonio ip-
 so aduersus quem arma tulerat. quod Alphonfus cū
 perspectæ Arani virtuti, quam etiā in hoste amauit,
 tum precibus Neapolitanorū dedit. qui hominis in-
 nocentiam, moderationem, prudentiam in priore ad-
 ministratione experti fuerant. Vir igitur tot maiorum
 stemmatibus clarus, suis ipse virtutibus, ac rebus ge-
 stis, honorumque insignibus clarior, posteritatis glo-
 ria longe clarissimus merito elogio inter ceteros Ge-
 nuenses Proceres fraudandus non fuit.

PANDVLPHI GHIRLANDAE.

Ortum si ſpectes. ortu eſt inſignis Aranus,

ſi Graiorum antiquo ſemine cœtus auis,

ſi patriam, Genua eſt, qua non imago nobiliſ ulla,

ſi geſta illius, qua patet orbis, habes:

ſi prolem, illa gradum ad ſummum eſt euecta, decuſque

Curarum conſors, conſilijque Dei.

Eſt maior totum ſi ſpectes, denique laude

Muſa quid obtrudis laude minora: tace

BAPTISTA PINELLVS.

Gens Pinella nobilis & peruetuſta multos egregios atque inſignes viros patriæque peritiles tulit. in quibus Baptiſta Franci filij nomen eminet. cuius prudentiam in multis difficultatibus expediendis, animis ciuium inter ſe conciliandis, in alijsq. arduis negotijs in patria multipliciter conſpectam Innocentius Octauus Põtifex Maximus, cuius pronepos fuit Baptiſta, ita amplexus eſt, vt hominem Romam euocatum atque Archiepiſcopum Conſentinum creatũ ad magnarum rerũ deliberationes adhiberet, eiufq. fideli opera in perarduis rebus vteretur, magnamque illi fidem haberet. Quo Pontifice fato functo cũ ad Eccleſiam ſuam ſe contuliſſet Baptiſta, in Dioceſi luſtranda, moribus emendandis, collapſa Eccleſiæ di-

sciplina erigenda, templis ædificandis, xenodochijs reparandis, egentium inopia subleuanda, in omnibusque, quæ sunt pastoralis muneris explicandis ita viri religio, pietas, liberalitas, prudentia, diligentia enituit, ut eius virtus in tantis sæculi tenebris veluti clarissimum lumen eluceret. tantaque in charitate & veneratione cum populis suis fuit mira comitate, ac naturæ suauitate seueritatem in corrigendo temperante, ut facto functum de honorifice efferendo & sepulturæ mandando canonicorum collegium & Ciuitatis Magistratus medijs certaminibus egerint, ius sepeliendi utroque sibi vendicante. Neque vero tantarum virtutum memoriam ac populorum beneuolentiam vna cum illo extinctam, sed adhuc in animis hominum, viuere, ac vigere illustre documentum Consentini dederunt, cum sepulchro Baptistæ Archiepiscopi ex decreto Tridentini Concilij vna cum ceteris, quæ in templis constructa sunt, demoliendo, legatione decreta omnibus precibus contenderunt, impetraruntque, ne sancti viri memoria, quam cum Diuorum veneratione prope coniungerent, sepulchro eo sublato iniuria fieret. Huius gentilis ac pronepos Dominicus Paridis filius in Romana Aula, in qua Magister est supplicum libellorum, ac nobilissimæ forensi iurisdictioni quam Auditoris Camera vocant, etiam præfuit, ea ab ipsa adolescentia doctrinæ, ingenij, grauitatis, probitatis documenta dedit, ut maxima quæque omnium iudicio & spe illi destinarentur.

TRI-

TRIPHONIS BENTII.

Vt cum purpureum pinus descendit in æquor.

Findore cæruleas si bene nouit aquas,

Et fluctus superans portu poliaturo amato,

Illam nitet fertis conspicienda nouis.

Et lætas agitant choreas in litore nautæ,

Aureaque insolitis uocibus astra petunt.

Sic uenerande Heros post tot uariosque labores,

Quot tu pro sancta religione subis,

Nunc cæli immensis frueris regionibus, altrix

Tellus, teque omnis suspicit Ausonia.

O te felicem summis uirtutibus, & tot

Ecce refert meritis præmia digna tuis.

PAVLVS CENTVRIO.

Non minus præclara consilia quamuis effectu ca-
ruerint, si modo cum ratione cõiuncta sunt, quã
res ipsæ gestæ laudari solent atq; haud scio, an maior
illis interdum laus sit tribuenda. siquidem ex Syran-
nis sapientissimi Ducis sententia consilia tota nostra
sunt, exitus rerum plerumque ac maxima ex parte ab
aliena voluntate pendent. Quis igitur Pauli Centu-
rionis egregia cogitata, & incepta quamuis temporũ
uitijs & aliena culpa ad exitum perducta non sint, de-
bita laude prætereunda duxerit? Is enim Lusitanis
multis

multis de caussis infensus cum orbis vastitatem immensosque terrarum tractus ac fluminum cursus, regionumque & montium situs & naturā animo per-
 lustrasset, sollertis ingenij vi re magni animi, magni-
 que incæpti excogitauit, & aggressus est. Consilijs
 enim Leoni X. Pontifici Maximo probatis, litterisque
 ab eodem impetratis ad Basilium magnum Moscoui-
 torum Principem se contulit, duarumque rerū, quæ
 ipsi ipsiusque Regnis peramplę & honorificę, altera
 etiam illarū fructuosissima futura esset, illi auctor fuit.
 docuit enim aromatum commercia a Lusitanis auer-
 ti, & in Moscouiam maiore itinerum & subuectionū
 compendio transferri posse. quā rem Paulus Iouius
 in Moscouitarū historia planius explicat. Suasit præ-
 terea, vt secta Gręcorum relicta, ad Romani solij au-
 ctoritatem, Romanęque Ecclesię instituta se se appli-
 caret, sacraque, vt ceteri Chřistiani Principes a Roma-
 no Pontifice peteret. verum Basilius alterum de aro-
 matū cōmercio repudiavit, siue vano metu, ne igno-
 tas regiones exteris & ferocibus gētibus patefaceret,
 siue quod rudia ingenia splendidis consilijs, quę mul-
 tum ipsorum captum antecedunt, imparia feresunt;
 omnisque nouitas raro apud imperitos animos fidē
 & assensum inuenit. Ad alterum de se se cum Roma-
 na Ecclesia coniungendo animum adiecit, spe illi fa-
 cta, facile illum Regij nominis titulum, cuius ille per-
 cupidus erat, regiaque insignia a Romano Pontifice
 impetraturum. Eaque de causa Paulus lōgis pericu-
 lositque

loſisquē itineribus ſæpe vltro citroque commeauit. Legato etiam a Baſilio Pauli ſuaſu ad Clemētem VII. miſſo. Ceterum bene inchoata, & procedentia conſilia obitu Pauli etate ac diuturnis laboribus & curis confecti, Pontificiſque aduerſis rebus interrupta ac plane euerſa ſunt.

SIGISMVNDI DONATI.

Diſcite mortales, quid vos ſuper æthera tollat,

Diſcite quæ magnus præmia fert animus.

Poſt varios rerum caſus, variosque labores,

Factaque cæleſti plurima digna polo.

Iam maiora ſuo uolvebat pectore magnus

Centurio Liguriſ gloria magna ſoli.

Hoc pater omnipotens ſenſit ſubitoque uocata

Morte, iubet ſummum ſuſcipier Procerem,

Scilicet ut noſtro fatiſ ereptus ab orbe

Maiori in cælo præforet imperio.

Felix ſorte tua nimium, nimiumque beatus,

Qui mundo charus, charior eſ ſuperis.

HIERONYMVS ADORNIVS.

EA ſuit in Hieronymo Adornio animi & ingenij indoles, vt ſi iuſtæ vitæ ſpatia illi contigiffent, vnus ſua ætate euafurus fuiſſe conſtanti omniū opinione credatur. Cuius expeditus animi vigor, viuidi ingenij

genij acies, in consilijs de magnis & dubijs rebus capiendis & expediendis sollertis mentis celeritas, eximia eloquentia ita conspectæ sunt, vt tantarum virtutum fama Italiæ fines egressa in summorum Principū notitiam venerit, admirationiq. illis fuerit. Carolus quidem Cæsar is, qui non minus sapientia & clarissimis virtutibus, quā opibus & imperio ceteros Christianos Principes longe antecessit, ita illas amplexus est, vt omnia sua in Italia de Hieronymi consilio geri & administrari vellet. Nec mirum, quem ingenio tantum valuisse esset expertus, vt Leonem X. Pontificem Max. retractantem, ac se se in tanti discriminis aleam demittere verentem consilijs cum Folietta coniunctis tandem ad fœdus illud cum Cæsare sanciedū pertraxerit, quo Gallorum opes, quæ in Italia supraquam modicæ erant, sunt fractæ, Cæsarisq. dignitas mire aucta. Ceterum Hieronymus cum in cursu maximarum rerum esset, in ipso ætatis flore lucuoso suorum fato sublatus est, spesque immensæ amplitudinis, ad quam haud dubie peruenturus fuit, conciderūt.

RAINALDI CORSI.

Obruit exile ingenium tua maxima uirtus,

Obscuro claram meditor dum carmine mentem

Aequare, o quem te memorem Hieronyme Adornie

Nam tu seu resides populos in bella mouere,

Flectere seu manus duros in fœdera Reges,

Seu

Seu ciues sedare tuos, ubicumque coorta est
 Seditio, sæuitque furor, nil prorsus inane
 Moliris, præsto dia est Facundia semper.
 Quo Cæsar merito Q inctus, quem nouim^u sipst
 Splendida facta uirum metiri splendidus idem,
 Et mores hominum multorum doctus et vrbes
 Te colere, atque unum præ cunctis esse Latinis
 Qui sapires, fari, solus tu, quidquid Achæi
 Vix septem, sæclo præstas, ac digna Mineruæ
 Nomina fers sacra uelatus tempora oliua.

STEPHANVS IVSTINIANVS.

DVos insignes viros vna eademq. Iustiniana gens
 memoria nostra tulit quâquam ingenio & pro-
 fessione longe diuersos Stephanû & Angelum. quo-
 rum Angelus sacris initiatus Frâciscanis institutis se se
 addixit, Stephanus Ciuilem vitam secutus totû se se
 Reipublicæ gerendæ a prima iuuetute dedit. In quo
 viro tanta vis animi ingenijque fuit, vt ciuilis illius vi-
 ri exemplar, quod Philosophi verbis adumbrarunt,
 ipse re expresserit. qui perpetuum vitæ cursum eodẽ
 tenore a prima adoleſcentia ad extremam vsque ſe-
 nectutem tenuerit, & in quo tot prudētiæ, conſilij, ad
 mirabilis in omni genere continentię ab omni cupi-
 ditate diſiunctæ exempla cōſpecta ſunt, ad eamque
 opinionem & auctoritatem peruenit, vt omnia Ge-

G g nuæ

nua in eius cōsilio, & moderatiōe versarētur, quod-
 que de Pythagora in rerū naturæ inuestigationibus
 traditur, id Stephanus in rebus ciuilibus, & in Repu-
 blica gerēda rettulerit. Pro ratione enim habebatur,
 cui nemo contradicere auderet, quidquid ipse dixisset.
 Neque vero leuem Stephano, si quis rem vere existi-
 mare velit, Genua Patria concordiae statusque Rei
 publicę emendati gratiam debet, quippe qui assiduis
 suis monitis & adhortationibus ciuiū studia partim
 ad rem non magnopere incensa, partim etiam ab ea
 abhorrentia ad eam mentem excitare numquam de-
 stitit. In Duodecimuirali vero Magistratu ferendarū
 legum causa creato positus leges ipse condidisse, ac
 statum rerum, quo nunc ciuitas nostra utitur, formal-
 se dicendus sit, cum omnia eius ingenio, & consilio
 constituta sint.

FVLVII CARDVLI.

*Quem prisce finxere sophi, quem Græcia ciuem
 Expresfit chartis, cernere non potuit.*

Extulit hunc tandem Ligurum latissima tellus.

Iam ualeant veteres nomina uana sophi.

Hic ille est sapiens, æ qui rectique magister.

Publica cui curæ paxque salusque fuit.

Quam nomen signat, merito tribuere coronam

Hinc sophia et veritas splendor bonorque togæ.

ANGE.

ANGELVS IVSTINIANVS.

AT Angelus ad solidam doctrinam, qua in principibus ætatis nostræ numeratur, versatilis ingenij felicitate ad omnia quæcunque aggreditur, apti tam multiplicem eruditionē adiecit, vt nemo illo omnibus ingenuis artibus instructior sit. ad hoc motib⁹ ita ad excogitandum atq; inueniendum acutis & celestibus, itaque ad explicandū vberibus est, vt nemo maiore & firmiore argumentorum copia & vi hereticorum dogmata refellat. in quibus perpetuo insectandis, & exagitandis vehementissimus & acerrimus est, cum ea dicendi copia sit, eaque in animis hominum permouendis vi, quæ res in oratione haud dubie primas tenet, vt nemo ætate nostra maiorem sibi audientiam, maioresque concursus faciat. quem laudis fructum, non in ceteris modo locis, quæcunque illū adire conugit, percepit, sed Romæ quoque in illa clarissima orbis luce, in illo ingeniorū theatro, vbi de omnibus rebus peractia & exquisita iudicia fiunt; nec minus in Gallorum Regia, quo turbulentissimis temporibus, cum omnis Gallia seditionibus & tumultibus arderet, damnatæ sectæ hominibus omnia miscentibus a Pontifice missus est, Hippolyto Cardinali Ferrariensi legationis comes additus, ipsis ad uersariorum Principibus concionantem, ac disputantem mirantibus, acumenque & copiam formidantibus.

bus. Vt summa cum ratione Pius Quintus Episcopatium Gebennensem, qui inter imperij Principes cōnumeratur, illi mandarit, corruptissimæ diocesis, in qua hæresis principem sedem ac domicilium sibi constituit, vtilitati & saluti præstanti maximeq. apto remedio consulens.

ANTONII HORTENSII.

Prodyt ecce alios inter ueluti Hesperus ignes,

Abs te Heros alius Iustiniana domus.

Quilo'is euulso Diuinæ semina frugis

Ad Rhodanum larga spargit opima manu.

Quanto ille eloquio, quantis uirtutibus orbem

Illustrat & quales edit ab ore sonose

Sive minis populum terret, seu laudibus urget,

Nititur obliqua seu reuocare uia.

O Pastore tuo Rhodani nimis accola felix,

Felix tam sanctum Gallia nata uirum.

IO. MATTHAEVS GIBERTVS.

AD communem Ecclesię sanctissime rectæ laudē,
in qua Io. Matthæus Gibertus duos populares
suos æquales temporum suorum socios habuit, mul-
ta eximia ac magna in illo fuerunt, quibus viri nomē
tota Eūropa in primis celebre, ac clarum suo separa-
tim elogio decorandum fuit. Tanta enim in illo ad
magnas res iā inde a prima adolescentia indoles fuit,

ut in

vt in familiaritatē Iulij Medicij Cardinalis ascitus bre-
 ui omnium oculos in se conuerterit; Iuliusq. ipse pa-
 tronus & Leo Pontifex hominis nondum adolescen-
 tiam egressi ingenium, consilium, prudentiam, graui-
 tatem admirati maxima illi Reipublicæ munera man-
 darint, breuique ille apud Pontificem in eum gratiæ
 & auctoritatis locum peruenit, vt maxima quæq. Pō-
 tificij solij negotia in illius administratiōe & arbitrio
 versarentur. quibus rebus non modo in Pontificia
 Aula summum potentix & dignitatis locum multos
 annos obtinuit, sed maximi Europæ Reges illius gra-
 tiam, & beneuolentiam, in qua ad consilia de maxi-
 mis rebus expedienda plurimum ponerent, amplissi-
 mis donis & beneficijs vltro delatis sibi cōciliare stu-
 duerunt. Magna hæc quidem sunt, verum illud lon-
 ge maius, quod in tanta fortunæ amplitudine, in tan-
 ta omnium rerum copia, in tātisque vndique affluen-
 tibus voluptatibus, quæ cuiuscumq; cōfirmatā iam
 ætatem labefactare & euertere possent, tanto fuit ani-
 mi robore, vt aduersus omnia blandimenta se inui-
 ctum præbuerit, ætatemque illam sua sponte infirmā
 ab omni flagitiorum & vitiorum contagione integrā
 seruarit. quem perpetuum vitæ ac seuerissimorū mo-
 rum tenorem constanūssime retinuit. Ceterum Gi-
 berti virtus in vniuersa Republica garena clara, in
 priuatā Veronensi Ecclesia regenda & moderāda lō-
 ge magis enituit. nam cū temporibus cedens, fastūq.
 ac potentiam Aulicam relinquens eo concessisset, ijs
 moribus

moribus, legibus, institutis corruptas res emendauit, ut Sacerdotum suorum ordo veluti priscae illius, ac sanctae disciplinae reliquis Dioecesebus specimen esset; ceterique, qui illius virtutis aemuli fuerunt, Episcopi in Ecclesiae suae rebus ac statu emendando, moribusque corrigendis nullam expeditiorem viam inuenerint, quam descriptas Giberti leges Dioecesebus suis proponere. quae leges usque adeo probatae sunt, ut non modo aliquot priuatim Episcopi illas sibi asciuerint, sed Tridentinum ipsum Concilium, in quod ipsa Ecclesiae lumina conuenerunt, in moribus sacrorum virorum emendandis disciplinaque lapsa Ecclesiae restituenda Giberti leges exemplar habuerint, ad quas se se conformare ipsi vniuersae Ecclesiae correctores sibi erubescendum non ducerent. quam laudem iam inde ab ipsis Ecclesiae primordijs repetendo quam paucissimis constar accidisse.

RAINALDI CORSI.

*Vnus labentem tu nobis restituit rem
Giberte, ad priscam redeant quod saecula lucem,
Ipsa tibi in primis hoc se debere fatetur
Religio, felix tu ouibus ouiumque magistris.*

AVGVSTINVS FOLIETA.

IPsē in me domumque meam iniuriosus fuero, si tantum mihi gentile decus inuidero, ac si Augustini
Folietae

Folietæ patrui eximias virtutes debita laude fraudaro, quasi arrogantiæ & vanitatis inuidiam veritus, quã illius ætatis consensus a me plane detestatur, cum omnes singulari Augustini prudentiæ, consilio, in futuris prouidendis Diuino prope ingenio tantũ tribuerent, vt fore quidquid ille prædixisset, vulgo prædicaretur, constanterque crederetur. Quibus virtutibus cum admirabili eloquentia coniunctis cum auctoritatis locum apud Iulium II. Leonem X. Clementem septimũ Pontifices Maximos est assecutus, vt illi omnia maxima Pontificatus negotia eius consilio gererent. Duplexque hominis sapientiæ inter cetera extat specimẽ. alterum, quod Leonẽ ad foedus illud ineundum impulit, quo Gallorũ opes in Italia fractæ sunt, & Pontificij solij dignitas firmata. Alterum, quod a foedere contra Cæsarem sanciendo Clementem reuocare frustra est conatus. cui capto atque in arce incluso confessionem euentus expressit, se se vnus Folietæ futura prouidentis sapientibus monitus cum magnę vrbs direptæ & rerum euerfarum mercede praua cõsilia prætulisse. Extat & insigne in Genuam patriã pro meritum, quod Giberto contranitante eundem Clementem ad Genuenses libertatem & ordinum cõcordiam nouamque emendatę Reipublicę formam molientes in fidem accipiendos impulit. quamuis res Folietæ obitu Pontificisq. aduersis rebus effectũ caruerit, credo vt honos conseruatę libertatis Andreæ Aunæ Diuino consilio reseruaretur, eaque ipsa libertas
ciuis

ciuis potius quã exterorum opibus nũteretur. Neque vero Augustini fama Italiã finibus terminata est, sed ad exteras quoque prouincias delatã Carolus Cæsar ita amplexus est, vt inuictus ac maximus Christianorum Princeps omnia sua Romę Folietę cõsilio ad ministrari voluerit. Is demũ fuit Augustinus, qui Vberti parentis nomen, a quo adolescentię initia haud parum commendationis acceperunt, virtute sua illustrius fecerit. cuius Vberti ingenium & prudentia cũ in multis legatiõibus ad Maximos Principes de grauius negotijs, tum vero in Quatuoruirali Magistratu status ciuitatis lapsi erigendi, Reique publicę constitutendę conspecta est. cum summa igitur approbatione sepulchrũ. quod in æde Diuę Marię super Mineruam illi positum est, insigni hac inscriptione clari Poetę Antonij Tibaldei ingenio decoratum est.

*Te merito Folietæ tenent delubra Minervæ,
Ipse hominum quisquam si sapit, vnus eras.*

Illius quõque obitum, cum is in miserabili vrbis euer sione luctuoso casu selopi ictu sublatu esset, Petrus Bembus elegantissimo carmine deplorauit. neque æquius quidquam fuit, quam cui viro prudentię & consilij primas sæculum illud concessu omnium dabat, eius memoriam ab eo viro, cui illius ætatis eloquentię principes primas facile tribuebant, ab interitu vindicari.

PETRI

PETRI BEMBI CARD.

Non secus ac gelidi summis in montibus Hæmi,
 Aesculeam tetigit si Iouis ira trabem,
 Prostratæ immensam tellus stupet inscîa molem,
 Et gemit infestis sylua agitata Notis,
 Sic iacet ardentis deiectus fulmine plumbi
 Et Romæ & patriæ lux Folieta sua,
 Effundunt questus septeni ad sydera colles,
 Et Tyberis solitam pernegat ire uiam,
 Lamentabilibus complet uada concaua bombis,
 Extremasque iterat flebilis Echo notas.
 Phæbe pater, Phæbique nouem, pia turba sorores,
 Tuque Gigantæi de capite orta Iouis:
 Vos quoque quem uiridi quondam cinxisse corona
 Nec piguit uestris inseruisse choris,
 Illius extincti lachrymis decorate sepulchrum,
 Nobilis & flentes sentiat umbra Deos,

RAINALDI CORSI.

Augusti uernant flores, uel fronde reuulsa,
 Nequidquam rapidi concutiere Noti.

IO. IOACHIMVS PASSANVS.

Vluidum Ioânis Ioachimi Passani ingenîû, quod
 non vna cum corpore consenuit, sed in vegeto
 H h pectore

pectore vsque ad extremam senectâ integris sensibus
 vixit ac viruit, haudquaquam in obscuritate debet
 versari. Huius enim viri industriam sollertemq. men-
 tem, & ad publicas res tractandas in primis aptam in
 legatione pro Genua patria perspectam Franciscus
 Galliarum Rex celsissimus peracutus ingeniorû æsti-
 mator amplexus hominē legatione perfunctū apud
 se retinuit, in honoreque habuit, ac plurimas & gra-
 uissimas Reipublicæ partes illi sæpe mandauit. quas
 ille in legationibus de maximis rebus apud summos
 Reges & Romanos Pontifices obeundis, in maximis
 exercitiis regendis, quibus sæpe Quæstor præfuit,
 in omni deniq. negotiorum varietate ita sustinuit, vt
 eius multiplicem, & assiduam operam rebus Gallorū
 magno vsui fuisse ipsimet Galli amplissimis præmijs
 & castellorum donationibus testificati sint. Illud exi-
 mium, ac neutiquā vulgatæ prudentiæ specimē haud
 quaquam prætereundum est, quod cum in cursu ma-
 gnarum rerum esset, humanos casus, ac vitæ huius vi-
 cissitudines secum reputans, ne longam ætatem Au-
 licæ inuidiæ, & obrectationi vertentique se fortunæ
 diutius obiectam haberet, publicis muneribus vltro
 abcessit. in Italiāq. reuersus in priuatæ vitæ otii cō-
 cessit. in quo reliquum ætatis cursum tranquillum &
 ab omni contentione, & fortunæ iactatione remotū
 cōfecit. Nec sæpe a Gallis elocatus vllis aut præmijs,
 aut amplis delatis procurationibus a prudenti susce-
 pro consilio abduci potuit.

CLari nominis in Italis fuit Dominicus Saulius, ne
moque omnino nostra ætate inuētus est, in quē
plura congesta fuerint naturæ & industriæ ornamen-
ta. ad præstans enim & versatile ingenium, atque ad
omnia magna natum, quod formæ quoque dignitas
commendabat, accesserunt eximia eloquentia, mul-
tiplex doctrina, & eruditio, tum autem ciuiliū rerū
singularis intelligentia, quam ille ex plurimo vſu ma-
gnarumque rerum iam inde a prima adolescentia af-
sidua tractatione assecutus est. Vt nemo pluribus ma-
ioribusque præsidij ad res publicas gerendas instru-
ctior haberetur. quibus virtutibus eum apud Fran-
ciscum secundum Mediolanensium Ducem auctori-
tatis & honoris locum obtinuit, vt omnia Priuceps
ille de Dominici consilio gereret, meritaq. hominis
amplissimis præmijs, in quibus fuit Diſtio insignis op-
pidi Puteoli remuneranda censuerit. Viregrius
fratrem habuit Philippum longe diuerso ingenio vi-
rum, quem nescio an illo memorabiliorem dicā. no-
bilitate certe finis, quem propositum habuit; venera-
bilior esse debet. Is enim cum in Romana Aula Ma-
gister supplicum libellorum ita versaretur, vt eius no-
mē in primis excelleret, in cursuq. maximę spei esset,
illa Euangelij voce, qua nihil prodesse homini dici-
tur, si omnia, quæ sub cælo sunt lucrifaciat, atq; inte-
rea in anima detrimentum accipiat, mente Diuinitus

monita, quamquam bono animo vtens in omnibus negotijs caste & integre versaretur, tamen ab Aulicis curis, viraque illa periculosis offensionibus obnoxia abscedere decreuit, ad Ecclesiamque suam Brugatē sem regendam veluti in portum tutissimum concessit, cumq. se se sacræ doctrinæ studijs ac Diuinarū rerum meditationi totum penitus dedisset, non magis oratione, quam sanctissimæ vitæ exemplo concionādo populos sibi commissos ad caelestium rerū amorem accēdebat, atque in suos mores formabat. quarum rerū fama in longe distitas prouincias delata confessionem expressit ab ipsis sacerdotalis ordinis virulentis insectatoribus, huncq. virum in corrupto illo sæculo eximium esse, qui vna cum perpauis Episcopatus munere & nomine dignus haberetur. Domestice sanctitatis gloriam subsecutus est Alexāder huius ipsius Dominici filius patrui potius quam patris virtutum æmulus. in ipso enim adolescentiæ initio lumine Diuinitus mēti prelato in cœnobium procul a iuuentutis illecebris cōcessit, arctissimisque vitæ institutis sese dicauit, itaque in morum sanctitate & sacrarū rerum doctrina processit, vteius nomen in Pij Quincti notitiam uenerit. qui iuueni priscorum instituto viuenti, proculque ab Aula atq; ab omni ambitione omnique eiusmodi cogitatione degenti Aleriensem Episcopatum vltro mandauit, recusantemque & retractantem impositum onus pro imperio proque iure Sacrosanctę potestatis accipere coegit. Neq; vero
genti

genti Sauliæ ac Dominico & Philippo tantis patris
paruum decus & ornamentum futurum est in Anto-
nij fratris filij virtute, doctrina, prudētia, qua ætatem
præcurrere vere dicendus est, quiq; ita Romanæ Au-
læ probatur, vt haud leuia Reipublicę gerendę mu-
nera illi mandari cepta sint, in quibus est legatio, qua
in Regno Neapolitano Nütius in præsentia fungitur,
in qua obeunda ita versatur, vt non modo se cõmis-
so muneri parem, sed longe superiore dignũ ostēdarẽ

Sacra duos texit præstantes infula Sãulos,

Tertius at rerum publicæ cura fuit,

Nec fuit Europæ Dominis hoc charior alter,

Nec melius ciues qui regat imperio,

Si potuit corpus tandem succumbere læto,

Fama operum semper nescia mortis erit.

STEPHANVS VSVSMARIVS.

CUm egregia rerum Diuinarum scientia, tum exi-
mia prudentia, acrilque ingenij uis per omnes
procuratorum gradus spectata Stehpanum Vsfma-
rium ad Dominicani ordinis summũ Magistratũ ex-
tulit. in quo ille ordine per multos annos regēdo &
moderando ita omnia quæ sunt eius muneris, sancte
& diligenter coluit, vt eius virtutibus & meritis tantã
gratiam

gratiā sese debere ordo vniuersus Dominicanus existimarit, vnde etiam redundaret, quod eius discipulo & alumno Vincentio Iustiniano persequeretur. Stephano enim mortuo haud dubiū fuit, quin Iustinianus iuuentutis annos nondum egressus consentientibus vniuersi ordinis suffragijs raro exēplo in eius locum summus Magister sufficeretur. compluribus Antistitibus etate prouecta, ac singularis doctrinæ, & prudentiæ fama insignibus præteritis. quibus omnibus rebus homines mores & disciplinam a Stephano acceptam prætulerunt. Quamquam Iustinianus admirabilibus virtutibus suis breui effecit, vt Magistri nomen paruum momentū ad illum commendādum haberet. Id quod in eius elogio planius explicauimus.

Non excisæ vrbes misero pater alme duello,
 Non deiecta truci moenia celsa pila,
 Nomine quam presers, tibi concessere coronam,
 Sed pax, eximæ sed pietatis opus.
 Seruatique patres & sanctis legibus aucti,
 Perpetuaque ingens gloria parta toga.
 Nec minor occulti palma est de fraudibus hostis,
 Quæ sita imbelli sit licet illa manu.

LEONARDVS MARINVS.

Magna animū admiratio tacitis cogitationibus
versare nō hūmquā solet, qui fiat, vt quæ dū
res omnium humanarum longe præclarissimæ doctri
na & prudentia eā inter se habeāt similitudinē, vt ad
sui perceptionem non nisi præstantia admittant inge
nia, eæ rursus inter se ita diuersæ sint, vt a byno codē
que quamuis splendido ingenio vtræque aut nūquā
aut perraro plane percipiātur. Siquidē eos videmus,
qui in sapientiæ studijs, atque in cælestium & diuina
rum rerum inuestigatione excellant, ad res ciuiles tra
ctandas & ad Rempublicam gerendam minūs aptos
esse, eos contra qui in Reipublicæ administratione &
in ciuiliū rerū procuracione cum laude versantur,
si se se ad doctrinæ studia contulerint, numquam se
re ad primos peruenire. Vt nonnulli inueniātur, qui
hæc inter se prorsus pugnare existiment; eiusque rei
in scholis sæpe ac multum quæsitæ & disputationib⁹
agitatæ rationes non omnino improbabiles afferāt.
Nos quamquam vtrāque laudem raro eidem con
tingere non negamus, ita opinionem excellentibus
ingenijs iniquam multis omnium temporum exem
plis refelli affirmamus. verum ne longius abeamus,
perspicuæ rei aperto argumento est nostra ætate Leo
nardi Marini felix versatileque ingenium. qui vir cū
mira cælestium & diuinarum rerum cognitione na
turem

turalem quoque prudentiam, ac consilium, rerumq. ciuiliū vsum & intelligentiam coniunxit, eximia eloquentiæ gloria egregias laudes cumulâte. nemo enim sacrām doctrinā aut in scholis doctius interpretatus est, aut copiosius in cōcionibus explānauit, nemoq. in animis ad virtutem inflammandis, & a vitijs reuocandis acrior, aut vehementior, aut ornatior orator fuit. Idem cum e cœnobio & e schola ad Episcopatū euocatus ad publicas res tractandas animum conuertit, is exitit, eiusque ingenium & consilium ita enituerunt, vt nemo magis multā, pluribusue locis, aut maiore cum approbatione Reipublicæ ac Maximis Principibus operam nauarit, cum in vāio genere Reipublicæ administrāde, tum vero in legationibus de maximis semper rebus obelundis. Nam apud Carolum Cæsarem ac Philippū Regem filium, difficillimis temporibus multos annos magnā cum laude Pōtificius Nūtius fuit Regi ita acceptus & probatus, vt ampliore Lanciani Archiepiscopatu honestatus sit. Ad hoc a sacro Tridentino Concilio, in quod ipsos omnis doctrinæ & sapientiæ Antistites ex tota Europa conuenisse vidimus, dignus habitus est, qui de maximis maximeque arduis Christianæ Ecclesiæ negotijs ad summum Pontificem mitteretur, itaque ipse omnia quæ fuerunt eius muneris, executus est, vt tam excellentibus de se factis iudicijs abunde respondisse sit existimatus. Neque vero illud exiguum munus fuit cum Catechismo Christianę disciplinę componendo. vna

cum

cum grauiſſimis & doctiſſimis collegis præfectus eſt. adeo in nullas nõ partes præſtās ingeniũ ualuit. Præterea a Pontifice in controuerſia de grauiſſima re ad Ferdinandũ Cæſarem miſſus eam moderationẽ adhibuit, eamque in animo Cæſaris tractando & mitigãſto lenitatem, vt propoſiti pertinaciter reſiſtentem Principem flexerit, & a ſententia animo penitus inſidente deduxerit, magnorumque inſtantiũ diſſidiorum, magnarumque offenſionum cauſſas præciderit, ac ſummas difficultates magna ab utroq; Principe inſta gratia expedierit. Iam uero a Pio Quinto peſtiſere doctrinæ lue in Subalpina prouincia ſerpente ad Episcopatum Albenſem trãſlatus eſt, vt piorum dogmatum oppugnatoribus acer ueritatis propugnator opponeretur. poſtremo a Georgio Tertio decimo Põtiſice Maximo & ſapientiſſimo de ſumma Rẽpublica ac de ſcødere & expeditione in Turcas Legatus eſt, quod munus ita impleuit, itaque hominum opinioni reſpondit, vt Romam reuerſus, ac legatione uix re nuntiata legatus ad Cæſarem deſtinatus ex humanis exceſſerit.

THOMÆ CORREAE.

Quis Leonarde pater te fortunatior? in quo

Tot dotes animi, tot bona conſpicimur?

Magnus enim ingenio es, maior ſapientia, & uſu

Maximus. Iſta ſimul iungere rarus bonor.

II

Hæc

Hinc tu Pontificum interpres mandata potentes

Ad Reges persers, nec sine laude refers.

Cum res ulla grauis, cum magna negotia rerum

Sunt tractanda, tui muneris iste labor.

Præmia tot meritis quæ sint satis æqua negarem

Possè dari, virtus ni pretium ampla foret.

BARPTOLEMAEVS FACIUS, IACO-
BUS BRACELLIVS.

HAud sane pudoris mei fuerit, affirmare, in pari literarum, atque armorum ciuiliūque rerum tractandarum laude Genuense nomen versari. nam ut hac nulli Italicarum urbium post extinctum Romanum imperium est secunda, nullusque populus clarorum bello virorum copia ditior fuit, ita litteras modice attigit Genuensis natio. quod idem omnibus fere gentibus, dum in illis militaria studia viguerunt, usu venisse constat. nō tamen hac quoque parte Genuā omnino claudicare nonnulli doctrina & eloquentia præstantes viri scriptis suis declararunt. in quibus fuerunt Barptolemæus Facius, & Iacobus Bracellius Genuenses ciues. quos vno eodemque elogio ambos cōplexi sumus. neque ideo illos non prætercundos duximus, quod aliquid lucis clarissimo illorum nomini studio nostro nos addere posse speremus; quod ipsi singulari eloquentia præclarissimisque scriptis suis immortalitati consecrarunt, sed ne in recensendis claris Liguribus, quos omnes hoc volumine nos ample

xuros professi sumus, patria mea numero fraudaretur. Facius igitur Alphonso Aragoniæ, Sicilia, ac Neapolis Regi ab epistolis fuit, Bracellius Genuensis Senatus scriba eundem honoris locum a Nicolao V. Pontifice Maximo ultro delatum repudiavit mediocritate sua contentus: Facius vitam & res gestas Alphonso conscripsit, Bracellius historiam belli Hispaniensis, quod cum eodem Alphonso populus Genuensis gessit, quinque libris est complexus; tanta uterque cum ingenij, prudentiæ, eloquentiæ laude, ut non modo illam ætatem, in qua præclaræ artes, quæ multa ante secula summis sordibus, ac squalore obsitæ iacuerant, ex altissimis tenebris emerisse multum iam veteris splendoris assumpserant, longe superarint, sed nostram quoque, in qua politiora studia & eloquentiæ omnis generis gloria in flore maxime est, illos in Principibus numeret.

RAINALDI CORSI.

Præstantes uirtute viri, labentia sæcla

Aeterna ingenij qui ualuisse ope
Sistereque, et uestra nos ipsi esulgere luce,

Præire atque alijs lumine perpetuo,
En quem vos patribus rite instauratis, honorem

A grata vobis posteritate datum,
Vitam alia augeri uita uix credere dignum est.

At miscet superis, at Foliet beat.

BAPTISTA FVLGOSIVS.

AT in Baptista Fulgoso, qui patrum nostrorū etate principatum in patria obtinuit, tanta fuit, ac tam multiplex eruditio, tantaque vetustatis atq; omnium etatum cognitio, vt quem cum illo cōferas, haud facile reperiās. id quod manifeste docet op^o laboriosissimum, quod Valerium maximū imitatus de factis & dictis memorabilibus cōscripsit. In quo omnium nationum, omniumque temporum exempla ita collegit, vt cunctorum sæculorum historiam breui perstrictam ante oculos hominum posuisse videatur. quæ res immensi operis atque infiniti pene laboris fuit. Iam vero simplici rerum narratione minime contentum fuisse, sed vnamquamque momento suo ponderasse, ac de singulis sapiētia iudicia fecisse, egregium profecto acerrimi, ac pene Diuini ingenij, & ad omnia humana expendenda & tractanda apti & versatilis specimen fuit. Vt si quis huius voluminis vtilitatem & fructum spectet, quod omnium humanorum casuum exempla tāta copia suggerat, ex quibus quid scēdum, quid honestum inceptu sit, qui exitus vtrūque consilium cōsequi soleant, innumerabilia documenta petantur, tum ad delectationem mentem cōuertat, quæ tanta rerum varietate legentium animos tenet, profecto hoc esse illud opus statuat, quo nostra ætas, quæ sibi omnis eruditionis omnisque generis

neris eloquentiæ iure primas vindicat, præstabilis tulerit nihil :

HORATII GVICCIARDINI.

Senferat ex tolli toto Fulgosius orbe

ni Ore virum libris se Folietâ tuis.

Nunc quantum vis, ait, magnis adoperta tenebris

Mors sera uerte tuas in mea damna manus.

Hoc si respicies, esse baud obnoxia dices

Cuncta tuo imperio, rarum opus ingenij.

RAPHAEL FVLGOSIVS.

Magno ipse quoque ornamento patriæ ac genti suæ Fulgosii Raphael fuit, clarissimi nominis Iurisconsultus. quem eximium ingenij acumen a cōmuni interpretum sententia sæpe abduxit. Multa huius viri extant egregia scripta tum iure ciuili interpretando, tum de illo respondendo, quæ Fulgosium nomen cum in Gymnasijs, tum in iudicijs ac forensibus causis perpetuo celebre sint factura.

FVLCO, ANDALOVVS NIGRIVS,

BARPTOLEMAEVVS FALLAMONICA.

Quam gloriam Genuæ patriæ Fulco inuidit sedibus ac domicilio Massiliam translato, aliena quæ ciuitate sibi assumpta, eā ego illi nō inuidebo, neque
vlla

vlla vel iusta indignatio officio mihi erit antiquior.
 quod a me postulare videtur, vt quem virum duo ip-
 sa clarissima Hetrurie lumina Dāthes & Petrarca æter-
 nis cārminibus suis illustrandum duxissent, eum ego
 Genuensis homo scriptis meis ne silerem. Porro Ful-
 co simile consilio fatum habuit. qui enim in aliena,
 quam in sua ciuitate viuere maluit, eius memoria in
 alienis magis, quā in suis ipsius scriptis viuit ac viget.
 quæ non ignobilitate sua interijisse sunt existimanda,
 quis enim eum ignobilem Poetā dicere audeat, qui
 duorum tantorum virorum laudatione nobilitetur?
 sed quod iam pridē obsoleuerit apud Italos Prouin-
 cialis gloria non tam vetustatis tenebris obruta, quā
 præfulgente Hetrusca Musæ splendore oppressa. Ea-
 dem quoq; est Andaloi Nigrij, & Barptohlemæi Fal-
 lamonica Genuensium ciuium fortuna, vt virorū cla-
 rorum nomē alienis magis quam suis scriptis niteat.
 quorum ille omni doctrina mirifice excultus, cū ne
 poetices quidem expers omnino fuerit, in Mathema-
 tics ita excelluit, vt Boccacius, in quo viro solutę ora-
 tiouis laus Hetruscorum carminum gloriam aliorū
 potius quam meo iudicio æquauit, hoc præceptore
 in primis gloriatur. At Fallamonica sublimi poema-
 te Philosophiæ & Theologiæ res complexus abditas
 quæstiones tractauit, quas Lyricis modis ita dilucide
 & ornate explicauit, vt qui materiæ sumptæ grauita-
 te Danthē æquet, eundem carminum elegantia & sti-
 li felicitate longe antecedit. Neq; dubium est, quin
 cellissimum

cellissimum ipse quoque in Hetruscae Poësis laudibus locum obtenturus fuerit, nisi gentilium suorum sibi ipsis ac gentis nomini iniquorum scelus clari viri memoria obstaret. quam diuino volumine inepta ratio ne compresso obscuratam & oppressam tenent.

RAINALDI CORSI.

Dignus tu duplici frontem præcingere myrto

Il Vates, quem duplex vendicat ora sibi:

Teque adeo gemini Thyrrenum gloria Cygni

Carmine uterque suo sydera ad alta rapit.

INGHETVS. CAESAR CONTARDI.

QUod ex innumeris hominum millibus, qui se se litterarum studijs totos dadiderunt, omnēque operam in illis posuerūt, perpauci admodum diuturno studio, assiduaque animi cōtentione efficere potuerunt, ut ad magnum & memorabile nomen in scientiæ laudibus peruenirent, id eum virum affecutum, cuius omnis vita mercatorij curis & sollicitudinibus fuerit districta, omnisque opera & industria in eo quæstu perpetuo occupata, magnam profecto habet præcellentis ingenij admirationem. Magnū igitur in pretio perpetuaque in gloria esse debet Ingheti Contardi Ciuis Genuensis nomē. quā illi cōciliat acerrima disputatio in vrbe maioris Balearicæ trecētis circiter abhinc annis cū doctissimis Hebraicæ

cæ sectæ Antistitibus habita de summa religiōe ac de Christiana lege litterarum monumentis quamuis rudis scribendi genere consignata. in qua Inghetus acutissimis & firmissimis argumentis, & media Theologia sumptis Christianæ doctrinæ veritatem confirmavit; Asturchumque, cui tum suæ sectæ homines primas deferebant, victum manus dare coegit; opinionemque menti penitus comprehensam inuito ac diu renitenti tandem extorsit. quare ille cum Ingheti disputatione & ingenio victus, tum lumine menti Diuinitus prælato, inueterato, ac cum lacte imbibito errore abdicato in Christi militiâ sacro fonte ablatus nomen dedit. quod idem complures eiusdem sectæ homines fecerunt, cum tanti viri exemplo inducti, tum Diuino Numine mentem dante attracti. Huius Contardæ gentis nobilis apprime ac peruetustæ, quæ per perpetua Reipublicæ administratione olim floruit iacens nomen, ac litterarum consenescentem gloriam longo interuallo ætate nostra Cæsar Contardus eximius Iurisconsultus rettulit, qui perarduas iuris ciuilis quæstiones acutissime & copiose tractatas & illustratas litterarum monumentis æternitati consecrauit. quæ ita probantur, vt nomen Contardi haud exigua cū ciuitatis nostræ gloria in Gymnasijs & forensibus iudicijs & iam nunc viuentis iactetur, & perpetuo celebre futurum sit.

MATTHAEVS SENAREGA.

Mattheum Senaregam quamquam Facio & Bracellio professiōe coniunctū, tamē magna quædam alia sunt, quæ proprij elogij testimonio dignū faciant. neque enim in scribēdi tantummodo facultate, qua cum in historia, tum in omni genere excelsit, id quod in homine ex domestica Pauli Manutij qualis quantique huius artis antistitis disciplina profecto minime mirum videri debet, sed in dicēdo quoque & in publicis rebus tractandis ac civilibus contentionibus, quæ longe diuersa laus est, incredibilem eloquentiæ vim exprimit. Accedunt eximia quædā, viuida sollertisingenij vis. quæ tanta fuit, vt prudētiā ipsam nō nisi diuturno vsu acquiri solitā ante annos representarit, ad hoc in negotijs ducendis & voluntatibus hominū tibi conciliandis mira lenitas. quæ virtutes ita in illo enituerunt, vt oculis omnium in tantam indolem conuersis adolescentiam vix ingressus ad Rempublicam gerendam grauissimo arcanarum rerum munere illi commissio vocatus eum se cum in legationibus obeundis, tum in sententia de magnis & arduis rebus exponenda ostenderit, vt illud plane constet, ætate nostra pacis artibus, atque ad publicas & magnas res tractandas naturæ & fortunæ præsidij instructiorem esse neminem.

Penitet ab ore tuo iuuenis Matbare senexque,
 Verbaque non audet amplius ulla loqui.
 Concilio uenisse Deum te credit ab al. o,
 Sicque loqui gemmas, sic fluere ore charin.
 Patri conspiciis te non tam laudibus ornat
 Quantum tu patriam moribus & studijs.

LVCAS CAMBIASIVS.

EA est Genuensium hominum belli pacisque ar-
 tium gloria, ut non multum sit illis ad nomen suum
 illustrandum de alienis studijs accertendum. Igitur lit-
 terarum scientiam, qua tamen laude omnino non ca-
 ret, ac pingendi & fingendi artem, ceterasque eiusmodi
 facultates multis nationibus non iniquo animo con-
 cedunt. quod idem ceteris claris populis, apud quos
 militaria & magnarum rerum gerendarum studia vi-
 guerunt, usu venisse constat. Romani quidem adeo
 Philosophandi scientia ac Poetica & mechanicis ar-
 tibus sese vnici a Graecis non indignabantur, ut gra-
 uissimi eorum eiusmodi rebus cum Graecis certare, at-
 que adeo eas res omnino tractare, turpe sibi, ac maie-
 state Romana inferius ducerent. In eadem vestigia in-
 genij similitudine Genuentes incurrētes ea tantum stu-
 dia coluerunt, quae in Ciuitate sua in pretio & in ho-
 nore esse videbant. non quod doctrinae, & liberalium,

ac mechanicarum artium studiis minus aptum esset illorum ingenium, sed quod sublimioribus curis intentæ mentes ad inferiora se se demittere non possent. Id quod ætate nostra manifeste declarauit Lucas Cæbius, quem pingendi arte ita constat excellere, ut siue admirabilem inuentionem & varietatem spectes, siue formandi & delineandi scientiam consideres, siue artem in colorando cõtemplere, in quibus rebus omnis pingendi facultas exprimitur, eum esse illum statuas, quo hac in arte nihil fieri possit absolutius, cum ne fingendi quidẽ laude careat, cuiusq; tabulæ ad veritatem ita adductæ sint, ut non ad naturam imitatio proxime accedere, sed naturam ipsam spirando & gestu agendo exprimere videantur. Egregium artificem Paulus frater meus eleganti carmine populari lingua cõscripto ornauit, quod in Latinum sermonem conuertit Rainaldus Corsus Corrigiensis mihi amicissimus, summaque humanitate ac morum suauitate præditus. Qui vir perhonorifico munere, quod est a supplicibus libellis, in præsentia fungens longeq; maiore & ampliore dignus ad Pontificij, & Cæsariani iuris scientiæ haud minorem eloquentiæ, politioresq; litteras ac multiplicem addidit eruditionem, miramq; in carminibus faciendis felicitatem. quas virtutes coniungitur singularis prudentia, ac rerum usus, & ad publicas, ac magnas res tractandas in primis aptum ingenium. Ut virum præstantiorem, pluribusue, aut maioribus animi, & ingenij bonis ornatum Romana Aula habeat neminem.

Ingenium paritura nouum mille amplius annos

Disſulit, ac magno tandem conamine ſeſe

Exuperans natura uirum, manus inclſta cuius

Sape moram menti faceret, ueræ ne colorum

Sunt facies, ueris ſeu tantum proxima, in auras

Edidit ætherias, de lucis nomine dictum

Lucam, qui patriæ lucem, lucem attulit orbi.

ſcilicet & (propria quæ ſunt cognomina genti)

Mutatam cogit ſe farier arte parentem.

Iure igitur ſummos inter procereſque Ducesque;

Qui bene de patria meruere, adſcribit Vbertus,

Pone ſubit frater, Diuino neſtare Muſa

Quem Ligur in Syluis ultro imbuit Apennini.

DE

DE HIS QVI AD MAGNAS
OPES POPVLORVMQVE
DOMINATVM
PERVENERVNT.

GERARDVS SPINULA.



Reiectæ impudentiæ, atque adco nefarij
sceleris fuerin, putare in clarorum uiroſu
memoria commendanda non longe pri-
mas uirtuti eſſe tribuēdas, aut uero quid
quam de omnibus humanis rebus cū illa
conferendū. Sed tamen negare non poſſumus, quin
fortune quoque amplitudo ſi minus gloriā pariat,
ſplendorem certe hominum nomini conciliet, ad eo-
rumque memoriā ab obliuione vindicandam plu-
rimum valeat. Iure igitur qui de Liguribus fortune
amplitudine floruerunt, quamquā reſ geſte aut nul-
læ, aut in obſcuro ſunt, prætereundi non ſuerunt. in
quibus ſuit Gerardus Spinula duarum nobilium vr-
bium alterius in Hetruria, alterius in Lōgobardis Lu-
cæ & Terdonæ dominus. Ex qua re præterquā quod
iri potentiā ſuſpicere poſſumus, ciuitatis noſtrę ina-
gnitudinem conijcere licet, cuius tanta eſſet priuato-

rum

rum

ur̄m̄ciuium dignitas tantæq. opes, v̄t celebres vrbes
Cæsaris concessu in Ditione fiduciaria haberent, in
casque Prætores, & Magistratus cū imperio mitteret.

M V T A N T O

BRANCAS AVRIA.

L E X I M E R V T.

Summæ quoque fuerūt Brancæ Aurix opes, atque
Seximix dignitas, qui maximam Sardinix partē Vr
bium, castellorum, vicorum, late patentium regionū
dominatu occuparit, ad tantamque potentiam ea in
insula peruenit, v̄t omnium rerum arbiter & mode
rator Sardis ipsis studentibus Regis titulum a Cæsare
petierit, impetraturusque fuisse credatur, n̄ dum res
suo molimine grauis extrahitur, fato functus esset.

Hic ille est Brancas, quē celebris nominis Poeta Dan
thes apud inferos etiam viuētem locat, cupiditate vl
ciscendi doloris alte animo insidentis ob insignē ac
ceptam contumeliam in tantum furorem prouectus.

Dāthes enim, id quod in corruptis vetustatis documē
tis constat, vir ceteroqui egregius vitio ingenij vehe
mens & impotens, ad hoc factionum studijs & indo
mitis animi permotionibus sæpe vsque ad insaniam
rapi solitus, haud secum reputans, quāto cum pericu
lo magni viri lædantur, proiectę linguæ libertate abu
tens, quo perpetuo morbo laborauit, de Brancæ no
mine ac fama, quem nescio qua de causā oderat, de
trahere non desistebat. cumque sæpe monitus nullū
maledicendi modum faceret, Brancæ clientes tantā

verborum

verborum petulantiam re tandem coercendam censentes hominem in publico deprehensum male mulctarunt. quam ille iniuriam cum factis nō posset opibus tanto inferior, verbis & stilo vlcisci studuit.

SINIBALDVS FLISCVS.

Nobili ac peruetusto Lauaniæ comitum titulo insignis gens Flisca, ad hoc perpetuo & continuo sacrorum honorum splendore in primis Italicarū præfulgens magnam semper Gennæ potentiam, atq; opes supra quā modicas possedit. quippe quæ per amplā Ditiōe, ac Castellorum & populorum dominatu non solū ceteros Genuenses populares suos anteciret, sed nemini Italarum Procerum cum a summis Principibus discedimus, esset secunda. Quibus opibus in dies crescentibus factū est, vt Hieronymus & Sinibaldus fratres non iam proprijs nominibus, vt reliqui ciues, sed cū Comitum præfatione vocarentur. qui titulus nō tam a Sinibaldo est expetitus, quam omnium cōsensu illi datus, nemine repugnante fortunā tāto ceteros antecedentem nominis quoque appellatiōe notatam & eximiam esse. quæ res adeo Sinibaldi ad nullam arrogantiam animum inflauit, vt nemo contra illo moderatior aut demissior esset, & in quotidiana consuetudine comior, ac suauioribus præditus moribus patriæque amantior ciuis, ab omni que ambitione remouor. Cumulat laudes bonarū artium perpetuum

petuum studium atque amor, litteratorumque hominum cōsuetudo, qua mirifice delectabatur, quosque liberalitate sua amplexus domi habebat, omnibusque commodis fouebat. in quibus fuit Pāulus Panfa cū omnis elegantis eruditionis, tum poetices laudibus celebris in primis hominis. Quibus rebus fit, vt tātæ opes tanta modestia, ac virtute cōiunctæ suo elogio dignæ fuerint. Neque de Sinibaldi laudibus aut gratia, qua omnibus æque charus fuit, quidquam detrahere debet Ioānes Ludouicus filius, lōge diuerso ingenio adolescens, quī sese ac domum suam in irreuocabilem exitij casum præcipiti cōsilio demittere properauit.

ALBERICVS CIBO.

GENS Cibo cum multis stemmatibus, tum vero Pōtificatu Maximo perillustis in tātas opes creuit, vt clarissimis ac præpotentibus aliquot Italię familijs affinitate cōiuncta multas passim ditiones possideat. in quibus est vetus, ac celebris nōminis Marchionatus Massæ, quem a matre nobilissima Malaspinā hereditarium acceptum Albericus Innocentij VIII. pronepos vna cum ceteris Ditionibus obtinet. quem Cæsar cum nobilitate vtriusque generis, tum meritis & virtutibus cōmendatum ampliōre & splendidiore Principatus titulo auctum & ornatū in sacri Imperij Principibus numerari voluit.

THO.

T H O M A S M A R I N V S.

AT neque ij, qui nostra ætate complures Genuen-
ses ciues ad insignes titulos & dominatus popu-
lorum ascenderunt, ita omnia fortunę debere, ac me-
ritis omnino carere sunt existimādi. Ingentibus enim
opibus sua industria, sollertia, vigilantia partis cū ino-
piam publicam subleuarint, maximosque exercitus
sustentarint, haud exigua illorum merita in Rempu-
blicam videri debent, iureq. illos amplis Ditionibus
a Cæsare maximisq. Regibus donatos. quos omnes
nominatim persequi non necesse habui, longū enim
id fuisset, Insigniores tātum commemorasse conten-
tus. in quibus primus ordine fuit Thomas Marinus
Ducatu Terrę nouæ in Regno Neapolitano a Cæsare
auctus.

A D A M V S C E N T V R I O.

AT Adamus Centurio ad opes, quas immensas
accumulauit, prudentiam & consilium addidit,
& ad quæuis magna tractanda aptum ingeniū. Qui-
bus virtutibus, simul Andræ Aurie affinitate subni-
xus præterquā quod Genuæ plurimum potuit, mul-
taque eius fuit in omnibus rebus auctoritas, magnā
inijt a Cæsare & a Philippo Rege filio gratiā. Verum
summa grauitate vir ab honorum titulis abhorrens

L I Marchio-

Marchionatu Astapæ opulenti in Hispania oppidi
Marcum filium insigniri voluit.

NICOLAUS GRIMALDVS.

Nicolaus Grimaldus non magis opibus, quæ supra quam modicę fuerunt, quam liberalitate cōspectus est, qua permultos ciues amplexus complurium laborantem fortunam subleuauit, afflictamque crexit, multosque ad commodum vitæ statum & honestatem fortunæ perduxit, huc accedit liberalis cultus, ac perpetuus splendor cum in omni genere, tum in immanibus substructionibus in primis coruscans, quibus Regiam magnificentiam haud dubie æquauit. Liberalitatem igitur & merita Grimaldi erga Rēpublicā Philippus Rex grato animo profecutus multis ditionibus, in primis vero nobilis & celeberrimi nominis vrbs Salerni cum insigni Principatus titulo magna omnium letitia remuneratus est.

STEPHANVS SQVARRCCIAFICVS.

Eadem ratio, eademque opes Squarcciaficis ad Opimam Oriæ Ditionem in Regno Neapolitano viam communiuerunt. quam ab Alberto patre Stephano filio traditam Philippus Rex in Antonij Auriæ foceri gratiam insigni Marchionatus titulo nobilitauit.

GALEATIVS PINELLVS

Nobiliac præclaro emularum virtutū certamine inter se contendisse videntur Cosmus parens, & Galeatius Pinellus filius; mutuoque splendore alter alterius nomen illustrare. Cosmi enim eximia animi moderatio & nostræ ætati cōspecta, & posterit ati memorabilis in primis est. nam nemo in quærendis opibus castius est versatus, famamque & mentem ab omni sordium & avaritiæ labe integriorem purioremue seruauit; & ijs opibus partis, quæ ad cultum honorifice tuendum sufficeret, modo cupiditati salubriterposito, omni que quæstus genere, ac sollicitudine valere iussa præclarū exemplum posteris ad imitandum in se constituit; nullaq. in re priuata ac ciuilis vitæ modum excelsit, præterquā in ædificiorum magnificētia, sumptibusq. in filiorū cultum in bellis, in Aulis Regū, in Gymnasijs magnifice tuendū large suppeditādis. qua in laude perpetuæ & contestatæ gentili cōmendationi proximus fuit. Gens enim Pinella apprime nobilis turbulentissimis Ciuitatis nostræ tēporibus procul ab omni fastu & ambitione, ab omnibusq. ciuilibus cōtentionibus remota cum nullo loco operam & industriam suam Reipublicæ subtraxerit, nullumq. illius procurandæ aut munus vinq. intermiserit, aut laborem subterfugerit, non tamen aut ex malis publicis crescere vinq. studuit, aut per publicam priuatāue cuiusquam iniuriam in actionem potentie aut dignitatis

Ergo tuis *eadam* folijs *folia* omnia quotquot
Idalum effundit, Pieriumque nemus.

IN V B E R T Y M F O L I E T A M

A V C T O R E M.

P O M P E I I A R N O L P H I N I.

Dum folijs pascuntur oves, dum sylva quotannis

Exurget folijs conspicienda novis:

Nulla dies lato folia hæc spoliabit honore,

Exornat Ligur es quæis Folieta viros.

F I N I S.

M E N D A L I B R A R I I.

Pag. 9. pyratarum, piratarum. 11 operam, operam. 15. literarum, litterarum. pag. 31. te referam, te rerum. ead. avaritiæ nomen, avaritiæ male nomen. 32. ignis alta, ignis in alta. 43. HORTENTII, HORTENSII. 64. Alphonfi, Alphonfi. 68 causas, caussas. 81 Carretum, Carretum. 85. clasnum, classum. 98. adde in fine Epigrammatis. Virtutem pariet facundo prodita ab ore

Virtus, atque acres concipiet stimulos. 147. flamanti, flammanti. ead. cim, cum. 162. perculit, perculit. 183. creditus, creditur. 144. vltto, vltro. 191. multipli, multiplici. 203. V B E R T V S S P I N V L A C A R D. deme C A R D. 237. muneti, muneri. ead. dadi-derunt, dediderunt. ad hæc multis in locis incuria librarii n littera inuersa est hoc modo u superiore parte hianui inferiore clausa 3. 5. 111. 125. ead. 129. 148. 178.

INDEX NOMINVM.



Elius Pertinax 30
Anfaldus Embria 39
Anfaldus Pizo 44
Anfaldus Auria 44

Baptista Pinellus 119
Barptolemeus Facius 141
Baptista Fulgosius 144
Barptolemeus Fallamonica 145

Amicus Grillus 67
Anfaldus Marins 70
Ardeolus Marins 71
Anfaldus Soldanus 73
Aegidius Buccanigra 95
Aurieta Auria 97
Antonius Grimaldus 68
Ambrosius Nigrius 114
Aurelius Fulgosius 143
Andreas Auria 147
Antonius Auria 155
Antoniottus Palavicinus 173
Augustinus Spinula 177
Antonius Ferrerius 199
Albertus Claudius 106

C
Christophorus Columbus 32
Cassarus 67
Conradus Auria 73
Christophorus Palavicinus 153
Cesar Fulgosius 156
Clemens Roboreius 191
Carolus Dominicus Carrettus 194
Clemens Dolera 103
Cesar Contardus 247

Francus Cibo 126
Angelus Insulinus 237
Augustinus Folietta 230
Andalous Nigrius 246
Albericus Cibo 256
Adamus Centurio 257
Argentina Spinula 260

D
Esiderius D. 17
Dominicus Saulius 235

B
Baldwinus 44
Plasius Axeretus 54
Baptista Fulgosius 118
Trinius Insulinus 119
Baptista Insulinus 119
Balthasar Blasius 114
Bendirellus Saulius 176
Benedictus Lomelius 186
Barptolemeus Cucurnus 201

E
Manuel Caballus 244
Elisabe lla Flisca 260

F
Elix D. 16
Fridericus Marabottus 85
Franciscus Catalusius 96
Franciscus Spinula 125

Franciscus Maria Roboreius 137
Fabritius Carrettus 139
Fridericus Fulgosius 169
Franciscus Marchesius 214
Fulco 245

G
Vlielmus Embridicus 38
Gidighus Gaberna 84
Gandus Marius 99

Gasparr

I N D I E X.

Gaspar Spinula	104
Galeatus Iustinianus	119
Georgius Adornius	140
Gulielmus Fliscus	165
Georgius Fliscus	165
Galeottus Roboreius	191
Gerardus Spinula	253
Galeatus Pinellus	359

H

H Adrianus V.	39
Hugo Embriacus	39
Henricus Marins	76
Hieronymus Riarius	117
Hieronymus Grimaldus	179
Hieronymus Auria	179
Hieronymus Bassus	198
Hieronymus Adornius	113

I

I Nnocentius III.	16
Innocentius VIII.	27
Iulius II	28
Iacobus Marocellus	72
Iacobus Leuantus	73
Iacobus Fliscus	94
Isnardus Gnarcus	111
Ioannes Fulgosius	115
Ioannes Grimaldus	119
Ioannes Iustinianus	124
Ianus Fulgosius	128
Ioannes Roboreius	135
Ioannes Auria	158
Ioannes Andreas Auria	160
Ioannes Fliscus	165
Innocentius Cibo	172
Io. Baptista Palanicinus	173
Io. Baptista Cicada	181
Io. Mathaeus Gibertus	228
Io. Ioachimus Passanus	223

Iacobus Bracellius	141
Inghetus Contardus	147

L

L Ambrosia	52
Lambertus Cibo	66
Lufrancus Vissimarins	100
Lucianus Auria	101
Lucas Fliscus	112
Laurentius Folieta	113
Laurentius Mutinus	132
Leonardus Roboreius	135
Lucas Fliscus	165
Ludonicus Fliscus	165
Laurentius Cibo	171
Leonardus Roboreius	193
Luchinus Vinaldus	211
Leonardus Marins	239
Lucas Cambiasius	90

M

M Artinus Zacharias	90
Megolus Lercarius	105
Matthaeus Marruffus	109
M. Antonius Carrettus Auria	157
Marcus Vigerius	200
Matthaeus Senarega	229

N

N icolaus V.	21
Nicolaus Spinula	78
Nicolaus Fulgosius	112
Nicolaus Fliscus	166
Nicolaus Grimaldus	238

O

O picinus Carrettus	81
Othobonus Iustinianus	23
Ottavianus Fulgosius	141

Populus

I N D I E X.

P			<i>Salagnus Nigrinus</i>	88
Populus Genensis	<u>16.40.42.</u>		<i>Simon Buccanigra</i>	<u>94</u>
<u>45.48</u>			<i>Stephanus Mutinus</i>	<u>132</u>
<i>Philippus Longus</i>	<u>44</u>		<i>Simon Pasqua</i>	<u>183</u>
<i>Paganus Auria</i>	<u>56</u>		<i>Stephanus Iustinianus</i>	<u>225</u>
<i>Petrus Fulgosius</i>	<u>60</u>		<i>Stephanus Vfusmarinus</i>	<u>232</u>
<i>Princiuales Fliscus</i>	<u>85</u>		<i>Simibaldus Fliscus</i>	<u>255</u>
<i>Petrus Spinula</i>	<u>93</u>		<i>Stephanus Squarciaficus</i>	<u>259</u>
<i>Petrus Auria</i>	<u>102</u>			
<i>Philippus Auria</i>	<u>150</u>		T	
<i>Paulus Fulgosius</i>	<u>168</u>		<i>Thomas Spinula</i>	<u>91</u>
<i>Petrus Riarius</i>	<u>196</u>		<i>Thomas Marchinus</i>	<u>76</u>
<i>Philippus Calandrinus</i>	<u>102</u>		<i>Thomas Marinus</i>	<u>257</u>
<i>Pileus Marinus</i>	<u>108</u>			
<i>Paulus Centurio</i>	<u>221</u>		V	
<i>Paulus Folietā</i>	<u>261</u>		<i>Valentinus D.</i>	<u>16</u>
			<i>Vbertus Turrus</i>	<u>44</u>
R			<i>Vbertus Auria</i>	<u>10.52</u>
<i>Romulus D.</i>	<u>16</u>		<i>Vbertus Turrus</i>	<u>67</u>
<i>Roscus Auria</i>	<u>80</u>		<i>Vbertinus Auria</i>	<u>75</u>
<i>Raphael Adornius</i>	<u>92</u>		<i>Viccomes Cicada</i>	<u>151</u>
<i>Raphael Montaltus</i>	<u>110</u>		<i>Vincentius Iustinianus</i>	<u>188</u>
<i>Raphael Riarius</i>	<u>196</u>		<i>Vbertus Spinula</i>	<u>203</u>
<i>Raphael Adornius</i>	<u>109</u>		<i>Violantis Auria</i>	<u>160</u>
<i>Raphael Fulgosius</i>	<u>145</u>			
S			X	
<i>Syrus D.</i>	<u>16</u>		<i>Xylus IIII.</i>	<u>24</u>
<i>Simon Vignosius</i>	<u>85</u>		<i>Xylus Roboreius</i>	<u>191</u>


Registrum.

A B C D E F G H I K L M N O P Q R S T V X Y Z.

Aa Bb Cc Dd Ee Ff Gg Hh Ii Kk Ll.

Omnes sunt quaterniones, præter Ll,
sesterniones.

De licentia Superiorum.





148
1/2
3/4

